

PROCEEDINGS OF THE 10TH & BUDGET SESSION OF THE MIZORAM
LEGISLATIVE ASSEMBLY HELD AT THE ASSEMBLY HALL FROM THE
15TH MARCH, 1975 TO 30TH MARCH, 1975

5th sitting on the 22nd March, 1975 at 10:30 A.M.

P R E S E N T

Pu Vaivenga, Speaker in the Chair. Chief Minister, six
Ministers and twenty two Members.

B U S I N E S S

1. Questions.
2. General discussion on
 - (a) Supplementary Demands for Grants for 1975-76 and
 - (b) Budget for 1976-77.

SPEAKER: " Lal thilung chu Lalpa kutah a awm a, tui
luanna kawng angin a duh duhnaah a tikawi
thin. Mitin an awmdan hi mahni mitah chuan
dik tih a ni a. Nimahsela, Lalpan thilung
a buk thin; inthawina aiin dik tak leh fel
take rorel chu Lalpa tana pawimawh zawk."

Zawhna No. 15-na, zawhna neituin han zawt sela,
Minister incharge-in chhang sela.

FINANCE DEPARTMENT

Funds for implementation of 20 Economic Programme.

*15:PU LALKUNGA: Will the Hon'ble Minister i/c Finance
Department be pleased to state -

What is the amount of money allocated by the
Central Government to Mizoram Government for implementation of
the Prime Minister 20 Point Economic Programme ?

PU R.THANGLIANA:P Speaker, 20 Point Economic Programme atan
MINISTER. Central Sawrkarin Fund hrang a bikin siam a nei
lo a ni.

PU LALKUNGA: Pu Speaker, chanchin bua kan hmuh dan leh
Gauhati Radio-in ni 13.3.76 zana a puan danin
Nagaland tan chuan cheng vaibelchhe hnih leh
engemawti Prime Minister 20 Point Economic Programme tih
hlawhtlinna atan hian Central Sawrkarin a bikin a pu 'ih a puang
a. Engtiziange Mizoram tan pek a nih ve leh ? He lam atan hian
dil a awm lo nge, chanchinbuah te a tih hlawhtlinna atan engemaw
zat pek a nih thu puan a ni bawk si a, he lam atan hian dilna
a awm lo em ni ?

.....2/-

PU R.THANGLIANA: Pu Speaker, tun thilah chuan official-a thil
MINISTER. hriatna ala awm lova, kan hmu dawn a nih
pawhin kan la hmu dawn a ni chauh anga. Mahse
tunah chuan engmah hriatna ala awm lo.

PU C.CHAWNGKUNGA: Pu Speaker, a dilna kan theh lut em ?

PU R.THANGLIANA: Pu Speaker, he thilah chuan dil e, mahse
MINISTER. tun thilah chuan engmah kan la hmu lo.

PU C.CHAWNGKUNGA: Pu Speaker, chumi thu bawhzuiin Delhi-ah a
tul angin wawi engzatnge kan kal ?

PU R.THANGLIANA: Pu Speaker, hemi thil bik ti tur ringawtin
MINISTER. Delhi-ah kal ala awm lo.

PU LALKUNGA: Pu Speaker, 20 Point Economic Programme hi
Mizoram chungah a hlawhtling vak lo kan ti
a, a tih hlawhtlinna atan hian hmanrua eng
engemaw a ngai thin a, pawisa te a lo mamawh a, chumi atan
chuan waviin ni thlenga a bik taka pawisa dilna ala awm lo
hi kan ngai pawimawh lo nge, engnge a chhan ?

PU R.THANGLIANA: Pu Speaker, Plan Scheme discussion-naah a
MINISTER. pawimawh apiang tan tih sawi a ni a, mahse
hei hi chumi atan tih bik a awm chuang lova,
tuna kan hmuh ang angah hian kan theih ang ang tih mai tur
a ni thin.

SPEAKER: Zawhna No. 16-na, zawhna neituin han sawt
sela, Minister concerned-in han chhang sela.

REVENUE DEPARTMENT

Authority to allot lands.

*16: PU C.LALRUATA: Will the Hon'ble Minister i/c Revenue
Department be pleased to state -

Who is the authority in allotting lands to
individuals/firm for house sites in restricted towns and for
W.R.C. gardens and Fish Ponds etc. in rural areas ?

PU R.THANGLIANA: Pu Speaker, tuna kan Danah chuan house sites
MINISTER. te, huan te leh fish ponds te pe theitu chu
kan Administrator hi a ni a. Mi dang authority
pek apiang chu an ni.

PU C.LALRUATA: Pu Speaker, zawh belhna- Administrator chuan
tun thlengin chutianga ram pek theihna authority
chu tuemaw tal Officer hnenah pek a nei em?

PU R.THANGLIANA: Pu Speaker, tun thlengin chutiang authorised
MINISTER. an la awm lo.

PU C.LALRUATA: Pu Speaker, zawh belhna dang - Director, Settlement and Land Records te, Assistant Settlement Officer-ten-a Aizawl khawpui chhungah te leh thingtlangah te In hmun leh Huan leh Leilet leh Sangha dilte an pek te reng reng hi invalid tihna a ni em ?

PU R.THANGLIANA: Pu Speaker, Director Land Record tena chuti-
MINISTER. tiang anga pek awmin ka ring lova. Tin, an pe a nih pawhin formal-in Sawrkar approval chu lak zel a ni.

PU C.LALRUATA: Pu Speaker, zawh belhna kan ti leh ang a, khawngaihtakin Minister zahawm takin min chhan leh theih chuan a lawmawm hle ang a. Chutianga Administrator chiaah pawh thleng lova, Sawrkar kan tih anga hi a thlen chuan a ngaihthiam theih a. Chutiang thleng lovin Director te leh Asst.Settlement Officer thenkhatte chuan mi tu tute emaw hnenah In hmun te lo pe sela, thu tling a ni nge ni lo, Sawrkar thleng lovin.

PU R.THANGLIANA: Pu Speaker, Sawrkar thleng lova pek theihna
MINISTER. chu Director te leh Asst. Settlement Officer-ten tun chinah chuan thuneihna an nei lo reng reng a. Chutiang thil a awm a nih chuan a dik lo a ni.

PU C.CHAWNGKUNGA: Pu Speaker, zawh belhna- W.R.C. te, Huan pass te, Sangha khawina pass te hi tuna Revenue Department hian tam tak pass a siam sak a, chu chu kan Minister-in thu tling niin a sawi lova. Tin, tun chinah a thlenna tur tu tak nge ni ang ?

PU SAPLIANA: Pu Speaker, supplementary question- kan Minister zahawm tak khamin Administrator-in tu hnenah mah house site emaw hetiang pass pek theihna emaw authorised a nei lo a ti a. Chu chu lo ni ta se, engatinge house pass-ah te hian Administrator-in a rem tihna a awm si lova, tuemaw Govt. official hming sign ringawta house pass-ah te hian a kal theih ? Tin, authorised a nih si loh chuan Government-in chutiang khatiana a tih angin tih tala order a awm ngai loh ?

PU R.THANGLIANA: Pu Speaker, tun chinah tih kha, tun nimin
MINISTER. thleng kha a ni a. Tin, thingtlang khuaa Director ten emaw Asst.Settlement Officer ten emaw, khawpuih pawh a ni thova, hming an signed an pekna hi Sawrkarin a approved tawh, Sawrkar aiawhin an signed mai a ni a. Tunhmain Council hun lain 'Executive Committee' tih a ni a, kha kha Administrator tia thlak a ni a. Chu chu Sawrkar tihna a ni mai a. Tuna kan member zahawm takin a rawn sawi(Pu Sapliana: Pu Speaker, authority a pek si loh in engtinge a signed theih?) Signed thei turin authority a pe a, an signed a ni zawk a, pe theitu a ni lo mai a ni, signed chu sign theih a ni.

SPEAKER: Zawhna No. 17-na, zawhna neituin han zawt sela.

FOREST DEPARTMENT

Amount of Forest reserve received during 1975-76.

*17:PU C.LALRUATA: Will the Hon'ble Minister i/c Forest Department be pleased to state -

What is the amount of revenue/Taxes/Fees etc., collected by the Forest Department during the current year (upto February, 1976) ?

PU ZALAWMA: Pu Speaker, Forest produce 1975-76
DY.MINISTER. February thleng ti mai ila (hei kan la kal mek a ni a), chumi thlenga royalty kan lak chu Rs. 4,14,846.80 a ni.

PU C.CHAWNGKUNGA Pu Speaker, supplementary question- P.W.D. contractor te chuanin thingzaite emaw Sawrkar hna Mizoram Sawrkar atan an lakin royalty an la thin a. Engatinge BRTF-te hian duh tawk tawka an laka royalty an awl ?

PU ZALAWMA: Pu Speaker, BRTF-te hian an kawng an
DY.MINISTER. sialna tur alignment an laihna area vel a mi kha, Development hnathawk an nih avangin khanglai ami kha chu, Sawrkar nen inrem siama, a thlawna an kih thluk tura ruahman a nih avangin, khelai alignment bik a mi chu kan realised lo a ni.

PU C.CHAWNGKUNGA: Pu Speaker, supplementary question- Chuti a nih chuan P.W.L. Contractor-te pawh hian kawng reserved chin a mi chu la ve ta sela, royalty chu awl sela a dik ve mai lawm ni ?

PU ZALAWMA : Pu Speaker, P.W.L.-ah chuan Contractor
DY.MINISTER. a ni a, Government-in direct-in a ti lova. Helai BRTF organisation hi chu anmahni kan ram State hmasawna tura kawng sialtu an nih avangin Sawrkar nen inbiak remba awma tih a nih avangin, an thing tih chhiat ah kan la lova. Tin, kawng alignment reng rengah Contractor te pawhin he laiah hian Sawrkar-in an ruahmannah chuan royalty an realised lova. Amaherawhchu, P.W.D. danin thingbul lungbul kar vangin, an hmu zawk a ni.

PU C.LALRUATA: Pu Speaker, Rs. 4,00,000/- teh meuh kumin chhungin lakluh a nih thu Minister zahawm takin a sawi a, a lawmawm hle a. Heng a lak luhna item pui deuh deuh hi ka hre duh a. Tin, khawthlang lam Tut dung vel emaw ni 'India Paper Pulp Industry' an ti emaw ni, chumi te ho hmaah kum 20, vel kal tawha, heta District Council nena inrem siamna neia Mizoram mau latu te phalna kha a ral tawh niawmin hriat a ni a. Chu chu an fee pek pangngai chawi thin khan a kum tiam chhung a ral hnuah hei an la kal zel a, chu chu Sawrkar-in tihdanglam tumna a nei em ? Tin, a kum an pelh tawh hnua an la tih zelnaah chuan fee hran a la em ?

.....5/-

PU ZALAWMA : Pu Speaker, a hmasa zawkah khan royalty
LY.MINISTER. kan lakna pui deuh deuh Member zahawm
tak khan a zawt a. Thing royalty te, Mau
(bamboo, Mahal-ah te), Lung quarry-ah te a ni ber a. Chumite
pathum chu a lian deuh deuh te chu an ni a. Tin, India Paper
Ltd., khumi Company-ina an term hun chu tun March 31 hian a
tawp dawn a; tuna Sawrkarin (Department-in) kan ngaihtuadhan
chuan tihtawp rih thain kan hre rih a ni.

PU C.CHAWNGKUNGA: Pu Speaker, supplementary question -
kumin July thla khan khulaiah khuan nuho
mau tuai khawrh kha an lak saka, royalty
an pe love tiin an chhuhsaka, an lilam a ni. Chutih lai tak
chuan Motor pakhat ZEG pakhat, Motor lian pakhat hian thingtuah
tur leh mau royalty free-in a phur thei sa a, engatinge lo neitu
te leh thingtlang rethei te te mautuai khawrh man si a, milian
te thil phurh leh khatiang kha royalty free-a a pek theih eng
Danin nge a pek theih ?

PU ZALAWMA : Pu Speaker, thingtuah tur atan mamawh a
DY.MINISTER. nih chuan Sawrkarah (Department-ah) dil
theih a ni. Truck load khat a zawngte,
head-load a zawngte-in fee a awm a ni. Chumi pe te chuan an
phur thei a. Tin, mau hi, rawtuai zawrh leh lak hi Sawrkarin
khap a ni a, chuvangin khapna lo bawhchetu-te chu laksak theih
an ni.

SPEAKER : Zawhna No. 18-na, zawhna neitu-in han zawt
sela.

Forest royalties Vairengte and Bilkhawthlir areas.

*18:PU F.HRANGVELA: Will the Hon'ble Minister i/c Forest
Department be pleased to state -

(a) Do the persons who exploit the Forest
timbers between Vairengte and Bilkhawthlir pay royalty ?

(b) If so, how much is the revenue received
from this area during 1975-76 (upto February, 1976).

PU ZALAWMA: Pu Speaker, mi thenkhat ten Forest thing
LY.MINISTER. leh mau Vairengte leh Bilkhawthlir inkara
an tihchhiatah hian Sawrkarin royalty lak
a nei em an ti a. Hei hi royalty kan la a. Tin, hemi atan hian
royalty 1975-76 February thla thlengin revenue kan hmuh chu
Rs. 5,859.76 a ni.

PU C.CHAWNGKUNGA: Pu Speaker, zawhna neitu-in supplementary
question a neih dawn loh chuan kan zawh
belh teh ang. Kan Forest Department-ah
hian thing leh mau a kitru te man thei chauh hi kan promote
deuh niin ka hria a. Hei hi dik turah ka ngai lova, man lova
mahni area veng him thei te hi kaisantir zawk tawh a tha em tih
hi rilruah an neih em tih ka zawt duh a ni.

PU C. LALRUATA: Pu Speaker, chhan nghal atan- Vairengte leh Bilkhawthlir inkara Rs. 5/- lai royalty lak a lo ngaih takna chhan thing leh maute hi tute nge a ti chhetu, engvanga tichhia nge ni? Tuna Member zahawm tak sawi ang Khan, an tihchhiat hmam Sawrkar hian a hre lo vem ni?

PU ZALAWMA : Pu Speaker, helai area hi kum tinin
DY. MINISTER. Inner line Sq. Mile 559 a ni; Kolsib atanga Inner Line Reserve Area zawng zawng hi a ni a. Hei hi Forest-in Restricted Area-a a ngaih a nih avangin enkawl naah pawh an strict em em mai a. Chu chu kum dangah pawh hemi lai thing leh mau tichhetute hremna atan chutianga chuan royalty laksak an ni thin a. Chuvangin hemi kan lakna hi chu mi thenkhat-in Inner Line Reserve chung a nih avanga Department phalna laa, huanah te emaw, lempuiah te emaw leh he lai Sipai thenkhat leh khulai vela Security Force ten thing leh mau (an thingtuah atan) an lak atangan a ni. Chutianga chu kan lakna pui deuh deuh chu a ni a. Hei kumin hian rin aiin kan la tam thei zawka, a lawmawm hle a.

Tin, Member zahawm tak, Pu Chawngkunga zawhna-Forest Staff-te hi : Forest venghim tura tih an ni a. Mi, dan bawhchhetute man tura tih an ni a, dan kengkawhtu tura ngaih an ni a, Department chuan hnathawk thaah a ngai lo thei lo a ni.

PU F. HRANGVELA: Pu Speaker, helai hmunah hian tunge ni Mahaldar tih ka hre duh a. Tin, an lakzat dik tak briat theih a ni em? Chu chu briat ka duh a ni.

PU ZALAWMA: Pu Speaker, helai Govt. Notification-ah
DY. MINISTER. chuan District Council atang Khan Kawng thlang leh Kawng Chhak mel chanve ve hi Forest Protected Area ang deuha ngaih a ni a, Mahaldar kan nei lova. He lai hman hi Department-in direct-a a enkawl liau liau a ni a. Tin, kawng chhak leh kawng thlang 100 feet ve ve kha Road Side Reservation a ni a: chu chu a huan lova. Chumi bakah mel chanve ve kha Department-in direct-a a enkawl a ni, Mahal chu kan pe lo. Dan bawhchhetute hnen atangin royalty-te hi lak khawm a ni.

PU F. HRANGVELA: Pu Speaker, an lak zat dik tak kha briat theihna a awm em? Kha kha min la chhang loin ka hria.

PU ZALAWMA : Pu Speaker, briat theihna awm e, an sema
DY. MINISTER. te engkim report hmuh theihin Department-ah tunah a la awm ang.

PU VANLALHRUAIA: Pu Speaker, thing royalty an lak dan te reng reng hi mumal tak a awm lo em ni aw- hei hi ka hre duh a. Sawlam Sialsuk tlang dunga Motor lo hawng saw Ngaziel gate bulah sawn an lo tiding a, thing an phurh leh phurh loh an lo check a. Hman zana ka hawng chuan chutianga an lo check chu ka hmu a, khawiahnge royalty hi pek tur a nih a, khawiahnge tihfel tur a nih tih ka zawt a. Sateek lamah te a ni dawn lawm ni an ti a, chutianga Sateek lama an tih ka hre si lova, kan Sawrkar hian sawlai tlang dunga thing leh mau royalty lak dan hi engtingge a siam ka hre duh a.

Tin, hei hi ka hre leh duh a- mi tam takin Huante an nei a, an Huan chhungah thingte a lo awm a, chumi an lak khawm atangte chuan royalty an laksak zel dawn em ni ? tih hriat ka duh a.

Tin, a chhan tel nghal atan - Khumi tlang dung kan sewiho nek lai khu thing quintal khatah eng angin nge royalty an lak ? Mau engtingge a royalty an lak tih ka hre duh a ni.

PU F. HRANGVELA: Pu Speaker, Minister zahawm tak khan Mahaldar tumah kan nei love tiin ka hria a. Sai te leh Motor liante-a la tlut tlut tute khu Mahaldar ni lovin khulai thawktute nena inrem siam a la mai em ni an nih le ?

PU ZALAWMA:
DY. MINISTER. Pu Speaker, ka han sawi mel chanve area bik kawng hnuai leh kawng chung kha ka sawi a, a hranpa erawh chu chumi bakah Mahaldar an awm thei. Helai hmun atang hian Sawrkar-in lan bawchhetute hnen atanga a lak khawm a chu a ni a. Chuvangin khalai chu Mahal-in kan pe lova, permit pawh pek loh tur a ni a, amaherawhchu, thu awi lo tute Sawrkarin a hmuh chhuah atanga hengte hi revenue a ni zawk a.

Tin, Member zahawm tak, Pu Hruaia zawhna kha- royalty hi a bikin thingtuah atante kan lakdan chu bituk vek a ni a. Royalty bituknanah chuan mi malin a phurh-a phurh hi head-load an ti a, chu chu thlatin atan Rs. 2/- a ni a. Head load atan chuan kum khatz atan Rs 18/- a ni a. Tawlailir, a hnuha hnuh chi tan hian thla khatah Rs. 2/- a ni a. Chu lo leh Truck load man atan chuan vawikhatah Rs. 9/- a ni a. Tin, thil dang dang tih chhiat man atan thla khatah Rs. 1.25 hu a ni a, a quintal a thuin chutiang a royalty lakna rate chu a tamin a tlem a ni. Khawihnge a royalty te, permit leh a leiman te tãhfelna tur tih kha a naranin thing mamawhtu te chuan Beat Office kan neihna apiangah Beat Officer-te an dil thei a, a hnen atang chuan permit lak tur a ni.

Aizawl khaw chheh velah chuan Aizawl-Khatla Beat kan ti a. Helai kual vel vengtu, Aizawl atanga 15 Sq. Km. vengtu te hi chu Dy. Ranger hovin an awm a. Tin, hmun dangah chuan Beat Office atangin permit loh khatiang phalna kha lak tur a ni.

PU VANLALHEUAIA: Pu Speaker, a chhanna kha fel hlel deuhah ka ngai. Saw lai pheih kha mel 5 ruam velah te tuten emaw thing an la phur thei a. Kulikawn tawpah khan an lo man ringawt thei a, a karah khan Beat Office a lo awm lo thei tlat mai a, chung chu engtingge ni ang ?

SPEAKER: Sateek tlang dung leh Bilkhawthlira thil chu a in relevant chiah lovang a, chuvangin zawhna No. 19-naah i kal ang u.

PU SANGKHUMA: Pu Speaker, a bawhchhetute hnen atanga lak Rs. 40,000/-- chuang zet mai kan Minister zahawm tak khan a ni e a ti a. Dik takin khulala Forest Department-in an Reserve chung khu venhim an tum ve chu niawm a ni a, a dum duhin an la a, gate-ah a royalty an lo la mai a, venhim an tum lo niawmin a lang a, chu chu an kal zeldan tur em ni ang hriat ka duh a, chuti a nih chuan a venhim awzawng lovang tih a lang reng a. A royalty kha hremna a nih chuan a double-in an la ngei tur niin ka ngai a, a double-in an la em tih ka hre duh a ni.

PU ZALAWMA: Pu Speaker, hremna a nih avangin a double-a
DY.MINISTER. lak a nih avang rengin heti zozai hi alo tling a ni.

SPEAKER: Venhim an tuma, a titute hrem an ni a, hei hi an venhim tumna vang a ni. Aw le, zawhna No. 19-na.

More strict control of Forests within Aizawl, Lunglei and Champhai Towns.

*19: PU F.HRANGVELA: Will the Hon'ble Minister i/c Forest Department be pleased to state -

Is there any proposal to control the Forests within the town areas of Aizawl, Lunglei and Champhai more strigently than it is at present ?

PU ZALAWMA: Pu Speaker, Aizawl Town Forest leh Lunglei
DY.MINISTER. leh Champhai Town Forest-te hi tha zawka Sawrkar-in enkawl tumna a awm em tih a ni a. Hei hi Sawrkarin theihtawp chhuaha enkawl tak tak a tum a. Amaherawhchu, heng khawpuite hi engemawchenah Khawpui te chu chei zel anihnaah hian duh anga lo humhalh theih lohna in leh lo hmun belh zel a nih avangin tih belh zel theih a ni rih lova, a awm chhun chhun erawh chu ngun taka enkawl tum zel a ni e.

SPEAKER: Zawhna No. 20-na, zawhna neitu-in han zawt sela.

GENERAL ADMINISTRATION DEPARTMENT

Declaration of Towns as Urban Areas:

*20: PU F.HRANGVELA: Will the Hon'ble Minister i/c of General Administration Department be pleased to state -

- (a) How many towns in Mizoram have been declared as Urban areas ?
- (b) What are the prerequisite necessary for a town for being declared as an Urban area ?

....9/-

PU CH.CHHUNGA:
CHIEF MINISTER.

Pu Speaker, zawhna No.20-na- Mizoramah hian Urban Town Area engzatnge siam a nih tawh a, engzatnge puan a nih tawh tih a ni a. Hmun thum puan a ni a, chungte chu Aizawl te, Lunglei te leh Champhai te an ni.

Tin, zawhna (b)-na chu engte nge Urban area (khua)-a puan a nih theihna tur tih a ni. A condition ti mai ila, chumiah chuan remte kha classified a, demarcation te siam fel vek hnu a ni tur a ni a.

A pahnhnaah chuan subdivisional headquarters a ni tur a ni a. Subdivisional headquarter a nih tawh chuan a population tam leh tam loh thu a ni tawh lova. Tin, Commercial, (sumdawna) lamah leh rorelna lamah pawimawhna a neih chuan, leh a khuaah mipui sang nga aia tlem ao an awm chuan Urban area-ah puan theih a ni bawk ang.

PU K.SANGCHHUM:

Pu Speaker, zawh belhna- chuti a nih chuan tun hnaia Sawrkar-in Subdivision headquarter an siam thar leh an hawn teah khan he thil hi puan nghal ve theih a ni dawn tihna em ni ang. Heng subdivision, hawn thar leh puante hi Urban area, Khawpui anga puan leh hman a ni thei ang em ?

PU LAHMINGTHANGA:

Pu Speaker, zawh belhna- Champhai, Aizawl, Lunglei te chu Urban areas-ah declared a ni tih kan Minister zabawm takin a sawi a. Kolasib leh Serchhip chu chutiang dinhmun chu a hnaih hlein hriat a ni a. Kolasib leh Serchhip hi Sawrkar-in Urban Area-ah puan tumna a nei ve tawh em aw tih ka hre duh a.

PU C.CHAWNGKUNGA:

Pu Speaker, zawh belhna- tun hnaiah hian restricted tillage siam a awm em?

PU CH.CHHUNGA:
CHIEF MINISTER.

Pu Speaker, Subdivision tuna hawn thar te hi puan ve nghal theih a ni ang em tih chu, a theih loh va. Champhai chu tunah Urban Area-ah puan a ni tawh a, amaherawhchu tunah Kolasib chu puan a la ni lova. Hei hi classification te, demarcation te leh eng engemaw kha a plan an la peih chiang lova, chuvangin puan theih a la ni rih lo tih a ni a. Chutiang bawkin Serchhip pawh a dinhmun a danglam lova, chuvangin khang pawh kha puan loh tur tih loh puan tur tih teh chiam ala awm lova (Pu K.Sangchhum: Pu Speaker, nichina Chief Minister-in a sawi ang khan Sawrkar-in tih a tum em ? puan tumna a nei em ?) Nei e, a nei thei tur chinah khan ziah luhsa a ni a. Subdivisional-ah chuan a khua te hle mahse Urban Area-a puan theih a ni a. Amaherawhchu, Subdivisional ni tur chuan a pawimawhna tur chin chu Sawrkar-in a pe mai a, engemaw te a nih chuan. Amaherawhchu, hemi Urban Area-a puang tur chuan engemaw condition bik a awm ta a, chu chu a danglamna a ni ta a ni. A ni thei chinah chuan Subdivision a awm nghe nghe a, subdivision thua chuan a mihring zat tur a sawi lang lova, tul niin a lang lova. Subdivisional ringawt a pawh kha pawimawh tham a nih avangin. Chuvangin la tih zel chu tum a ni anga, Staff te leh engemaw neih tam tawh loh avangin khaw tam tak kha a rualin puan theih loh a ni zawk.

PU VANLALHRUAIA: Pu Speaker, ka lo hre fuh lo nge ni min han brilhfiah leh selangin. Sub-Division awmaah kha chuan a khua kha te hle mahsela, Urban Area-a puan theih mai niawmin a sawi a.

Tin, pakhat lehab chuan, population kha 5,000 ada tlem lo a nih chuan a ti bawk si a, khalai inker a, kha engnge dik zawk a ~~sub~~ subdivision nge a population zawka kha pawimawh ta zawk ka hre fiah duh a ni.

PU SANGKHUMA: Pu Speaker, tuna mi puih nan leh a fiah leh zual nan -Urban Area-a puan chhuah tur te chuan heng thil te hi a nei tur a ni tih a sawi chhuah den dena kha an nei kin vek tur nge ni a, pakhata chauh pawh kha nei se a puan theih tho tihna em ni ?

PU CH.CHHUNGA
CHIEF MINISTER: Pu Speaker, mi pakhat chauhin be thil pakhat chauh hi an nih pui dawn em ni ang, Urban Area te pawh chu an nih pui phah mai dawn em ni ang tih kha - tunah chuan a then a zar an neih chuan, an neih loh chuan i pawm mai ang u tihna tunah chuan a la awm rih lova.

Zawhna pakhat leh - mipui tam leh tlem khan kori a tu vak lova kan ti a. Amaherawhchu, sangnga aia tlem lo kan han tih a erawhchh Administration lamah leh sumdawna, engengah emaw te khaw pawimawh atan chauh a ni zawk a ni.

PU F.HRANGVELA: Pu Speaker, kan Chief Minister zahawm tak khan Aizawl, Lunglei leh Champhai te hi Urban Area a ni e a ti a. Khangte kha engtika Urban Area-a puan nge an nih ?

PU CH.CHHUNGA:
CHIEF MINISTER. Pu Speaker, ni 4 August, 1975-a puan kha an ni.

PU C.LALRUATA: Pu Speaker, zawh belhna- Urban Area-a puan tak khaw thumah te hian Urban Area Rent Control Act kha a hman theih tawh hlawm em ? Tin, ka hriat sual loh chuan Chhimtuipui District Headquarter Saiha-ah te pawh dawn Land classification te pawh owm tawh thovin ka hriana, engatinge sawngte saw Urban Area-a puan loh a nih tih ka hre duh a ni.

PU F.HRANGVELA: Pu Speaker, chhan nghal atan - ka hriat sual loh chuan kan Chief Minister zahawm tak khan heng khaw pathumte hi ni 4, August 1975-ah Urban Area-a puan a ni e, a ti a. Aizawl hi ni 4, August 1975 hma khan Urban Area a lo ni lo reng em ni ?

PU CH.CHHUNGA:
CHIEF MINISTER. Pu Speaker, Urban Area Act hi tun lawka kan pass a ni a. Chuvangin Urban Area Dan ang taka kan sawi dawn chuan an la ni hman lo a ni. Tin, chu bakah Aizawl Area kha zau taka siam a ni a, tunhnai mai, hemi hmaah hian. Tin, hemite nen hian area kha puan chhuah nghal a ni.

PU F.HRANGVELA: Pu Speaker, Ni 4, August, 1975 atanga Aizawl kha Urban Area-a puan chauh a nih khan, eng engemaw Sawrkar in luah man te leh eng engemaw tam tak, mi tam tak tan lungawi lohna awm mai theiin ka ring a. Tun hmain Assam Sawrkar-a kan awmlai pawhin in luah man te leh rent thilah Urban Area angin min lo ngai tawh a, declared-na tahrik ni fel takin awm lo mahse kawng tam takah Urban Area angin min lo classified tawh a. Chungte chu U.F. Sawrkar kan lo nihin kawng tam takah a rawn chhawn tho si a. Chuti ni chung siin Urban Area ang Assam Sawrkar-in min lo pawm tawhna te chu tunah kan U.T. Sawrkar hian ni 4, August, 1975 atang chauha Urban Area-a min lo pawm hi a lungawi loh thlak hlein ka hria a. Tunhmaa Urban Area ni si, mipui te leh Aizawl Khawpui ka ta a ni ti theitu tena kan lo ngaihna te kha Urban Area a ni ngei ti fiahtu niin ka hria a. Chuvangin khang hma thil awm zawng zawng kan zuk ngaihtuah in he hunah hian an puanna khan ni thei dawn chauh niin min huap tan dawn chauh ni thei dawn ta em ni ?

PU CH.CHHUNGA: Pu Speaker, Assam Urban Areas Rent
CHIEF MINISTER. Control Act kha Mizoramah hman a ni ve
lova, chuvangin tunhmain Aizawl hi Urban
Area-ah puan a la ni lo reng reng a ni.

SPEAKER : Zawhna No. 21. Vawiin hi zawhna kan
ngah deuh a, kan kal chak deuh a tha
ang a, supplementary question zawt
mai thin ila a tha ng, sawi thui duah lovin.

Diversion of Employment Generation Scheme Fund.

*21: PU F.HRANGVELA: Pu Speaker, Will the Hon'ble Minister
i/c G.A.D. be pleased to state -

(a) Whether it is a fact that Rupees
one lakh has been diverted from Employment Generation Schemes
Fund for completion of the Circuit House at Aizawl ?

(b) If yes, do not the P.W.D. have
adequate fund ?

PU CH.CHHUNGA: Pu Speaker, Aizawl Circuit House sak nan
CHIEF MINISTER. Employment Generation Scheme atangin
Es. 1,00,000.00 hi theh chhuah tumna a
awm em ni tih a ni a, zawhna chu. Employment Generation Scheme
atangin Circuit House sakna turin pawisa hman a awm lova, chu-
vangin (b)-na pawh hi chhan ngai a ni lo a ni.

SPEAKER: Zawhna No. 22-na, zawhna noitu-in han
zawt sela.

EDUCATION DEPARTMENT

No. of Government/Deficit/Government Aided High Schools in
District-wise.

*22: PU K.SANGCHHUM: Will the Hon'ble Minister i/c Education
Department be pleased to state -

(a) How many Government/Deficit/Government Aided High Schools and Middle Schools are there in Mizoram ?

(b) Whether Science Teachers are employed in all these Schools ?

(c) If yes, please state the name of Schools where Science Teachers are appointed ?

PU H. THANSANGA :
MINISTER.

Pu Speaker, Mizorama Sawrkar High School awm zat chu 10 (ten) a ni a. Grant-in-aid under deficit hmu chu 42 a ni. Tin, Adhoc Grant-in-aid ka ti mai a, Deficit grant ni lo kha 40 High School a awm a. Government M.E.School 68 a awm a, Deficit Grant hmu 57, Adhoc Grant-in-aid hmu 78 an ni.

Tin, (b)-na Govt. High School hi Science Teacher graduate with Science a ni ang chu. Science Graduate chiah ni lo mahselang a hnuai lamah emaw Science te an lo la emaw thiam bik subject-ah te an lo nei thei bawk a, khatiangte kha pek an ni a. Deficit School-ye chu Managing Committee hnuai a awm an ni a, appointment leh engemaw thilah te. Amaherawhchu, High School-ah erawh chuan Graduate level-a Science la Zirtirtu, Science nei pakhat nei tura hrilh an ni a, Appointment erawh chu anmahni rawn lovin Sawrkarin direct-in a ti mai lova ni. Tin, M.E.School-ah hian Zirtirtu tura tang thei chu Matric passed chin chu a qualification an ni a. Chutiangan Science lam, zirtirtu atan chuan a tih mai theih lova. Mahse M.E.School zirtirtu te zinga pakhat tal chu Science lam train-na, Short Course emaw a nih loh leh seminar zawng tih chu a kawng hman a ni a, chu chu tihdan pawh a ni a.

(c) -na. Chutianga Science Teacher te pek an nih chuan a School hming engnge ni a ti a. Chu chu pek theih vek an nih loh avangin, a chhandan tur chu chutianga a awm love, a ngai lo ve tih tur emaw a ni ang chu.

PU K. SANGCHHUM:

Pu Speaker, zawh belhna- Mizoramah Science leh Mathematics-ah hian High School naupangte harsatna tawh tamna ber a ni a. Chutianga a nih avang chuan Sawrkar pawhin ngaih pawimawh loh theih niin ka hre lova. Tuna a Science Teacher Govt. High School-ah leh Deficit-ah leh Aided School-ah khan engzatnge rawih tawh ni reng reng ? chu chu pakhat ni se.

Tin, pahnhnaah chuan Sawrkarin Science ngaih pawimawh avangin School Authority te leh Headmaster te hnenah Science hi ngaih pawimawh a, Zirtirtu te hi lak tur a ni tia instruction pekna a awm em ?

Tin, pathumnaah chuan Zirtirtu dangte pawh School an pek phalna an pek thin avangin a bikin Science zirtirtu hi a hrana hlawh siam sak tumna Sawrkarin a nei em?

PU VANLALHRUAIA:

Pu Speaker, kan Minister zahawm tak khan, Govt. School leh Deficit School engemaw zat kan neih tawh thu a rawn sawi a. Aided School pawh engemaw zat kan neih thu a rawn sawi bawk a, chuti ni se, Aided School kan neih te leh M.E.School te a mi hi kan Sawrkar hian Sawrkar School anga lak luh tumna a nei em ?

PU HITHANSANGA MINISTER. Pu Speaker, zawhna tuna mi kha a relevant nge relevant lo ka hre lova, Science Teacher chung chang zawhna thu a ni a. Tin, zawhna neitu-in a rawn zawh pakhata kha han chhang ila- Science Teacher dahna hmunte High School-ah chuan sawm (10) an ni a. Tin, Deficit High School-ah chuan 20 an ni a. Tin, Govt. Aided High School-ah chuan 14 a ni. Tin, Science Teacher la turin hriih an ni em tih kha- Science hi subject pawimawh taka nih avangin School tin hi Science Teacher nei tura duh vek an ni a, High School-ah hian Science Zirtirtu kan nei tam tawk lo va. Mizoram atang hian han in dah tur chuan Mizo zingah Science Zirtir thei kan lo tam tawk lova, chuvangin Mizoram pawn lam amite pawh lak an ni a. Chutiang chuan tunah pawh Deficit High School Science Teacher nei lo te zawh an ni a, an neih loh chuan Inspector-in list tlem a nei a, chuta tang chuan pek a ni a. Chuvangin School hi Science Teacher nei tura beisei an ni a, chu chu School authority te hian an hre theuh bawk a ni, an hmuh loh vang mai a ni.

Pu Speaker, member zahawm tak Pu Vanlalhrualia zawhna kha - Deficit High School-a leh leh Sawrkara siam te pawh a ni ang chu, chutiang chu tunah ruahmanna fel tak a awm chuang lova. Amaherawh-chu, hei Aid Rules kan la hmang dawn a, chumi Dan chuan phut a nei a, chutiang Danin a phut ang nei thei leh ti theite chungchang chu zawi zawia la ngaihtuah chhoh zel tur a ni. Tunah chuan Sawrkarin kuminah chumi chu chutiang chuan ala ang, la lo ang tih a la awm lo. Chumi Danah chuan kan inngat dawn a ni.

Pu Speaker, chhan kim loh ka la nei em aw, pakhat la awmin ka hria a ni. (Pu K. Sangchhum: Science Teacher tur hi Sawrkarin Fund an pek chung atanga rawih mai tur nge, Hindi Teacher te angin a hranin hlawh an chhawm ve em?) Hindi teacher anga hlawh hran nei an ni ve lova, a chhutna pangngalah khan an tel ve mai a. Ka sawi tawh ang khan subject pawimawh a nih avangin telh loh theih loh kha a ni a, Hindi teacher te chu an hlawh pawh a tam lo deuh a, allowance hmu kim lo deuh ti mai ila, chutiang chuan a hranin a kal daih a, chutiang ni lovin zirtirtu pangngai main stream-ah khan Science Teacher te an tel ve a ni.

PU HRANGAIA : Pu Speaker, tunah khan kan Minister zahawm tak khan Science hi a pawimawh tih School tinin an hre theuh va a ti a. A nih loh leh pek tur an la hriat si loh khuaa Science lam leh Mathematic lam te an theih ang anga lo zirtirtu hi khatiang neih ngei tura tih a nih avangin hian Sawrkar hian zirtirtu lo ni tawhte hi ban ual an tum em ?

PU NGURDAWLA: Pu Speaker, chhan nghal atan- helai hi kañ zawt Chiang teh ang. Nichina kan Minister zahawm takin Deficit leh Government leh Aided School te a Science Teacher nei lo te tan khan Inspector-in list tlem a nei tih kha ka Chiang chiah thiam lova. Khami sawmaia kha Science

teacher la nei lo te tan khan sanctioned a awm vek kher lova, tlem a zawngte tan chauh ala awm rih nge ni a, enge ni a awmzia aw ka hre duh a ni.

PU VANLALHRUAIA: Pu Speaker, a rawn chhan nghal atankan deficit school hi a bik deuh takin han sawi ila, Sawrkar hian Zirtirtu an neih theih zat an tuk sak niin ka hria a, ka hria usual loh chuan. Headmaster nen 5 an ti nge 6 an ti ka hria usual loh chuan. Hmun tam takah an indaih hle a ni thei a, hmun tam takah erawh chuan an indaih lo hle tih hria a ni a. Chung indaih lohnaah chuan Sawrkarin zirtirtu a pek belh mai thei em ?

PU H. THANSANGA: Pu Speaker, zawhna hmasa Member MINISTAR zahawm tak Pu Hrangaiia zawhna kha han chhang ila. Tuna Zirtirtu lo awm mekte kha a hmanna tur thil ni lovin, an indaih lohna kha a ni zawk a, lo zirtir thei awma Sawrkarin approved theih a nih chuan chu chu hman a tul lovang a. Amaherawhchu, chumi hmaa lo zirtir thei leh lo buaipui ve thei tawh awm loh theih a ni lova. Khang kha chu a zirtirtu position leh Number a zirin a tihdan a awm ve ang a, chu chu a sawi lawk theih lohva, a leng nge leng lo tih pawh la ngaihtuah a ngai ang a, a ban tal tum lampang chu Sawrkarin tamin niin a lang lova.

Tin, tuna Pu Vanlalhruaia zawhna kha- an indaih lo tih chu Sawrkarin a hre teh meuh a, amaherawhchu, an indaih lohna ang anga tih zung zung erawh chu a harsatna lai a awm a, technical difficulties a awm thin avangin a ni. Deficit School kalmang hi nakuma mi tur chu nakinah hisap tur a ni ang a. Chumi hisapa a ni tur chiah hria hnuah Sawrkarin a sanction dawn a ni a, increment te a chhut vek ang a. Nakum kum tharah chhut leh a ni ang a. Khami laia tel tawh lote kha chu lo indaih ta lo pawh ni se harsatna lai kha a awm a. Amaherawhchu, a tlangpuiin a kaldan tur a chu tuna Member zahawm tak rawn sawi ang khan a indaih loh chuan ngaihtuah chhoh zel tur a ni a. Naupang an tam leh sanction a tam ang a, additional teacher a awm zel tur tihna a ni a. Chu chu Sawrkarin School thenkhatah chuan a dah zat zat thei lo a ni mai thei, mahse chu chu a principle chu a ni ngei mai.

Tin, zawhna pakhat kha- Inspector list kha- hetiang hi a science teacher tur kha an lo dap ve a, kharia an mi hmun ang te kha Schoolan a daih zai thei ang a sem an duh a.

Pu Speaker, ni china kan sawi ang khan deficit school te chu Managing Committee-te tual-chhungah an awm a, khang khan an lo appoint tawh nge tawh lo tihte leh an neih leh neih lohte an zawt hmasa

te te a, an neih loh chuan an ngaihtuahpui tihna a ni a. Chu chu Inspector list tih kha a ni, thil dang tehchiam a ni lo ve. Amaherawhchu, Managaing Committee lo puihtheih dan lo ngaihtuahna mai a ni zawk e.

SPEAKER: Zawhna No. 23-na.

EDUCATION DEPARTMENT

No. of Rules made by Education Department.

*23:PU K.SANGCHHUM: Will the Hon'ble Minister i/c Education Department be pleased to state -

- (a) Whether it is a fact that some rules have been made by Education Department after Mizoram became Union Territory ?
- (b) If yes, what are the Rules ?
- (c) Are they enforced ?

PU H.THANSANGA: Pu Speaker, Education Department MINISTER. hian U.T. kan nih huah Dan siam a nei em tih a ni a. Nei e. Engte nge Dan chu - hei hi Table of the House-ah dah a ni a. Tin, chung Dan te chu hman a ni em tih a ni a. Chung Dan te chu hman tura buatsaih mek a ni a. Tin, a Dan a kha a vaiin hman theih ala ni lova, tin, hman tura pawh tihfel chiah loh ala awm a. Hemi Dan-a hi list-ah hian 1-na leh 4-na leh 5-na hi han sawi lang bik ila-Chung chu pakhatnaah chuan, 'Rules for Recurring Grant-in-aid to Recognised Educational Institution in Mizoram' tih a ni a. Hei hi tunah Sawrkar-in Principle min rawn approved sak tawh a. Tin, a hman dan tur ngaihtuah (process) mek a ni, Tin, chu loah dan dang (Rules to regulate the Award of lumpsum Book grants to bonafide student in Mizoram' tih a awm leh a, tuna kan sawi ang bawk khan process mek a ni a. Tin, (Rules for Mizoram Fees compensation grants' hei hi a principle-in min pawm sak tawh a, process mek a ni. Chu chu min pawm sak tawh a te chu a ni a. A dang chu Table of the House-a kan dah ang chu a ni e.

PU LALKUNGA: Pu Speaker, process mek a ni vek a, hman theih loh tihna em ni ? Eng anga process tur nge ni a, Rules zawng zawng chu process mek a nih chuan engtikah nge hman a nih ang ?

PU K.SANGCHHUM: Pu Speaker, zawh belhna-Member ten an sawi tak ang khan process mek a nih avang tak khan zawt ka ni a.

Rules an siam tawh zawng zawng a kha, a number, Rules engzatnge an siam, point pakhatna chu a ni a.

Point hnihna- an siam thei tawh zingah khan hman theih tawh engzatnge awm ? Tin, process mek a kha a number-in engzatnge ? (Speaker-siam tawha chu Minister khan a list kha Table-ah a awm a a ti a) a zat a kha.

PU H.THANSANGA: Pu Speaker, Member ten an hre duh a **MINISTER.** nih chuan - 10(ten) a ni a. Sawm zinga pathum chu a principle-in min pawmsak tawh tih ka sawi tawh a. Tin, khalaiah khan a hmandan tur kha remfel a ngai a. Tin, financial implication nei an nih hlawm avangin chungte chu nghah tur te pawh a awm a, siam fel tur te pawh a awm a. Chungte chu a ni mai a, process awmzia chu. Chuvangin hun rei-lotea hman mai tur, lang chhuak mai tur a ni a. (Pu K. Sangchhum: hman theih tawh kha engzat nge ?) A hman theih tawh a awm lova, ka sawi tawh 10(ten) zinga pathum te kha min pawmpui tawh te an ni a, hman theih turin tunah hian buatsaih mek a ni.

SPEAKER: Question hour chu kan zo ta a, zawhna vawinah pawh kan hmu tha viau va, pahnih khat kan ti zo hman dawn lova. Supplementary question kan ngah deuh thin avangin kan zo hman lo a ni a.

Tin, Unstarred Question kan han siam telah khan a awm anga, kha kha vawin niah kan tihfel a ni, kan hriatthiam ka ring a.

Kan tih leh tur chu Budget Discussion a ni a. Chu chu Supplementary for Grants for 1975-76 leh General discussion on the Budget for 1976-77 a ni a. Tin, kan hun neih tur chu vawin ni ni pum leh naktuk kan nei dawn, chu chu a vaia han chhutin minute 420 a ni dawn a. Tin, hemi kan lo practice thin dan principle chu Member ten 15 minute hman tum ta ila, khum tum lovin. Tin, wind up chu nakinah kan la siam ang a. Finance Minister erawh chu hun bi kan siam sak thei lovanga. Tin, chumi bakah chuan Party Leader, hemi House amiten 30 minutes an nei thei ang a. Mahse kan House-ah chutianga teh vak kan awm lovanga. Chutianga han ruahman chuan hun kan nei tha tawh viau-in a rinawm a. Chuvangin hemi kan discussion-ah hian a sawi nawn emaw keimahni pawhin kan zuk sawi tawh hrim hrimah khan a point-ah khan keimahni pawh kan clear a tha ang. Hemi General Discussion-ah hian motion dang kan Danin lak a phal lova, chuvangin hei hi chu discussion hun tur a ni tih kan hriat a tul ang a. Tin, kan Budget Bu Volume III-naah khan figure tihsual palh a awm a, page 26-na line 5naah khan khami tho kha 83,000 a ni tur a ni ang a, khami kha correct a tha ang a. Tunah Discussion kan tan ang.

....17/-

PU J. THANGHUAMA: Pu Speaker, 15 minutes min pe veih ka hria a. Mahse 5 minutes emaw lek kan sawi ve ang e. A hmasa berin ka han sawi duh chu, hmanni deuh lawka Aizawl Chanchinbu pakhat chhuakah chuan Tender-te reng reng hi a hniam ber apiang pek a ni tawh lovang tiin E.E. pakhat-in chhuahna a nei niawma, chu chu Chanchinbu pakhat a lo lang a. Khami rual vel khan E.E. then-khatte engemaw sawipui vena kan lo nei nuala. Kan zawt a, a rate hniam ber pek a ni tawh lovanga, a workable rate E.E. ten an tih apiang kha pek a ni ang tih kha an hmuh leh hmuh loh ka zawt a, ani chuan circulation chutiang engmah kan hmu ve lo a ti si a. Heti laia ka han hriat d-uh chu eng ang chiahin nge ni Sawrkar atangin Department-ah hriattirna a kal tih hi hriat ka duh deuh hlek a. E.E. pakhat hnenah chauh a hniam ber apiang pek a ni tawh lovang tiin order a kal bik nge nia, E.E. zawng zawng hnenah pek a ni veka, an lo hrek mai tih kha ka hre duh a.

A pakhat lelah chuan workable rate kan tih hi engemaw corrupt-na atan loop hole a zau duh dawn viauin a lang a. Tin, Committee pawimawh takte pawhin a rate hniam ber apiang pek tawh loh nise tia pawmpuina an nei a niawm a. A rate hniam ber apiang pek hi engemaw zawng chuan Department hotute laka intlansiakna hi a veng hlein a lang a. Hetiangah hi chuan kan hotu te leh mi dang dangte pawhin sawipui dawn ta ila a rate-in a zir tlat loh chuan eng a an theih vakin a lang lova, engemaw zawng tak chuan a fair hlein ka hria a, duhsak bik kha an awm chuang lova; chhungkhat laina pawh a awm theih chuang lova, a chawkrual hlein a lang a.

Tin, a rate hniam ber hi engemaw zawng tak chuan kan in tlansiak hlein a lang a. Kan intlansiak ludeuhin a lang alawm maw le ti dawn ila, eng ang rate hi nge maw a workable-a kan ngaih hi tih hi hrihfiah ngai deuhin a lang a. A thlangtu Officer tena thenkhat laia 15% te emaw an thlanga, workable-ah an ngai a, a thenin 10% emaw workable-ah an lo ti leh a, a thenin 20% hi workable-ah an lo ti leh a. Hetah hian a kawng kal bel deuh siam a thaawm mange, a workable kan tih hian lungrem-ah chuan 10% emaw 20% emaw a workable ah General Rule-ah kal law law sela a thain ka hria a. Tin, building-ah chuan 15% emaw engemaw tiin bithliah deuhin kal leh law law se a thain ka hria a. Chuti lo chu a thlangtu te kutah khan thuneiha a lian leh lutuka. Hetah hian a workable rate kan tih pawhin a hniam ber thlan a nih loh pawhin a workable rate a kha eng rate-a hi nge sawi fiah a ngai viauin ka hria. Tin, a rate hniam lamah kan intlansiak lutuk deuh a lawm kan ti deuh a, tunah hian a rate hniama kan in tlansiak avanga a hnathawh a chhiat takna em em khawi lai laiah nge khang kha hriat a chakawm viauin ka hria a. Anih loh leh workable rate-in kan ti e kan tihna lai tak kha eng anga tha nge ni kha kha fiah a ngai viauin ka hria a ni. Helalah hian engemaw Dan mumal kan neih ngain ka hria a.

A hniam zawnga kan intlensiak dawn a nih pawhin chumi percent chu ni lo sela, 20% emaw, 25% emaw minimum a pawm a. Chutianga kal law law emaw ni se, a workable a pawh chu chumi percent kan tih loh chuan a thlangtu officer-ten a workable e an tih pawh kha a inang lo thluah a ni. Building-ah pawh a inang lo va, kawng laihah pawh a inang lo a ni. Chuvangin helaiiah hian a har tehchiam ang em aw ka ti a, a workable rate-a kha. A dik takin hei kan hre tlang theuh a, a tute kutah emaw thuneihna in pek zau lutuk te pawh hi a fel lo emaw chu aw ka ti a, engemaw chang tak chuan contract te pawh hi a Board awm law law sela a petute pawh hi awm law law sela tiin sawi pawh thian thenkhatte nen kan sawiho nual a. Individual kuta thuneihna han dah reng mai ai chuan engemaw zawng taka in venna awm sela tih te pawh sawi ho nual a ni a. A hniam zawnga kan in tlansiakna lutuk lamah hian a chhiatna lutukna lai a awm em tih te, anih loh leh a workable kan tihah pawh chuan lungremah, kawng laihah leh buildingah te pawh uniform deuh hlekin siam ni se a tha awm mange tiin tun Budget-ah han zawh palh ni se tiin rawtna ang deuhin kan Minister hriatah ka... sawi duh a.

Tin, Department dang chungchang thu hi han sawi leh ka duh a. Education chungchang hi kan sawi nual hlawm a, hei hi kan ngai pawimawh hle hlawm niin a lang a. Text Bu chungchang hi kum 1970 atangin 1976-ah kan thleng chho ta a, text bu te hi siam that, revised ani mek e tih a ni a. Engpawhnise, a revise emaw revise loh emaw engmah ka ngaihtuah hranpa rih lova, mahse lehkhabu tam tak chu out of date-in a awm tawh theia ka zuk ngaih pawimawh ber chu tute emaw khawl chhutna pahnih pathuma an la monopolise-a hi Party level-ah te, C.L.F. Meeting-ah te leh he House-ah ngei pawh hian kan sawi ngun ta hlein ka hria. Ka zuk sawi chhuah duhna chhan tak chu, hei Sawrkar-in Socialist Pattern Society tiin mi rethei leh mi hnuai hnung zawk chawikan tumin kawng zau tak leh kawng tam takin a rawn hawnga. Press tante pawh loan eng engemaw a rawn ti a. U.N.F. returnees tan te pawh sum leh paia puk a puk turin khawl leina te pawh a rawn siam chhuak a, khang khan hna an rawn neih kha a ngai leh tlat a. Amah-erawhchu, tuna kan kal danah hi chuan a lian a te kan la in vulh lian chho zel niin a lang tlat a. Kum 6 chhung kan sawi chho ta a, kan ram hian text bu Primary te, M.E.School te leh High School te hi a tih tham hle a ni. A chhutu ngai khawl pahnih pathum hian a chhu chho ta ngawr ngawr mai e ni a, tah chuan leh lampangah an lo indaih lova, Bazar-ah lehkhabu lei tur a awm lo tih a ni deuh reng mai a. Hetianga Sawrkar-ah Text Bu chungchangah thuneihna kan lo' neihah chuan ka duhdan chuan a theih loh leh a harsatna lai hi kan inhrilhfiiah tawh em aw ka ti a. Engatinge kan text bu zawng zawng hi kan nationa- lige a, tute emaw chuan authorship an nei a, an siam a, tute khawlah emaw an va chhuttir a. Khami kha engemaw zawng taka chhut chuan kan text bu siamtu te hi Sawrkar hnathawkte an ni a, khang khan tu Khawlah emaw an va chhuttir a, Commission engemaw an ei tar a, kha ngawt pawh kha a chhui tham viauin ka hria a ni. 'Government servant is not expected to run business' tih a ni a. Sawrkar hnathawkin chutianga Office-a profit ang hiala ngaih theih hialin a awm a, chu chu thil tih theih chi a ni em tih hi zawhna pakhat awm thei a ngaih a ni a. Tuemaw chuan a siam a, tu Khawlah emaw a chhuttir a, khatiang a a chhuttir khan a royalty 20% per copy in emaw ni an la ta a.

Bu 3,000 te an chhut chuan 3000 x 20 paise te a lo ni ta a, text bu pakhat a lo ni a, chu chu a profit ang hialin a lo ngaih theih ta a. Chu chu thil ni thei tur a ni em aw ka ti a. Tin, Pathian Lehkhabu leh Hlabu te chu leh khabu thianglim te an lo ni a, a chhutu tur an duh ang an chhut tir thei mai a. Amaherawhchu, kan Primary Text bu te, M.E.School text bu tih ang te hi chu kum khat lek lek daih a ni a, tuna chhutu te chhut lai mek an chhut dan leh a quality pawh han enin a tha chuang teh meuhin a lang lova. Helai leina tur hmunah te a indaih lo loti reng te a ni a. A leh lampangah chuan open market-a tiha, a duh apiangin chhu mai sela, a man erawh chu text bu a lo tam chuan a man pawh a lo tlawm nge nge a, Sawrkar sumdawna angin Bu khat Re.1/- kan tihte hi 50 paise a kan tlan thlak duh ka ring a, kha kha thingtlang mi rethei te te te tan pawh chhen fakawm tak a ni thei dawn a. Chuvangin tuna kan text book hi a nih ang angin, tuna kan text revised hi chu thu dang a ni dawn a. Engtikahnge kan peih ang, kuminah nge, nakumah hriat ala ni lova. Kumin chhung pawhin ziakloh bu pakhat an peih thei tawk a ni a, a pumpui han ti tur chuan kan hman lo tih hriatsa a ni, a kawm helaiiah ka hriatdan a sual loh chuan Mizoram-a Khawl Lian ber, a rate pawh sang zawkin an pe leh e an ti a. Chuvangin kan kal hmang hi Indira 20 Point Economic Programme-ah a capitalism hlein ka hria a ni. Chuvang chuan kan text bu chhut lai kan neih zawng zawng hi a duh apiang, right chu chhuh sak mai tur, an phal loh pawhin laksak mai tur, a right-a an hauh reng pawh hi a dik lo reng reng a, tuemaw chhuttir mai tur a ni, hetiang a nih chuan ram leh hnam tan pawh a tha lo a ni. Mipui kawng dal zawng a an kal reng chuan a right a pawh kan chhuh sak mai tur a ni, text bu chhutna right chu Sawrkarin a chhuh mai tur a ni. Chuvangin open-in marketah a duh duhin zawrh ni mai sela, a man pawh nasa takin alo tlak hniam ka ring a, text bu pawh hi a awm lo tih a awm reng rengin ka ring lo. Heti laia a hlawk ta meuh lo a nih leh a dahin an titawp ang a, a duh apiangin an lo chhu zui zel anga, chu chu tuna kan kaldan 20 Point Economic Programme pawh niin ka hria a. 18th or 20th Century hun lai anga thil reng reng, sumdawna te an la monopolise chi ang hi ni tawh lovin, hun tharah kan awm tawh tih hriat tur a ni e. Hei hi kan Education Department ka ngen duh a ni. Hei hi a theih loh tak tak thu a awm lo reng reng a. Tin, hetiang hian kan chhuttir dawn ti ta tawp mai se a theih loh tak tak reng ka ring lova, tute emaw chhuttir bik se ka ti chuang lova, Press a duh apiang chhuttir mai se, kan zirlai te tan thil tangkai tak a nih ka ring a, chu chu ka han sawi duh a.

Point pakhat chauh han zeh leh ka duh chu - tunlai hian kan F.M.A. te Ex-gratia Grant tih te, engemaw thingtlang, buai avanga M.N.F.-in an lo thah te, tin, Sipai kut lo tuar palhte tan tih kha a tih ran dan a awm lawm ni tih ka hre duh a. Tin, mi engemaw zat chu verification pawh tih zawh tawh a ni a. Amaherawhchu, kan Sawrkar kan ngen leh duh chu, Assam hun lai khan mi engemawzat chu pek tawh te an awm a, tunah kan Mizo Sawrkar hunah chuan pek a la tam hranpa lo niin a lang a. Tun hmam engzatnge pek an nih tawh a, engzatnge la pek loh tihte hriat ka duh a, uniform

ang zawng kal sela a tha hle ang ka ti deuh a. Aizaw-ah chuan hna zawngte, In hmun zawng te-in a kal a, thing-tlang lam erawh chu a tam zawk chu la pek loh niin a lang a, hei erawh chu kan Sawrkarte'n han ngaihtuah rang thei se a tha ang.

A tawpna atan point pakhat lek- hei kan ramah Excise te kan ti a, Zu zawrh te kan lo phal ta a. Zu zawrh phalna kan pek chiah loh pawhin an zuar tho va. He laiah hian kan inkhap hlei thei dawn lo pawh niin a lang a. Beer hi a lar sawt ta hle mai a, Beer hi hard drink pawh a ni chiah love, Sawrkar tan pawh han tihawm loh chiah pawh ka ngai lo va. Amaherawhchu, a man zawk hi ram dang angin chhiah hi kan la tam vak lo pawh niin a lang a, chuti chung pawhin hei Aizawchu, ka hriatna a sual em aw, um khat hi Rs. 4/- or Rs. 5/- a thleng thei awmin hriat a ni a, a kal chak hle mai si a. Chuvangin ram dang chhiah lak ang pawh kan lak si loh, ram dang mah Rs. 5.50 te a nih chuan Aizaw l-ah chuan Rs. 6/- te emaw tal zuk tihna awm sela. Kan Sawrkar-in tuna Rs. 8/- a tih hi Rs. 6/- tala tih tlak theih ni se tiin ka han sawi duh a.

Ka lawm e.

PU HRANGAIA: Pu Speaker, vawinah hian kum 1976-77-a kan ram enkawlna tura kan Minister zahawm tak tak te leh kan Officer tena an lo buatsaih thar chu sawiho leh theia kan awm avang hian a lawmawm a. Tin, kan ram enkawlna tur leh kan hman tura sum leh pai an rawn siam chhuah pawh a tam tawkin a lawmawm hlein ka hria a. Tin, kan siandan pawh kum tinin kan thiam tawlh tawlh bawkin ka hre bawh a. Tin, helaila Member zahawm tak ngaih pawimawh a ni tih a lan theih nan hei Budget-ah pawh a rawn lang tel ve zeuh zeuh a. Chuvangin vawina kan Budget sawihonah pawh hian kan Sawrkar te chungah lawmawm ka ti hle a ni. Tin, hmapawh kan sawn hle a, kan hmasawnzia chu kan hre duh lo a nih loh chuan School thuah te leh thil dang reng rengah hma kan sawn nasa a, mi tam takin hmasawn mang love an sawi thin hi khawi atangin nge an teh thin ka ti thin a ni. Kan tehna atangin kan hmasawna hi chu a chiang tura ni. Aizawl khawpui chhung pawh a thang nasa em em a, hmanlai British hun lai chuan helaila Aizawl khawlai dungah hian Sawrkarin sakawr chung chuang pawh kal a phal lo va, thir an phun tlar thluah a ni. Amaherawhchu, chung hunlai nen kan tehkhin chuan sakawr chu sawi loh, Motor nen chak tak takin thir phun pawh awm lovin kan tlan tawh a ni. chutih hun lai chuan Sawrkar hnathawk Aizawl-a In hmun pass an pekte chu 'Sawrkar hna i ban hunah i in leh lo hi ni dang hnenah i hralh thei lovanga, thing-tlangah i chhuak tur a ni tih a ni. Amaherawhchu, tunah Settlement te kan ti a, mihring singli aia tam kan awm tawh a. Chutiang chuan kan tehna a zirin kan hmasawna hi kan hre-chiang tur a ni. Keima zinna leh chan chin, khawilaila mi history emaw State chanchin emaw kan hriat avanga hmasawn tlem ang ringawta kan ngai hi thlir zau chuan hmasawna hi sit a awl viau a ni. District Council hur lai khan India

....21/-

ram zau tak Sawrkar zarah kan fang a. Helai Mizoram atanga Shillong leh Gauhati inkar kawng chu ram dang han fan chuan Assam Chief Minister-in hnathawh tur tam tak a nei a ni tih a hriat chhuah theih a ni. Chutiang chuan helaiiah hian a tehna a zirin kan Sawrkar hian hma a sawn chak em em a ni. Chuvang chuan tunhmaa kan awmdana kan bukin hma kan sawn chak em em in ka hria. Tin, kan Budget thua pawh kan hman zawh thiam tawkan siam thiam lek lek tawhin ka hria. Kumina tangka kan hman sen loh tur awm pawh kan hmang seng teuh hlein a lang a. Chuvangin kan thiam tial tialin ka ring a, kan thiam tial tial niin a lang bawk a, chuvangin lawmawm ka ti takmeuh a ni.

Nikum Budget Session-ah khan Khawpui chhungah tangka a luang deuh, Silchar kawngah tangka a luang deuh. Thingtlang hmun leh kilkhawr deuhah ala hawl kim lo kan ti a. Kuminah kan Budget kan en chuan thingtlang an rawn hre hlein ka hria. Chutiang chuan thil a lawmawm hlein ka hria. Kan Sawrkar Department hrang hrang atangin thil lawmawm tak awmin ka hria. Sawrkar hnathawh lamah te pawh, C.I. te leh C.A. te pawh kan sawi chamchi a, tunah chuan infinna tha takte a awm a. Chutiang chuan vawiina kan Budget kan sawihonaah hian kan Sawrkarte chhungah tunhmaa keimahnin kan sawi thinah lawm thusawina tur tam tak a awm a, mahse sei tak kan sawi hman lo ang a, sawi pawh kan sawi seng hman lovang. Tawk mai sela.

Tin, thil pakhat kan sawi zinga kan Sawrkarten an lo chhut zel atana ka la duh pakhat chu nichina kan hmasawna kan sawi ang bawk khan British hun lai chuan lamlian dung an siamah chuan chawlhna nuam tak I.B. te kan ti a, Inspection Bungalow nuam tak te a awm zel a. Tunah kan ramah State te kan lo ni ta a, pawisa te a lo tama, kawng kan siam tam ta hle a, chawlh buk erawh chu British hun lai aian kan nei tlem daih mai a. Hei hi ram tih changkanna pakhat a ni. Hnathawktu te pawhin a chawlhna tur, Officer kal tur te pawhin a chuti laiah chuan thlenna nuam tawk, khaw chawlhna nuam zawk, thlenna tur nuam zawk a awm loh chuan a zin a hrehawm thin. Chuvang chuan Rest House a nih loh vek leh P.W.D. enkawl tur lam Inspection Bungalow emaw, a nih loh leh Forest lamah a nih chuan Rest House emaw khatieng khan min la chawhpawlh tawk lova. Tunah an han siamna pawh hi a tira an siam tumna hi kan Sawrkar hian an en tawk lo vem ni aw ka ti deuh a. Kei ka bialah han sawi ta mai ila, Thingsul-thliahah khian nuam deuh an siam a, a kal tawh chu lehang a kal phakin a ni a, a hmang pawh kan tlem viau a, a piaheh Bus chawlhna- Tlungvelah chuan Rest House a awm leh miah si lova, mite an riak thei hrep si a. Kawng dungah pawh riah bi tawk deuh ngaihtuaha siam tur a ni. Ka sawi fova, Ministerho zin hmenah pawh ka sawi fova, sawi thluk a har hle a. Amaherawhchu, tun tumah an hma a tam avangin an ti rih lo pawh a ni ang a, chu chu lo hria selangin ka duh khawp mai kan Sawrkarte'n. Tin, thil pakhat ka han sawi leh duh chu helaiiah zawhna te pawh in han siam a, Electric power lampangah hian. Electric thingtlanga kan la tihen tlemna em em hi pawh ka ti hle a, helaiiah hian hmasawn chak deuh a tha a. Amaherawhchu kan han tih ve pawhin a

kan tifuh lo deuhin ka hria a. Lamlian dung hi kan Sawrkar hian chei a tum a, State nena kan inzawmna lam atangin theihtawp an chhuah a. Nichina ka sawi tawh angin pawisa Silchar kawngah a luang deuh te kan han ti thin a. Chu pawh an ngaihtuah dan ang ka han ngaihtuah chuan, State dangte nena kan inzawmna a ni a, tha ka ti hle a ni. Chu chu rawn ti hmasawm khawpui rawn tipungin khawpui rawn ti hmasawa chho zelin chuta tangin kan chhuak zel sela a tha a. Electric kan han pe ve chhin chu Lunglei thlen hma Hhahthialah te kan han dah ngawt a, a khawtawp ber Champkai te kan han ti leh ngawt a. Serchhipah te kan dah lek mai a. Chutih ai chuan Mizoram hi khawlian zawka kan dah dawn chuan tuna kan Grouping hi kan siam ngheh dawn chuan khaw tam pui enkawl har tak ai chuan khaw tlem deuh mawi taka chei hi a tha a. Khua hi a lo len chuan amah leh amahah ei tur a awm a. Aizawl khua chu nichina ka sawi ang khan Sawrkar hnathawk tak ngial pawh an pensionhna thingtlang hmuna kal zel tura an tih lai ai chuan vawiin niah hian ei tur a tam zawk a, inhlawhfakna a tam zawk a ni. Chutiang bawkin Grouping hi hmun danga an kal chhuah teuh lohna turin a chei kan hmasak chuan kan ui bet ang a, khua kan siam tlem tawh zawk eng. Ei tur pawh Aizawl ah lovah tur a awm chuang lo, mi singli sing nga ei tur a awm tho. Chuvang chuan khua kan chei tan hle tur niin ka hria a ani. Electric te, an kawtlai te kan chei chuan thlawhbawkah tih ai chuan engemaw zat chu an awmna ngaihan an awm thein ka ring a ni. Chuvang chuan kan cheh khalh daih daih ai chuan hmanna kan sawi tawh ang khan Mizoram khua hi a lianah nge an thlira, a teah tih pawh ka hre lova. Electric light dah nan te pawh Mizoramah Aizawl a lian bera, Lungleiin a dawt leh a, chutah Kolsib te, Thingsulthliah te a ni a, Census-ah pawh en ve ula a dik vek ani a. Chutiang zawng chuan kan thlir em em lova, a khua kan duhsak zawng zawng kan ti anih chuan engtikah emaw tute emaw kan Minister ve hunah chuan anla phun ve viau ang tih a hlauhawm a, chuvang chuan a khaw chei danah hian engemaw rilru leh tumdan fel tak neiha siam ni sela thain ka ring a. Chu chu Electric lama hma kan sawn zel theih nan khatiang khan Grouping chei nan te kal sela tiin ka duh thu ka han sawi a ni.

Chulovah chuan zirna lampangah hian tumah thiam lohna ka nei lova, amaherawhchu tun atang hian an rilruah an lo tuh atan ka duh chu- Mizoramah hman atang khan Nursery School hi Mission atangin an rawn din chhuak a, tunah hian Nursery School-a Zirtirtu zawng zawng kha Primary School-ah an attached ve a. Chumi Nursery School Zirtirtu te chu zirtirtu hna ruak vawi tam tak a awm a, Primary Zirtirtu-ah an qualification te tling ve siin chutiang chuan dah si lovin Nursery School hlawh tlemteah Primary School-ah a then Rs. 500/- an lak lain a thein Rs. 100/- emaw lek te pein kan dah reng hi pawl ka ti ngawt mai. Chuvangin an thawh dan in ang si, School pakhatat kal si, kha zirtirtu kha Primary Zirtirtu hmun pawha ruah tam tawh teh lul nen chungah te chuan han dah ve tawh mai awm. Nursery School Zirtirtu a ngai reng a,

hlawh a intlem hleih si, an thawhdan a inang si, Sawrkarin in ngaihtuah ngaiin ka hria. Tin, chutiang bawkin District Council Khan zirtirtu kan nei a, Zirtirtu sang leh engemawci lai an ni a, kha kha tun U.T.--a District Council a lal tehlul nen Primary School zirtirtu lam in lal tir ve lova, an service te reng reng kum 20 pel tawh kum 4 ang leka lo lang thei ta mai hi engahnge kan ennawn leh loh? a pawl takmeuh meuh a ni. Zirna lama kan sawn nasat tehlul nen, kan zirna School-te a mawi tawh tehlul nen a zirtirtu, a staff lam tihlungawi loh chuan kan hmasawna pawh hi a tha thei lovang tih hi ka hlau a. Chuvangin District Council hun laia Zirtirtu neihte kha tuna mite ang bawh hian kan kaltir tur a ni tih hi ka'n sawi duh bawh a. Tin, chutiang bawkin District Council-ah kan Officer te helalah Assam Sawrkar Officer te, ka tawng tumah huatthu suhah, kan Mizo lehkhathiam Pu Thanhlira te zuk lak ve mai bawh kha tunhma kan District Council Officer, pa fel tak takina kan lak ve te ngaihnep zawk deuhna tlat, promotion chungchangah te, hei hi pawl ka ti a. Chuvang chuan hemi laiah hian kan hotuten an siam fel duhnaka nei a, dhutiang chuan tlem ka han sawi duh a ni, an hriatthiam vek tho ka rin avangin.

Tin, thil dang chu ka sawi tawh ang khan kan Budget-ah hian tunhma aia thingtlang lam pawh a lang zawkin ka hria a, chel pawhin tum hlein ka hria a. Hetah hian kan Budget sawihonaah pawh kan Member dang reng reng pawhin an zuk thlirin zuk chhalna vak tur an hriat pawh ka ring lova, an lawm thu a tam ber dik takin ka ring a ni. Chu chu ni mai teh se.

PU HIPHEI Pu Speaker, sawi ve duh ka nei ve a. A DY.SPEAKER: hmasa berin kan Budget Session hi a fel dawn viavin ka hria a, kum dang aia hma kan sawn hle a. Hei a hun takah Budget Presentation pawh kan nei thei a, hun pawh a thawl dawn hlein a lang a. Chumi bakah kum tinin kan pawisa neih pawh a pung chho zel a. Hetah hian kan Minister te leh kan Officer te leh minrawn pe phaltu Central Sawrkar-ah pawh lawm-thu sawi tur kan nei niin a lang a, kan sawi bawh a. Tin, a pawisa kan neih tam leh tam loh kha chu han sawi teh chiam ka tum lova. Amaherawhchu, kan pawisa neih tura te hi tunhma aia tha zawkin kan hmang chho zel a. Amaherawhchu, thil tha hi a tha zawk kan duh zel a. Kan Mizoram Sawrkar kalhmang hi a tha tawh lo kan ti duh lo vang a. Tin, tih tur pawhin a lang lova, a tir ai chuan hma kan sawn chak em em tawh a. Kan that lehzual nan heng rawtna ka ngaih pawimawh zualte han sawi ka duh a. Kan Minister-te'n tha an tih ve zawng a nih chuan thu tam tak sawi aia an pawm theih dawn chuan rawtna ang Department hrang hrang atangin ka han khawrh chhuak ang e.

A hmasa berin Medical hi ka ngai pawimawh a. Hei India ram pumpu ingaihtuahin Mizoram-ah Medical hi facilities, a proportion ngaihtuahin kan tha hle niin a lang a. A mipui leh damdawi In leh Dispensary te neihdan

te han ngaihtush chuan India ram pumpui ngaihtuahin kan chhe lo hle a ni. Amaherawhchu, kan ram awmdanin a zir loh avang hian kan proportion tha chung si hian harsatna kan nei a. A bik takin thingtlang la Group ve lo khua te chu an harsa a ni. Chuvangin Delhi-a kan kalin, Officer rinawm tak pakhatin a sawi 'Multipurpose quarter medical-ah hian awm sela, a tih chu tunah hian kan Mizoram pawh hian tih a tum ve niin a lang a. Amaherawhchu, chumi multipurpose quarter, mi pakhatin training a pe ang a, malaria lampang a khawih thiam ang a. Chumi chuan Family Planning lam pawh a thiam ang a, dam lo enkawldan pawh a thiam bawk ang a, chumi thil zawng zawng thiam kawpna chu 'Multipurpose Training' an ti a. Chutah chuan kan Mizoram Sawrkar pawhin mi a tir ve mek ni pawhin a lang a. Amaherawhchu, hetiang mi thil dangah thiam an nei em nei loven tih reng ai chuan, hemi Central Training Institute hi chu kan ramah chuan neih chu kan la phut lovang a. Amaherawhchu, Regional Training Institute tal hi chu Aizawl-ah emaw tal hi chuan a nih loh leh Mizoram khawpui pakhat khawih emaw tal hi chuan neih tum ve ta ila, tichuan kan mi thiamte hian mahni ram chungah training an la ve thei tawh ang a. Chumi train zo tawh te chu tuna Primary Health Centre kan neih turah te hian kan thawn darh ang a. Chunggho chuan anmahni staff Centre-a thawktu te chu an train leh ang a, chutichuan kal ta ila, Medical lamah te hian tuna kan harsatna te hi sut kian thuai a rinawm ang. Amaherawhchu, he training ti tur hian Regional training Institute ti turin Aizawl-ah emaw khawpui chung hmun dangah emaw ti tur hian engnge ni kan Sawrkar hian harsatna a neih ? tin, hemi ti tur hian harsatna hran kha a awm loh chuan tuna kan mi thiam neihsa te hian an zirtir theih dawn tho si chuan engahnge keimahnin kan beihmai loh tih rawtna a hmasa berin ka siam duh a. Tin, chumi ka sawi takah chuan thingtlang lamah te kan zin ve zauh zauh thin a. Thingtlang hmun kilkhawra Pharmacist kan dah te chu anmahni hmuna an awm lo hle tih a hriat a. Entiran- Vahai Dispensary chu kan han tlawh a. Dispensary In reng reng chu a awm lo, a sakna tura Sawrkar-in Rs. 4,000/- kan pek a chu a Pharmacist chuan a Contract nghal e an ti a. A ban te chu a phum ve a, a ban chu a han phum ve a, mahse a chung khuh lohvin a awm a, tunah a chhe tan tawh a. Hmana ka zin pawhin chumi In sakchu a awm tan tawh niin ka hria a. Amaherawhchu, Dandawi In tur a ni tih miin min hriih hma chuan Dandawi In tur a ni tih ka hre lo reng reng a, huan atana hung emaw tih mai tur a ni. Chuvang chuan hei hi thingtlang lama Administration a fel zawk theih nan hengte hi en ngun ni se.

Tin, pakhat ka han ngaih pawimawh leh deuh chu Medical Department-ah hian, he lai Secretariat leh Directorate-ah hian in hriatthiamna a tam tawh lo deuh em ni chu aw ka ti a. Chumi lawmia chu a hruaitu ve ve te hi a ni. Anmahni inhriatthiamna, hotu leh hotu te inhriatthiamna a awm loh chuan an administration hi akal chak thei dawn tak tak lova. Chumi in hriathiamna chu a awm theihna turin kan hotuten min lo en ngun sak sela ka kuh a.

Tin, a pahnikmaah chuan Agriculture hi ani leh a. Mizoram chu a harsa em em a. Tuna kan Sawrkarin tan lak a tumdan hi a tih fuh chuan kan tih tur awm chhun niin a lang a, zawl kan neih tlem em avangin hemi Dry Terrace hi kan tih theih tur awm chhun niin a lang a. Anaherawhchu ram zawl tha kan neih ve chhuna kan leilet siam dan leh pawisa kan in pekdan hi tun aia tha zawka in pekdan a awm em tih ka ngaihtuah a. Tuna kan in pek dan pangngai, a rate hi chu keimahni tih theih a ni lo va, anaherawhchu, a pek hun hi lo neitu-in leilet a siam zawhah 3 acre emaw 2 emaw a laih zawhah an teh sak a, chu chu pawisa an pe ta a ni. Kan tanpui ni lovin, a thawh zawhsaah lawman kan pe niin a lang a. Hemi ai hian tanpui tlaka kan ngaih, a lo kha tha tawk-a kan ngaiha, tha tawk a nih pawk chuan a pawisa kha pek lawk theih a ni dawn lawm ni ? Thingtlang lama kan zin venaah chuan a man an pek hma loh chuan hlawhfa a chhawr theih si lova, anmahnin an laih khan an lai zau tak tak thei lova, chutiang harsatna chu thingtlang lam mite chuan an tawk a ni. Chuvangin advance-a an pek theih leh theih loh dan kan hotuten an thlir ka duh a hi.

Tin, a pathummaah chuan - Power chungchang hi a ni leh a. Mizoram chu tlangram a ni a, englamahin ram zawlah kan siam thei lovang a. Anaherawhchu, ram siam that kan tum hian Pathianin a siamsa hi chei that kan tum hi ram siam thatna kawng a ni. Huan te pawk Pathianin leilung a siamsa kha thlai chin theihna turin kan siam a, thlai a lo thar ta a, chu chu Pathian siam ai khan hman tlakin kan siam ta tihna a ni ang. Chu ang pawk chuan Mizoram siam tha tur chuan phaizawlah kan siam thei lo reng reng a, a awmsa hi engtingge kan hman tangkai theih ang tih kha kan siam thatna tur niin a lang a. Chuti a nih chuan Mizorama kan vanneihna emen keima mimala ka hriat ve chu kan lui tuite hi thalva ek charah pawh a kang ve ngai lova; phai lam lui nen a inthlau em em a ni. Chuvangin hei hi kan vanneihna bik turah ka ngai a. Chuti a nih chuan kan lui tui te hi tunah pawh Aizawlah Electric kan tlachham reng a, zantin kan inte a thim a. Vawi lehkhatah thil tih hlawhtlin theih a nih mai dawn loh avangin eng lui ber hi nge ni khuap ila, Hydrel Project kan siam theih anga, nakinah chhuan lo la awm zel tur te tan a tha ng a. Hemi Electric thil tih theihna power kan neih hmaa lo neih, lo hman tura buatsaih hi te tak te Mizoram pumpui tana han hman theih mai tur chi chu a ni lova. Chuti a nih chuan Mizoram pumpui atana tangkai tur tun atang hian a theih chuan Foreign lamah te pawh la hman tangkai tur lui khuah theih tur kan nei niin a lang a. Chungte chu Tlawngte, Chhim-tuipui te leh lui lian dang tam tak kan nei a, heng siam nan hian ka hresual a nih loh chuan Investigation siam nan Rs 3,00,000/- vel kan nei niin ka hria a. Hemi Rs 3,00,000/- hi Investigation Department-in investigation an lak leh lak loh kei chuan ka hre lova, la lak loh a nih chuan heng luite hi a khua a remchan leh chan loh investigation lak thuai ni se. Kan lui lian te hi khuah tlak tak tak a

ni tih keini mai chuan kan prove thei lova. Central thil tih theihna hmanga thil kan tihtheih lai hian kan lui puite hi khuah tum ta ila. Chu chu kan Mizoram siam thatna tha ber niah ka ngai a. A chhan chu power chuan thil engkim a ti thei tawh tih tuman kan hai lo vang a. Power a awm chuan Industry te a awlsam anga, Factory zang zang, buhden pawh, chawchhum leh innawhna kawr nawhte thil engkim a awlsam ang. Chumi chu kan ti thei a, ti thei ram pawh kan ni a ni tih hi a chiang a. Chu- vang chuan Investigation lamah pawh kan hmanhmawh a tha ang a.

Tin, a palinaah chuan E.G.S. hi a tangkai em em a. Aizawl khawchhak bial phei hi chu E.G.S. kawng zawnin thal laiah chuan khaw tam tak a luh theih tawh a, kan hmang tangkai hle. Amaherawhchu, thil awm tura ka ngaih loh Mel hi kan lo hmang reng a lo ni a. Hemi laih nan Mel khatah Rs. 5,000/- tih te a lo ni a. P.W.D. rate te nena khaikhin chuan a inthlau em em a. Chuti chung chuan mel measurement hmang lova Kilometre hmanga a tihdanglam dan a awm lawm ni ka ti a ni. Mel leh Kilo- metre hi a inthlau em em a, Kilometre riatin mel khat a siam a ni, furlong 5-in Kilometre khat a siam a ni, furlong 3-in mel khat chu Kilometre ain a sei a ni. Chutiang a nih chuan Rs. 5,000/- a mel khat an laih chuan Kilometre hi lo hmang ta ila, thingtlang E.G.S. -a ei zang, hmangtu te hi E.G.S.-a motor kal tir kan tum hi thingtlang mi te tan pawh, Sawrkar te tan pawh Out Agency te tan pawh a lo awlsam zawk ang tih ka ring a ni. Tichuan hei hi kan Sawrkar-in lo ngaihtuahin lo thlir sela. Mileage kan tih hi Kilometre-a thlak zawk ni sela tih rawtna ka siam duh a.

Tin, Saiha, Chhimituipui District Headquar- ter-ah hian E.G.S. pawisa hmana mi tawhte pawh la hman zawh loh niin a lang a, chu chu kan hotuten min lo en zui sak sela. 1972-1973, 1973-1974, 1974-1975 pawisa te kha an la hmangzo lo niin a lang a ni. Chumi kan han hriat chhuahna chu Rs. 3,00,000/- an rawn decline tak avangin engtiziasa rawn decline mai nge an ni tih ka zawh chian khan hmana mi tawh an la hmang zo lo niin a lang a, chumi an la hman zawh loh avangin Rs.3,00,000/- te pawh chu rawn decline mai an ni. Chutiang chuan hman a mi tawh la hman zawh loh chu temporary mis-appropriation niin a lang a. Chu chu kan hotuten min lo enzui sak sela.

Tin, Mizoram Sawrkar pawisa pawh kumtinin a pung chho zel niin a lang a Central Sawrkar pawh an thil phalin kan ram an hmangaih tak tak a ni tih a lang a, a hriat a. Amaherawhchu, Central Sawrkarin District Council pawisa tura a rawn siam hi a tlem deuh thin niin a hriat a. District Council te hi Semi-Government an ni a, anmahni thu neihaah chuan thu nei ve tak si, Department hrang hrang khawih ve, mahse Sawrkar tan chuan Sawrkar anga pawm tlak ni mang si lo, anmahniah chuan inti Sawrkar ang si, Department hrang hrang enkawl nei ve si an ni a. Kum in atan pawh pawisa an hman tur kum 1976-77 atan cheng nua 21

....27/-

a ni a, nikuma hman tur nuai sawm pariat kha an khawp lo em em a, kum tawpah nasa takin kan buaipui tawh a. Tuna 21 lakhs pawh hi a tlem hle niin a lang a, hei hi angtinge ni Central Sawrkar-tan Sawrkar anga an din ve tawh siah chuan Department hnan hnan an enkawl ve si a. Chuvangin hetia han ngaih ai hian pawisa hman duhna kha a lo tam ve a ni tih hi an zuk hriatthiapui lawmni chu ka ti deuh a. District Council Building sak nan Rs. 2,10,000/- theuhvin grant chu an chang tihna a ni a. Chu chuan Council main building pakhat an sa thei dawn a ni ang a, building hnan hnan an duh ang a, chu bakah vehicle lei an duh ang a, Aizawl kum khatah vawi engemawzat an lo kal ve duh si, vehicle leina tur pawh an nei si lova. Hei hi kan hotuten lo en deuh se, Central Sawrkar pawh thil phal deuh tawh se ka duh a.

Education hi sawi leh ka duh a. Education lam hi hma kan sawn hle a. Thingtlang lamah pawh Education hian hmasawna a lang ber niin a hriat a, khawtin deuh thawah in var hmuh tur a awm deuh thawa, a lawmawm em em a ni. Amaherawhchu, kan hotuten harsatna an tawh vang a ni mai thei a. M.E. School leh High School an chhiat tanna bul hi, Primary atanga zirlai an chhuah tam loh vang a ni. Primary atanga zirlai an chhuah tam loh chuan M.E.-ah an tam lo a ni. Tin, High School-ah an lo tam lo chho zel ta a ni. Engvangin nge naupang Primary atangin an chhuah tam theih loh kan tih chuan, thingtlang lamah hian a ruikin zirtirtu an lo indaih lo em em a ni. Tunah hian entiman- Aizawl District leh Lunglei District chhungah hian, Thlawhbawk smite hian zirtirtu nei lovin tun thlengin an la awm anga, khangho khan naupang an enkawl thei lovang. Tin, lo nei pawh ni sela pakhatin naupang za emaw enkawl tur a lo ni dawn tihna a ni a. Chu chuan naupang a enkawl hneh lo em em ang tih hriatsa a ni. Zirtirtun naupang an enkawl hneh loh chuan hma an sawn chak thei lovang. Chutiang bawk chuan Chhimituipui-a khaw hnan hrana zirlai te leh zirtirtute in thlawhna pawh a nasa em em a ni. Zirlai 130 an awmaah Zirtirtu pakhat te an awm a, hei appointment sian harsat leh pawisa te harsatna avanga ti lo annih pawhin Grant-in-aid, tuna thlatina Rs. 200/- klawha an tih ang tal hian thingtlang lamah chuan zirtirtu dah ve dan kan hotuten ngantuah thei sela ka duh hle a ni. Thla hnihte hlawn an la hmuh theih nghal chuan beisei zelna nein an lo thawk chho ang a, tichuan thingtlang lamah Primary School-ah te pawh naupang an lo lut tamin, zirlai pawh an lo tam thei dawn a ni. Primary-a zirlai an tam chuan Middle-ah, High School-ah zirlai an lo tam chho zel dawn tihna a ni.

Ka lawm e.

PU K.SANGCHHUM: Pu Speaker, hun min pek avangin ka lawm e. India Sawrkar ngelnghet takleh puitling tak mai, sum leh pai pawh a inchhan tlakte tuna an Sawrkarna kal tluan lai tak hian kan Minister te leh kan Sawrkar hotuten Mizoram Sorkar leh Mizoram mipui tan hian sum hai chak sela, chu chu pawimawh berin ka hria. Hei kuminah vanneihthlak takin kum danga kan experience ngai hauh loh Budget Session hun an han ruat chhin ang chiaha, tha taka kan thleng thei

leh kan han hmang thei hi kan Minister zahawm tak chungah a bik takin lawmthu ka sawi duh a. Tin, alo buaipuitute reng reng pawhin tan an la a nih tih a. Chiang hlea. Budget chungchangah hian kum li vel kan lo buaipuiin kan lo hmang tawh a; advise tha tak tak pawh sawi a ni bawk a. Tin, kumin hian hmun thenkahatah chuan advice-na ang leh Sawrkar pawhin thil thar an lo ruahmanna ang chu an tilang bawk a. Kum tina a landanin Budget buatsaih chung changah hian fel lohna engemaw lo awm thina hi ka lo thlir ngun ve viau thin a. October thla atanga January thla inkar vel hi Budget buatsaih lai vel niin a lang a. October thla ral hma hi a tlang-puia Mizorama kan kaldan chu pawisa current year-a an lo pass tawh kha Department ten an hmang chak thin lova. October atanga January inkarah an han buatsaih a January thla ral lam, February leh March thla velah te Central-a han kalpui khan Central lam hotute ngaihnanah khan pawisa kum kal laia lo hmana kha a chak tawk loh chuan nakuma hman tura kha han pek maiah khan a iaiawm deuh awm mange aw ka ti deuh a ni. Nichina kan thianten an sawi tawh angin kum ral dawn tepah Budget kan buatsaih chuk chukaw; vawiin ni angah te chuan office tinte han tlawh ila an taima em em mai a, a lawmawma. Mahse a a landan leh kan kaldan zawk turah chuan kumtluana kan awmdan leh kan kaldan tur chu vawiin ni ang reng hian kan kal zawk tur niin a lang tlat a ni. Chutiang a nih avangin Budget buatsaih dan hi a pawimawh hle a. Kumtin Financial Year kan han tan atang hian Department tinte hian tan han la ta sauh sauh sela, October thla velah chuan kum khata kan hman tur hmun thuma thena hmun hnih vel deuhthaw te han hmang hman ila chu Budget Plan te reng reng Central-a han thlena, sawi hunah chuan hotute ngaihnan chu a dang daih ang, hei tam deuha pek pawhin hman raldan kawng a awm a nih hi, hei an tang hle a nih hi an ti ang tih ka ring a ni. Tehkhin nan-Deputy Speaker-in nichina a sawi ang deuh khan District Council chhung changah te pawh fund a tlem deuh kan ti a. Engemaw-chenah a dik ngei ang tih Sawrkar pawhin min hriatsak ka duh a. Hei pawh hi Mizoram Sawrkar-in Delhi-a discussion an zuk neih lai hian District Council pathum te harsatna hi an zuk hre kil kelh lo mai thei a ni. Amah-erawhchu, District Council-a hotu te, Chief Executive Member te emaw, Executive Member te emaw, amahni ngei hi kal turin Sawrkar hotu ten advice pe ta ang sela, discussion an neih lai hian Delhi-ah anni pawh hi hruai ve sela, han sawi ve ta ngat sela chu khulam mite tan pawh an awi ve ngat ang tihna te ka nei a. Chuvangin ka rindan chuan kumin 1976-77-a Budget discussion Delhi lama an neih leh hun chuan District Council lam hotute hruai thla ve thei sela chu chu chuan engemawchenah a tanpui ve thei ang tih rinna ka nei a ni. Tunah kan hriat theuh angin Central-ah chuan Budget chu an han pharha, an Budget-a a landan chuan kumin 1976-77 chuan thil mante pawh tlawm dawnin a lang a. Heng razor te, Blade te, Sahbawn te, thawmhaw, Car te, Jeep te, engeng emaw tlawm lam a pan dawn tih a ni a. Minister incharge-in a sawi danin. Chutiang a lo nih chuan India ramah pawh engemaw improvement, than-len tumna a awm a ni tih a chiang a. Khatiang a lo nih chuan Mizoramah pawh chutiang chu a lo nih theihna turin

thil engnge kan dap ang tih lai takah khan Central-in Budget a buatsaihah chuan ngel nghet ang reng takin a lang a. Chumi a buatsaih chhung ami tluk tur chuan Sawrkar hi a chak chuan helamah mipuite a rawn thlen a rinhlelhawm loh a ni. Kum 1975-76 chhungah Central chuan a Budget-ah Backward area a mite tanpuina leh hmasawna ang chi tura pawisa crore engemawti a siam a, chung a siamte chu State dang a mite hian an hmu ve ringawt nge ni a, an dil thin tih chu ka hre Chiang chiah lonain chung angte pawh chu kan ramah hian a theih a ni tih a lang a, Constitution-in a phal angin Mizoram chhungah pawh khawi maw lai chu backward area a puan a ni a. Chungte tan pawh chuan a theih ngei a ni tih a lang a, crore engemaw tizat awm chu hai theih a ni tih a lang a.

Tin, pahnihaah- Mizo te hi Tribal Community kan nihna Constitution-ah a lang leh bawk a. Tribal hi chu a tlangpui thuin kan mawl a, kan backward bawk a. Chutiang zawnga han in chhui fiah chuan India Sawrkar pawh hian a phal ngei ang tih rinna ka nei bawk a. Chutiang thil te chu kan Sawrkar hian kumin khan tawh a nei em ? a nei lo a nih chuan chutiang lam zawng chuan hai chak sela pawisa a lut tam deuh awm mange ka ti a. Chutiang bawk chuan kum 1975-76-ah Tribal Development Scheme kha India Budget an han pha-rh khan a lo tel der mai a. Chutah chuan han semdan tur an han ngaih-tuah leh a. Two hundred million lai kha sem chhuah turin an han ti leh a. Chu chu Tribal Development Scheme alo nih chuan keini pawh chu Tribal-a hlei hlei kan lo ni si a, cham ve mai awm tak, amaherawhchu, tunah hian kan chan leh chan loh chu ka hre lova, kan hotuten an la rawn sawi ang a. 200 million lai kha State leh U.T. sawm pathum te hnenah tunah hian pek a ni. Chu chu han hai se kan nih chuan tuna kan Budget hi nasa takin min tanpui ang tih ka ring a ni. Kha Scheme velah khan phuah-chawp tak meuhin a lo kai ve a, State danga an hmuah danah chuan. State thenkhatah "Revolution of Project" thil thar engemaw tih chhuah nan an lo hmang ta a. Hmun thenkhatah chuan 'Re-organisation and Sanctioning of Administrative Structure' Sawrkar inrelbawlna siam thatna atan te an lo hmang a. Thenkhatah chuan tui kawng lak nan te leh engemaw tih nan an lo hmang a. Chutianga an han tih chuan lak theih a lo ni reng mai a lo ni. Chu chuan State 13 leh Union Territory te chu nasa takin a tichangkang a ni. Tin, chu bakah hmun thenkhatah Mizoram mipui te leh Mizoram Sawrkar te hian hnam dang mite tihdan hi kan entawn tur tihna ni lovin, thil thenkhatah chuan hmun thenkhata hnam dang mite tihdan anga tih a tulna te a awm ang a, hmun thenkhatah chuan Mizoram-in kan mamawh hi kan sawi ve tur a ni ringawt mai a ni, West Bengal-a mamawh ang chu Mizoramah a mamawh lo a ni mai thei a ni. Mizoram mamawh ang chu hmun thenkhatah chuan a mamawh lo a ni mai thei a ni. Chuvangin kan mamawh ang kha kan sawi thiam a tul em em a ni. Khulai kan hnaif vaiah Manipur leh Nagaland-ah te chuan Loktak Dimapur Inter-State Power Transmission Line atan Loan-in 40 million a han pe leh a. Chu chu Uttar Pradesh-ah te leh Bombay-ah te an ti hranpa lova, khulai mite khuan an mamawh avangin an pe a ni,

an mamawh kha India Sawrkar-in a hriatthiampui a lo ni leh mai a ni. Chutiang chi chuan thil chu kal thei ta ang sela, tehkhin nan- hmannah Lok Sabha-ah Dy. Home Minister chuan 'Nagaland-ah hian kumin chung khan rambuai laia India Sipaite leh helho tena an thah tanpui nan (compensation) 25 lakhs kan pe a ni', a ti leh a. Zoram Sawrkarah chuan kan hriat theuh angin Budget-ah hian Mizoram buai laia kut tuartu te tanpuina a awm thin. Amaherawhchu, vawin ni thleng hian sem ala ni lova, engnge a chhan ? Hei hi Session hmuhnung ber pawh khan ka sawi tawh a, a dan leh a thil tih eng-emaw neuh neuh velah hian kan buai em ni chu aw ka ti a. Pawisa pek tur India Sawrkar-in 'kan phal e' a tih ber tawh hua, a pekdan tur kha Sawrkarin 'hetiang hian lo pe rawh u' tih lam aiin khami te tanpuina pek kha niin ka hria. Chutiang a lo nih si chuan Mizoram Sawrkar tan hian a pek dana kha a ni mai a, a pek danah pawh chuan a awlsam ber chi anga pek a tha mai lawm ni ? Budget Provision a a lo awm tawh si chuan a pek theih tihna a ni mai a, a awlsam hiin pe zung zung mai ila. Hei kuminah pawh Nagaland-in nuai 25 a pek lain, keinin 1972 atanga tun thlengin nuai 5 la pe lo hi thil pawh tak niin ka hria a, a pekdan awlsam ber kan mamawhin ka hria a ni.

Tin, Sawrkar-in lo en leh se tih ka han sawi duh leh chu, kuminah pawh hian Parliament chuan 36 crore Hall Area Development atan a proposed a ni tih Pu I.K. Gujralan a sawi a. Hei hi kumin 1976-77 kan kaldan tur ngun taka ngaihtuaha chuh chak tul vein ka hria a ni. Hmun danga an tihdan han sawi leh thin ila, Parliament ah te an tihdan chuan leprosy 'phar' lam enkawltu tehi dinmun harsaa an din avangin special-in an hlawh siam ila a tha a ni tiin Dy. Health Minister, Pu A.K.M. Isaak chuan a sawi a. Chumi awmia chu Mizoram pawh tukkin zinga Unstarred Question chhannaah khan Doctor tam takte chu kan ruai hlei thei lova tih a ni a. A rawhdan hi kawng dang a awm lawm ni ? Mizoramah hian a tluangtlama kan rawh theih loh chuan Special pawhin ruai ve maila; chu chu mipui leh Sawrkar phuhrukna a ni ang tih ka ring a ni. Tuna kan Budget han en hian hna thar tam teh chiam pawh a lang lova. Department tinte han en hian an harsatna han sawi hian staff kan indaih lova tih a ni a. Staff chutianga indaih si lovin kumina hna pawimawh thar lak belh awm mang lo hi kan dinmun chu a va thim hle dawn em tih rinna ka nei deuh hlek a. Heng pawisa kan hmuh chhun leh tuna han tih chhuna te pawh hi ngun taka zuk ngaihtuaha a hmandan kha zuk ngaihtuah loh chuanin pawisa kha a awm mahsela a riral satliah leh thuai ang tih ka hlau a ni.

Chuvangin tuna Sawrkarin hna awm tura a riruat a te hi a kim thei ang berin, a rang thei ang berin la thuai sela, chu chu a tha ang tih ka ring a ni. Kuminah pawh hian 1975-76 chungah hian hnaruaq lak loh la awmin hriat a ni a, chungte chuan harsatna a siam a ni ang; chuvangin kumin 1976-77 kan Budget chungah awm hi chu rang takin la kim sela, pawisa hmang dik bawk sela tih hi ka sawi duh a ni.

Ka lawm e.

....31/-

PU F. HRANGVELA: Pu Speaker, kum 1976-77 chhunga tangka hman theih tur chungchang sawi theia kan awm hi lawmawm hlein ka hria. Vawinah hian sawi tur tam tak awm thein ka ring a, kan Member zahawm tak tak te pawhin in nei ve ngei ang tih ka ring a. Amaherawhchu, 15 minutes chauh hun kan nei thei hi paw ka ti em em mai a. Sawi duh ka nei teuh mai a, chung zinga thenkhat chu ka han sawi ve ang e.

Ka han sawi duh hmasak chu Community Development Block chungchang thu hi a ni a. Kan hriat tawh angin All India Pattern angin Block hi kan ramah siam a ni tih kan ngaithla tawh thin a. Block 20-ah then a ni a. A Pattern-ah chuan All India Pattern a ni a, engtingge hna a thawh ang a, mipui tan rawng a bawl ang tih a ni thin a; tha zawk kan beiseia, mipuite pawh chungchang thei zawk tur angin kan ruahmana, kan ngai thin a ni. Amaherawhchu, thil hi a taka a lo awm hian sawi tur a lo tam thin a. Chu sawi tur awm ta tlata chu han sawi ka duh a. Tunkmaa Block 10 Assam hun laia kan awm thin lai a mi kha, tunah Block 20 a lo ni ta a. A lu a ropui hle a, mahse a hnathawh tur a ruahman chu NEFA Pattern ang lek nfin ka zuk hria a. Block tinin hnathawh an duh a, an hnathawh tur hna tangkai tak tak te leh an dinmun te tih changkan turin hna tangkai tak tak chite tuikhur siam te, khawkar kawng siam te an duh a ni. Mahse NEFA Pattern angin Block tinte chu nuai khat emaw lek pek an ni a. Chu nuai khat atang chuan staff ten hlawn an lo lak bawk si avangin mipuite tana hnathawhna tur tangka an lo nei tlem ta em em a, a ruhrel a lu a len ang hui mipuite tana tangkai lo niin ka zuk hria a. Nichinah Member zahawm tak, Pu Sangchum-in a sawi ang khan heng tan te hian tangka chuh chak tul hlein ka zuk hria a. Hmasawn an duh a, mahni khua theuh te tihchangkan an duh a, kan mipui zawng zawngte hmun lian leh khawpuiah te awm tek theihna kawng a awm lova, mahni khua theuh khan tuikhur tha zawk te, kawngtha zawk te, Field-te thazawk neih duhin an rilru sa hal hle a. Chumi lai chuan kan kut ke ber hnathawh tur Block hian pawisa a nei tlem hi a paw hlein ka hria. Block tangka hman tur ngaihtuahna kawngah Sawrkarin tan lak ngai hlein ka hria a. Tin, Block chhunga khaw pawimawh, khaw kel eng engemawah te hian nichinah kan Member zahawm tak Pu Hrangaia'n a sawi tak ang khan Rest House te siam a tul hle a; Block hi a han thawk awm ber a ni a, amaherawhchu tangka an neih loh thu kan sawi tawh a. Thingtlang khawkel deuhah kan Minister te leh kan Officer liante zin hian tute emaw hrawnte a ngai ta thin a, a buaithlak hle a ni. Silchar tlangdung te leh Lunglei tlangdungah te a ngai lo a ni mai thei, amaherawhchu Interior place hmunah chuan a mamawh tak taka, chung tihna tur chuan Block-ah hian sum nei ve se thain ka hria a. Chu chu ka han sawi duh pakhat chu a ni.

Pu Speaker, 'mi dang sawi tawh sawi tawh lo ula' tiin min chahnaa, amaherawhchu mi dang te sawi tawh an sawidan kan duh dana sawi loh te a awm thei a, chu erawh chu min hriatthiam ka duh a ni.

Kan sawi fo tawh thin a, kan Education Departmentah hian Inspector pakhat chauh Mizoram pumpuiin kan neih hi than mawh bawh, kan harsatna bul kan ti thin a. Inspector tam zawk dah hi a theih ngang lo em ni chu aw ka ti a. Hei kan hre ve nial nual a, Inspector hnathawh ripzia leh hnathawh tamzia hi a hna kaldan kan semzai si loh chuan tute pawh han dah thin ila; kan Education Department hian than mawhna chak lohna a awm tho ang. Tha tak, mi fel tak pawh dah ila hna a rip ngang chuan an tlin lo dawn niin ka hria a. Chumi tihdanglam chu a theih ngang lo em ni ? a theih ngang lo a nih chuan a hnathawh tura kha sem zai dan tur tal kan ngaihtuah loh chuan 1976-77-ah pawh hian harsatna kan tawh leh ang. Kan examna paper te chu an hmu ru kan ti leh anga, a leak out te kan buaipui leh dawnin ka hria a ni. Kan buai leh mup mup anga, rah tha rah chuang lo khan, chumi tih rehna chu ni pakhata ka hriat avangin pawimawhin ka hria.

Tin, hei Deficit High School te, M.E.School te kan nei a, heng atan hian Chowkidar te an dah tawh lawm ni tiin kan Budget thar hi ka han en a, ka hmuh chiah ka hre lova, ka en kim lo deuh pawh a ni mai thei e. Employment solve na pawh a ni anga, heng atan hian Grade IV te pawh a dah theih tawh lawm ni ? ka ti deuh a ni.

Tin, ka zuk ngaihtuah leh pakhat chu Education Departmentah hian Mizoram atangin excursion te kan ti a, pawl hrang hrangte an ni a. India ram hrang hrangah zinin, lo neitu te Industry Department lam atangtein mi tam tak a tira, a lawmawm hlein ka hria. Heting hian thingtlang khawkel deuh zawka High School te, M.E.School tetea mite pawhin heng Aizawl khawpuia kan hotute in remdante leh hei tuna assembly inkhawm dante, Raj Niwas te leh Aizawl khawpui chhung hmun mawi deuh leh hmun pawimawh te en tur hian excursion atan pawisa ruahman tam sak deuh te hi a thain ka hria. Kan tih ve thina pawh chu hman loh tein a riral zel niin ka hria a, chu chu a pawl hlein ka hria a; hengte hi uar deuh deuh zel a tha hlein ka hria ani.

Tin, E.G.S. thu tlemte tein han sawi lehila. E.G.S. hi kan hmang tangkal hlein ka hria a, kan thiam lutuk deuh em ni chu aw ka ti a. Mipuite Interior place-a miten P.W.D.-in kawng a siam lohna hmuna te kawng an siam a, thal chhung chauhin chu kawng chu a pawp thin a; ruahtui a lo tlak veleh chu kawng chu a ping leh mai thin a. Tunah chuan kawng thar zawm tur a tam em em kad ramah hian a awm tawh lo em ni chu aw tih turin E.G.S. hmanna an han ruahman chhinnah pawh a maintain-na lam leh eng engemaw kawng dang, Field lain nan tih te a tam deuh berin a lang a. Chuti a nih chuan P.W.D.-in a lak theih si loh furah pawh tlemin han zauh sela, fur tluana kal thei mai tur hmun tam tak a awm a. Luipui leh hmun harsa zual bik chu sawi lo ila, chung ang hmuna chuan fur a thala kal theihna tura he pawisa hi rem siandan tha a awm thei em?

Tute emaw an han kala, E.G.S. pawisaa tih theihawma langa, divert ang renga, tu Minister-in emaw a zuk tih leh ringawt ai chuan; mipui harsa tamna hmunah te leh interior place-ah te fur a thala kal theih nan kha pawisa kha hman theiha a awm tawh chuan pek chhuaha, renchem deuha hmandan a awm lawm ni ? A lo chhuah veleh Aizawl khawpuiah tuten emaw, E.G.S. hmanna awm lo takah, Contractor te leh tangka neiten inhlawhfa tur pawh an hmuh zawh lohna, inhlawhfa tur pakhat mah awm lohna hmunah te kan bel leh vak vak mai thin niin ka hria a, a sem zaidan ngaihtuah theih ni se thain ka hria a.

Pakhat ka sawi leh duh chu Medical Department chungchang thu hi a ni. Medical Department hi kan han en chuan Joint Director kan la nei thei lo tih kan hmuchhuaka. Joint Director hi nikum May thla vel tawh a D.P.C.-in a dang tih a ni tawh a, mahse tun thlengin kan la nei thei lova, helai hi ngun deuha ka zuk ngaihtuah phei chuan rumour mai mai te pawh a ninaa, Mizo te kaisanna tur a ni a, D.P.C. te pawh hi thut a har khawp mai tih ka lo hre ve nual a, a tak em ni chu aw ka tih phah rum rum a, chu chuan rilru a tina lek leka, pawl ka ti tak taka. Tin, Nurse te, Compounder te kan ngah tawk lova, kan neih chhun te pawh an hmunah an kal tha lo hlein alang a, pawl ka ti hle a. Entimant. Farkawnah chuan waviin thleng hian Nurse kan Sawrkar hian ala tir thei lova a mak ang reng hlein ka hria. Tutu emaw an ti a, an phaa, mi dang an tih leh chhuanlam engemaw an siam leha, an kal lo leh thin a, helai hian chak deuh zawka ngun deuh zawka ngaihtuah a, kan Sawrkar-in mipui chanvo tur an mamawh an hmuh kim theih tura an tih hi thil pawimawh niin ka hria a ni. Chuvangin hengte hi ngun deuh zawka enin, an hmuh tur ngei pawh hi kim taka tihte hi a dik dawn lawm ni ?

Kan Dy. Leader, Pu Thanghuama'n hmun kilkhawr a awm tur hian advertise ila a tha lawm ni a ti thin a, the hle awmin ka hriatpuia ni, chu chu ka sawi duh a ni.

Pu Speaker, a hnuhung ber pawh ka niawmin ka hria a, he thil pakhat hi kan sawi leh teh ang. Kan Sawrkarin kan ram tan hna a han thawk tan a, M.L.A. term khat a ral hmain kan ram hausakna kan zuk bel tan ta a ni. Tunah kan Minister-in Press Release-a a chhuah angin Sawhthing Quintal 50,000 vel kan hralh chhuak thei dawn niin a hriat theih a, a lawmawm tak takin ka hria. Kan ram hausakna hmuchhuak turin kan Sawrkarin tan a la tak tak niin ka hria a, kawng hrangin a bei a, hei hi a lawmawm hle a ni. Chutah chuan kan ram retheihna chu min chhawk zangkhai dawn niin a lang a ni. Chutah chuan tan la deuh deuh turin ka ngen a ni.

Tin, tunah hian Budget buah kan zuk hmu a, Local Minerals Resources tih a ni a, ka thiam ve dan chuan henglai hmuna leilung hausakna kan zuk zawn chhuahna tura buatsaihna niin ka zuk hria a. Kum 1975-76 khan Rs. 50,000 vel kan nei a, kan hmang lo emaw ni ?

Tunah hian kan nei thar ta hauh lo mai kha ka hrethiam hauh lo mai a. Kan ramah hian khawi lai laiah emaw chuan lungalhthei tha tak te awmin ka hria a, kan hotu te pawhin in hriat ka ring a, chung zawn chhuah te kan ram hausakna leihnuaiia in phum zawn chhuahnaah te hian tan kan lak a, kan ram hi engtikah emaw chuan tihhausak ve thuai ka beisei ani. Khawiah emaw chuan hausakna rophum Pathian rophum chu awm ngeiin ka ring a. Kum 1976-77 chhunga zawn chhuahna kawnga kan tih loh hi thil tenau mai niin ka hre lova, pawimawhte zinga pawimawh ber a ni lawm ni ka ti hial a ni. Khawchhak kan Education Minister, Pu H. Thansanga bial leh Pu Vanlalhruaia bial inrina Hriangtlang velte khi lungalhthei hlawn nia rinna te a awm hial a. Chungte pawh chu zawn chhuah tul hialin ka hria. Tin, ka bialah chuan Khuang ramah lungalhthei nasa taka awm nia hriatna te a awm a, chungte pawh chu zawn chhuaha kan rama leilung hausakna Pathianin a dahte hi kan zawn chhuaha tan lak ngei hi tul tak meuhin ka hria. Sawhthing te pawh kum dangah chuti zat zat kan hralh ngai lo, Silchar tlangdungah tlem te te an thar thin a, Silchar vain an duh leh an nep thin kha tunah hei hlawhtling mekin a awm a. Chutiang bawkin kawng dang dang pawh kan dap zel a tulin ka hria. Tin, kan ram siama tlangram leilet lo neih dan tih hmasawn thuah tan kan lak dan lawmawm ka ti a. Nikum lam aiain tangka tam tak kan nei zel a. Chu bakah Rural Water Supply Plan thu te ka zuk hmu a, tangka tam zawk nikum lam aiain kan nei a, kan Sawrkar thil ruahnaah lawmna tam tak a awm a.

Ka lawm e.

SPEAKER: Dar 2:00 P.M.-ah kan tan leh anga, i chawl hrih ang u.

....35/-

SPEAKER: Discussion tan leh nghal ila.

PU C. LALRUATA: Pu Speaker, chawhnu lam chu sawi hmasak kan chuh ang e. Budget Discussion kan nei thei hi a lawmawm hle a. India rama State dang, keini anga Sawrkar laipui a in nghahna nei em em lote thenkhat ruala kumina Budget hun kan hmang thei hi a lawmawm hlein ka hria a. Sawrkar hnathawk, Department tina mite a bik takin Finance Department a mite an fakawm hlein ka hria a, lawmawm hlein ka hria a, lawmthu sawi loh theih loh in ka hria. Kum tin kan anna a ni a, amaherawhchu, Pu Speaker, kumin pawhin hun thawl deuh nei thei turin a hun takah Finance Department lamin an rawn puahchah fel thei a; Budget hi minutes 15 chauh tho hun min pe hi chu pawl ka la ti viau tho a. Dik takin 15 minutes hi a tlem lutuk avangin hman zawh loh hlauh te pawh thil awm thei a ni a, sawi tur kan ngah lutuk avangte pawhin thil awm thei a ni, mahse tlema ka lo fei deuh chuan min ngaithiam ula, 15 minutes chhung chuan sawi kan tum hram ang e.

A tiangpui thuah keimahni leh keimahni kan han inen chuan Mizoram thandan hi a lawmawm tak tak a ni. Kawng tam berah chuan tun aia chak hian thang ta ila, a that loh zawkte pawh ka ring thin a ni. Kan rilru leh a tak taka hma kan sawna hi a in balance loh chuan rilru lamah chhiatna a awm thin a ni. Naga ram te Opposition thenkhat chuan an sawi uar hle a, Mizoram nen an khaikhina kan tluk lo hle angin an sawi thin a. A tir lampang deuhah kha chuan Nagaland saw sum leh pai lampangin Sawrkar laipuiin a vur nasa em em a. Nimahsela, a hmuna va hmuhpui chuan sum leh paia an hnianghnarna saw rilru lamah an tlakhniam phah a niawm munge aw a tih theih a ni. Chutiang deuh bawk chuan keini Mizoramah pawh tun thlenga kan Sawrkarin hmasawna a siam thuah hian, hei aia chak hi chu a duhawm hle naa, chak lutuka kan kal chu a tha lutuk kher lovang tia ngai tlat pakhat ka ni ve a ni. Tuna hmasawna an siam te, hmanna Lt. Governor thusawite kan sawihonaa sawi lan tak angin sawi dawn ila chu sawi tur, nileng zankhua daih tur a awm ang, keimahni leh keimahni hmasawna kan teh dawn ngat chuan. Kumina kan Budget pawh nikum lam khaikhin chuan mipui vantlang chhawr bawk tura sum leh pai ruahman a tam chho zel a, a lawmawm chho zel a ni. Amaherawhchu, hetianga sum leh pai tamna ringawt hi min tilawmtu a ni tluan chhuak reng lo a ni tih hi kan hriat a pawimawh a ni. A hmanna lam a pawimawh a, a hman dik a pawimawh a, a hman chak a pawimawh a ni. Nichinah ka hmaah Member zahawm tak pakhatin a sawi lang tawh nghe nghe a. Kum tinin kan Sawrkar kaldana pawl ka tih em em mai chu, Department reng reng hian sum an hmanin kum tawp dawnah mei kawhin sum hmang turin an tang thin hi pawl ka ti a. Hetianga Budget kan han zawha, Assembly-in a vote zawh tawh chuan Department tinte hian tan la nghal sela, hman theih a nih dan zawng zawng an hnuatia office tinte hriattira, tan nghal thap nise, kum chanve hma lamin he tangka ruahman.

chanve emaw a aia tam emaw hman hman tuma Sawrkarin tan a lak hi a pawimawh hlein ka ring tlat a. Chu chuan kan ngaihthlak tak ang khan kum leh zela kan kalna turah khan Sawrkar laipui hnena sum leh pai kan zuk dilnaah pawh min tanpui ang tih hriatsa a ni.

Kan sum

zawng zawng hi hmangzo vek thei ni phei ila chuan Sawrkar laipui chu sum min pekah a inkau em em tih hotu lian lokal apiangten an sawi thin a, a dik a ni tih pawh a lang a ni. Kan hman that theih loh avang zawk hian sum leh pai dil chhuah thuah harsatna kan tawh chauh zawk a ni. Chuvangin Budget Session te kan han zo ang a, kan zawh veleh atangin Department tinten pawisa an ruahman ang ngeia hman a nih theihna turin tan langhal vat vat sela, a thain ka ring a, chu chu ka ngen hmasa duh a.

Fu Speaker, ka ngaih pawimawh em em mai pakhat chu- Police Department hi a ni a. Kan Budget bu kan han en a, Chawhmi te a karah a lo tla bawh a, a en kimchang hman lova, han thlir thuak thuaka ka hmuh danin Police Department hi a pangngai ang deuhin ala awm chho mai mai dawn niin a lang a. Silai keng pawl chu Battalion, sawi thein, Battalion khat kan nei a, an indaih lo em em a ni. Chumi pun chu ke House zahawm takah hian Member ten hun kal tawhah kan sawi thin a. Nimahsela ka zuk hmuh theih chinah chuan ruahmanna dang a lang lo a ni. Battalion thar din belh emaw a Battalion ding lai pawh hi a ruhrel, loh theih loh ang chi chauh a awm chang chang a ni. Constable te pawh an indaih lova, Inspector te pawh an indaih lova, Asst. Commandant te pawh an indaih lo a ni. A Battalion awmsa hi chu tun aia changtlunga tihawmah ka lo ngai thin a. Minister te an zin a, Police te an hruai duh a, tuaichhungah duty-na tur pawimawh tak tak a awm a, Aizawl khaw chhung pawh kan la cover thei lova. Dik takin Mizoramah hnam dangin min chim ral dawn e tia a nih ai aia sawi uar duhtu mi tam tak an awm a. Heng thilte hi a dik e kan tihna ni hauh lovin kan inven ngaihna tur thil chu a ni a. Ramri hrulah te kan Forest-te veng tha tur leh Dan leh thupek te kengkawha, Mizo te kan inhmahelh theihna tur chuan kut leh ke, Dan leh thupek kengkawh tur chuan hman rta hi a pawimawh em em a ni. Khawthlang lampangah te pawh a hmangin out-post hmun hmih khatah an awm pheuh pheuh chauh a ni a, heng atan hian kan Police post te hi kan tih tam a pawimawh em em in ka hria. Tuna awm laite awmdan pawh hi an khawngaihthlak em em a, awmna hmun mumal an nei lova, Civil population nen an in chawhpawlha anmahni zingah discipline pawh a awm tha thei lova. Chuvangin awmna hmun mumal tak peka, anmahni Sipai ang taka awm theihin discipline pawh a vawn that theih ang a, chu chu Sawrkar hnathawhna kawngah pawh tanpuitu tha tak a nih theih ka ring a ni. C.R.P. te kan ti emaw ni, P.A.C. te hi an service Mizoram Sawrkar hian kan la hmang chho reng niawm tak a ni a. Chutianga sum leh pai seng teuh sie kan tih ai hian keimahni Mizo te zingah tlangval hnathawhna hre lo tam tak an awm a, hna dil hi an intawllen huai huai tak tak a ni a, Mizo tlangval te hi Police Constable atan tling pha tak tak tam tak an awm a ni. Chuvangin Armed Police hi tun aia tama Battalion thar din belh hial hi thil tul niin ka hria a. Chu chu pakhatnaah chuan ka sawi duh a ni.

.....37/-

Tin, Power thu Member thenkhatten an sawi tawh a, nimahsela Pu Speaker, ka belhchhah duh a ni. Hei kan en thuak thuak a, kawng hmihin kan Budget buah hian tihlan a ni a, a landan hi a tawh aww lo hle a. Hmanniah, nimir piah vel, zirtawpni kha a niawm e. Khata kan sawi lanah pawh khan Minister zahawm tak khan Minimum Need Programme hnuaiiah khaw 13 tih tur a ni e a ti a. 1974-75-ah Thingtlang khua 17 tih en tura ruahmante kha a kal chho zel ang tih Minister zahawm takin a sawi a. Nimahsela, kan Budget-ah hian khata a landan anga chiang kuang taka rawn lan lehna a aww ta hauh lo a ni. Minimum Need Programme khaw 13 tihlan a ni a, khaw 13 a ni ang tih a ni a, a hmung erawh chu a lang lova. Chuti lo ni ta se 1974-75-a khaw 17 tihen tur zinga pakhat tih en tawh a ni, chutichuan khaw 16ala chuang a, Minimum Need Programme hnuaiia khaw 13 tih tur nen chuan han pah ta ila, khaw 3 daih chu a tangkhang mai mai dawn em ni aw tih ka ngaihtuah a. Khata mite kha an tel ngei em ? Kan Minister khan hmanni khan a khaw hmung chu sawi tel a ngai lovang e kan ti na a, kei hriat tal ka duh a. Power pawimawhna Member te hrikmawn kan ngai lova, kan hre vek a ni. Hei kan Budget buah Diesel-a power tichhuak thei tur ruahmanna tur pawh pakhat mah a aww lo tluk a ni a. A staff lampangah chuan Superintendent Engineer te leh hmawhktu dang dang belhna tur kum hmasa lama lang lo te a tih belhna tur a lang hlawn a ni, an inrem tha thawkhat tawh a, inrem belh tur tam tak chu ala aww ang tih ring chungin engemawchen chu an thawk thei ang tuna thawktu kan neih laite hian tih chu ka ring tlat a. Chuvangin engatingeni mumal taka chiang taka thawh tur ruahmanna lang a hi a va beitham deuh em aw ka ti a. Chuvangin power lam hi tun ai hi chuan ngawrh a ngai deuh dawn a ni. Chhimituipui Survey leh investigation tih nan leh Mizorama luidung hmun thum a survey leh investigation tihna tura ruahmanah pheih chuan kuminah hei pawisa a aww lo niawm tak a ni a. Survey leh investigation tih zawh tawh a nih chuan a lawmawm hle a ni mai. Chuvangin power hi tun aia ngawrh-in kan Sawrkar hian bei se tih thu chu ka sawi nawn duh a ni.

Tin, P.W.D. leh a b hawm dang Departmentah te hian sawi duh dang ka la nei leh a. Sawisel hlawn ber Department a ni chungin P.W.D. hian Mizoramah hmasawna lamah a thawk lang nasa ber pawl a ni tain ka hria a, a lawmawm hle a ni. Amaherawhchu, kumin kal ta, tunah pawh ala kal mek a, hetah pawh hian N.E.C. hnuaiiah kawng laihna atan cheng nuai za vel ruahman a ni a. Nuai 50 vel chauh hman zawh theih tur a nih thu kan hria a, a pawl hlein ka hria a, tlai khaw hnuah a theih anga tam chu hman kan tum ang e tin Chief Secretary te hi theihtawp chhuahin tan an han la leh a, engzatnge an hman theih dawn 80% te chu hmang thei dawn aww takin an insawi a. Nichina kan sawi tak ang khan hetiangah hmasawna kawngah hian kan muang khawtlai thin niin ka hria a. A bik takin Principal Engineer te, Executive Engineer te, he Department-ah Field Officer an ni tih an in hre hle na chungin an inhre tawh lo a niawm mange aw. Pisaah Babu ang hrina hmawh an tum a nih chuan, hetiang a hmuna kal ngai a thawh tur anga kan tih loh chuan kan chak thei tak tak lo ang tih kei ka ring tlat a. Chuvangin, tunah pawisa hman tur ruahman a aww hi a hmuna te kala, thilti zung zunga an hman zawh ngei theihna tura tan an lak a pawimawh hlein ka hria.

Tin, P.H.E. hnathawksan dik lo thu Session hmasa hmasa lehah khan Memberten kan bengchhenpui hle a. Chuvang chuan Sawrkarin one month enquiry Commission a siam a, a lawmawm hle a. Amaherawhchu, vawim ni thlenga a landanin hnathawh a har awm mange one month enquiry Commission Maldanah hian ka ti a. A chhan chu tuna sawi ang khan an hnathawh enna tur hmunte Aizawl khawpuih a awm lova, Champhaiah te, Lokicherra-ah te, thingtlang hmun dang dangah a ni a. Chunga hna an thawh te chu a dik nge dik lo hmuchhuak tur chuan an hnathawh te va en pah a, khanga hmuna vantlangte leh vantlang hruaitu te va biaka, til awmzia kha va hriat a ngai a ni. Sawi tur nei chuan ka hmenah rawn sawi rawh u tih mai chu a tawk lo hlein ka hria a, anmahni pawh kal se, India ram hmun danga enquiry an din thin angte hnathawhdan hi a ni ve ang emaw ka ti a. Ka dawhkanah rawn la khawm rawh u tih ngawt mai chuan hnathawh a har hlein ka ring. Kal sela, Champhaiah PHE-in hna an thawk a, a tha mang lova, vantlang aiawhtu sum pass saktuten an sawisela. Chumi avang chuan Enquiry Commission siam a lo ni ta a, a hmunah han en a, tih chu a tih tur ni tlatin ka hre tlat a ni. Chuvangin he Departmentah pawh hian a bik takin tui lampang thilah hian an hnathawh dan hi in en. Chiang nawn sela a thaawm ngawt mai.

Tin, Pu Speaker, Education Department-ah tawite ka sawi leh duh a- Hei, sawi tur ka ngah hle a, mahse hun chu mi neih ang bawk ka nei tih chu ka hria a. Education Department pawh hmasawna tam tak siantu a ni bawk tih kan hria a, a lawmawm a. Mahse buai hi an lo nei leh zauh thin a, a pawh hlein ka hria a. Zawhna a leak leh ta tih eng engemaw buaina, pawisa a bo leh ta tih te, buaina a tam a ni. Department dang ai hian hetiang hi a tam chuang a ni tih theih a ni. Hei hi a bul takah chuan administration vang a ni ang tih ka ring tlat a. Administration han tih hian a khawilai chiah nge tih phei chu hriatthiam a har mai thei. Directorate chinah nge, Secretariat chinah nge, a Minister chinah nge tih chu a sawi a har mai thei e. Engpawhnisela, inawpna tha tak a awm loh vang a ni ang tih ka ring a. Thil pawh tak a thleng fo hi a awm lohna turin tun eia an san muk a ngai ang tih ka ring. Office te neuh neuh, D.I.-ah te, thingtlang atanga lo kal ten an hlawh chungchangah hian harsatna tawh loh turah zirtirtu te hian an tawk zing lutuk a, Bill Assistant-in vawinah chuan hlawh ka sem dawn lo a ni tih ang reng te a awm a ni an ti a, a then te phei chu, a dik a ni tih keimah ngeiin ka hriatpui nghe nghe a. Chuvangin a thawktu zawng zawng ten harsatna an tawh loh tlanna turin administration chak taka kan kenkawh a thain ka ring.

Pu Speaker, a tawpna atan. Kan ram hi India ram hi Emergency a ni a, chu bakah dan khirk tak tak dang te pawh kan nei a, kan awmdan pangngai ang chuan in enkawl in thunun a harsa a, chuvang chuan heng Emergency te pawh hi rawn puan niawm a ni. Chumi ang tak chuan keini Mizoramah hian hnathawh ni se a duhawm hlein ka ring a. Tin, thil kan tih reng reng hian inthununna tha tawk a awm loh chuan a tih that theih lo a ni.

Chuvangin Mizoram hmasawna pawisa ruahman zawng zawng te a nih anga, hman a nih theih nan te, dik taka hman a nih theih nan te, pawimawh engnge kan tih chuan a hmangtu tur Sawrkar hnathawkte an ni lo thei lo va. Vawin niah helaia thukhawnte hi chu a hman lekma turah 'khawngaihtakin chuti kha ti' kan va ti leh dek dek ang, chung chuan ngaih pawimawh a hlawn lo fo dawn a, mahse chu chu a ngaihthiam awm a, khatianga hmanna turah khan ngaih pawimawh tur leh in thununna khauh tak leh office a hun taka kal chungin tih tura notu lian zawng leh a chung zela tanga ruat ang zela tih theihna turin kan ram Sawrkar hi kan khalh a tul niin ka hria. Chuti anih loh chuan sum leh pai tam tak ruahman mah ila, hman ral lohin a liam ang a, hman a nih pawhin hman a nihna tur ang ni lovin hman a ni leh lovang a, kan tangkaipui tur angin kan tangkaipui leh lo ang. Chuvangin kan ramah Emergency denchhena hnathawh, tunhma anga hnathawh harsa te thawh bawrh bawrh a nihna te lain kan Sawrkar hian tun aia chak zawka in thununna te hi vawna thawh a pawimawh hlein ka hria.

Pu Speaker, a tawp ber atan- Ex.gratia payment hi nichina an rawn sawi angin hei, Supplementary Demand-ah hian tam tak a lo lang leh a. Hei hi pek a ni ta em ni aw ka hre duh a. Kum tam tak a ral hnuah pawh ka hriat danin pek ala ni lovin ka hria. Chuti chung a Supplementary Demand an rawn ti leh ta mai hi an hriatsual nge ni engnge ni tih ka hre duh bawk a.

Ka lawm e.

SPEAKER: Member zahawm takin ni chinah khan Nagaland-in pawisa/tangka tam an chhiatpui ti ang deuha example ang deuha a rawn lak kha chu record lo ila, mi State thil a ni a, tih loh a tha ang.

PU C.LALRUATA: Pu Speaker, khalai kha chu ka withdraw e.

PU VANLALRUATA: Pu Speaker, vawin niah kan Programme ang takin kan Budget kan nei thei a, lawmawm hlein kei pawh ka hria. Kum tir apianga kan buaipui, Budget hun apianga kan buaipui thin a kha vawin niah erawh chuan a hun takah kan hmu thei hi kan Sawrkar hi fakawm hlein ka hria a. Amaherawh chu kan Budget te han thir hian kum dang a in a tam a, ka zuk chhutdan a sual loh chuan vaibelchhe 3 zet in nikum lam a in a pung niin ka hmu a. A punna hi nikum lam kan Budget te pawh kan hmang seng lo nge, kan hmang hman lo ka hre chiah lo a, kir te pawh awm nual niawna sawina te kan dawng zeuh zeuh thin a. Vawin niah tam zawng kan hmu hi thil lawmawm a ni ang em, ni lo ang em tih hi chu sawi mai har hlein ka hria. Engpawhnise, ka hmaa sawitu sawi ang khan a tangka hmangtu te kan Officer te taina lehzuala an chet a thul hle dawnin ka hria.

....40/-

Tin, kan ram hi ramthar ngang a ni an kan ram atan hian P.W.D. hi a pawimawh hsein kei ka hria a. Hei hian tunhmaah an thawhdan a chhia e, a tha e tih tur vak awm lem lo mah se tun hnua an kal zelna turah hian chak zawka an kal a tul takmeuhin ka hria a. Hmun tam takah an kawng laihte a hlawhtlinna a hmuh theih a, a lawmawm viauin ka hria. Amaherawhchu hmun thenkhatah erawh chuan vawiin thlenga hlawhtling hlei thei lo, mipui phun nuai nuaina lai te a la awm a. Chuvangin masa taka tan an rawn lak a tul takmeuhin ka hria. Chu laiah chuan thil pakhat han zeh tel ka duh a, a in connection thei ang chu ka ti a, kan E.G.S. chungchang thu hi a ni. Hei hi kan Budget-ah hian kan sawi fo thin a, tun lain India ram pumpuih mel-in thil an teh tawh lova, Kilometre hlir hman a nih tawh lain E.G.S. pawisa sanction dawna mela la kal luihtir tlat mai hi fel lo tak tak in ka hria. Pawisa te pawh melah Rs. 5,000/- te Motor kawng atan tiin pawisa thente in kan chhawra, amaherawhchu, kan mipuite hi an phur em em avang hian heng kawngah hian a hlawhtling viau zel a, mel kan hman thin hi hmang tawh lovin Km. hi hman ve tawh nise thain ka hria. Tunah chuan kan Sawrkar hian tha deuh hlek zawkin pe thei tawh se tiin ka ngen duh a.

Tin, chu bakah thil ka lo beisei em em, Kan Budget-a lang lo a awm a, chu chu 'Recognised Village' kan tih, he House kan tan tirh ni phata kan Resolution pawh kan lo pass tawh a kha ala lang pha chuang hauh lo mai a; Budget-a lang lo chi a nih chuan thu dang ni sela. Engpawhnise, pawisa engemawzat involve tur chi a nih avangin Budget-a lang pha turah ka ngai a, vawiin niah ala lang pha lo hi engage ni a chhan ka ti a ni. Dik takin hmanni lawkah Mizoram pumah Village Council inthlanna te pawh kan nei a, chung laia thlawhbawkho kan zuk thlemna kha in khua kan recognise ang recognise lovang tih mai mai bawr velin mi kan chingkuai vel niin ka hria a. Amaherawhchu, vawiin ni thlengin Thlawhbawka awmhote tan beisei tur thil kan Budget-ah hian awm lovin ka hria a. Chuvangin hengte hi mipuite vawi tam tak kan lo sawi hmuh tawh a, kan ti thei dawn a nih chuan mipuite kan entir thuai a tul a ni. Tin, chu bakah chuan Electric power thu hi han sawi leh ka duh a. Ka hmaa sawitu han sawi kha chu a zau deuh hlek a, Aizawl pawn lampang kha a rawn sawi deuh ber a.

Tuna ka han sawi deuh ber chu Aizawl chhungah Electric Power kan hmuhdan hi a ni. Aizawl chhungah hian a regular lo em em a, zan khat kar dan te, hapta khat hnuaah vawi khat te a rawn eng a, chutiang khawp chu Aizawl South lam chu kan ni a ni. Tun thlaah pawh thla tir deuh thaw atang khan a eng tawh lova, Inrinni zan khan alo eng leh a, chu chu Aizawl-ah pawh Electric light kan hmuh dan a ni a, hei hi a beidawn thlak hlein ka hria. Chutiang a nih nak alai chuan a Bill hi a sang em em mai a. Hei hi kan Minister i/c hian chhui chhuak se ka duh a. 'Meter reader' an ti emaw ni a rawn entu thir te hian an tlawh ngai lo niin ka hria. Kan inah an lo kal hi ka hre ngai lova, Bill erawh chu kan hmu thei phian mai a. Chutiang bawkin mi dangte pawhin an sawi a ni. Entiran- tunah Bill pali lai ka hriatah chuan thla li atan an bill a, Rs.500/- chuang an bill a ni, pakhat chu thla hnih chung atan an bill a, Rs. 414/- vel a ni.

....41/-

Pakhat dang ka hriat pawh chu thla hnih chung, January leh Februrary thla atan an ti a, Rs. 392/- vel a ni; chungte chu kan Bill hmuh te an ni lawi si a, eng min pe mang si lova. Chutiang anih reng reng chuan electric hi hman theih chi a ni dawn em ni aw ka ti a, mi dang veng te a ni ve emaw ka hre lova. Chuvangin helaiah hian thil dik lo lian tak a awm a ni tih chu a chiangin ka hria a ni. Tehkhin nan- tunhma kan Electric hi kan Sawrkar kutah a awm lova, a awm atang chiah khan Bill hi a sang tan a ni. Tunhmaa thla khat chhunga Bill lo kal chu Rs. 19/-, Rs. 15/-, Rs. 8/-, Rs. 7/- a tam pawl Rs. 19/- te a ni a, Rs. 20/- hnuailam a ni deuh ber a ni. Tunah chuan Rs. 50/-, Rs 100/-, Rs 150/-, Rs 300/- te a ni nuk ta mai a. Chuvangin helaiah hian dik lo chu a awm a ni tih a chiang em em a ni. Ka hriatdan a sual loh chuan an han dilte pawh hian pek an tum lo niin ka hria a, a zahthlak em emin ka hria a ni, thil dik lo tak a awm ni tih chu a chiang hle a ni. Mi thenkhatin an va complaint a, 'kan lo tidik lo a nih hi' dah mai rawh' an lo ti a, a ngai ang chiahin an rawn thawn leh tho a, dik lo anga an in admit tawh hnuin a ngai angin an rawn thawn let leh a, an ti a. Chutiang an tidik loh anga an in admit hnuah Bill tidanglam chuang lovan an rawn thawn let leh mai mai hi kan Sawrkarin ngun taka an rawn en a tul hlein ka hria.

Tin, hmanni pawh khan ka sawi tawh nual a, 20 Point Economic Programme tih hlawhtlinna te pawh a lo ni anga, kan rama thil man kan bithliah dan hi fel tawk lo deuhin ka hria. Entirman- Kan ram hi Chini nei lo ber leh awm lohna a ni a, thingpui dawrah chuan 40 paise an ti tlat a, Silcharah chuan 50 paise an ti thung tlat a. Chuvangin hengte pawh hi kan fix theih deuh em ni aw ka ti a, mi thenkhat te ei zawna a lo ni vei nen. Tin, sa man te pawh kan han fixed sak vak a, a zawrna, a sa pum man kha kan fixed leh mang si lova, an dinhmun hi ka tawng an huatthu suhah dinhmun harsa te te an ni a, tlema an that ve theihna turin Sawrkar hian a ngaihtuah sak thei hlawm lawm ni aw ka ti a. Tin, kan ramah chuan engmah de h chhuah theih kan nei tak tak lova, kan han tih theih deuh ber, Vawk vulh te emaw Bawng vulh te emaw a ni mai a, khatiang lama zuk inhrek lutuk kha a dik duhawm lo mange aw ka ti a. Sa rate kan fixed sak hi cheng hnih khat te chuan han tihsan sak ila, a thaawm mange tihna ka nei a. Tin, kan ti a nih rau rau chuan hmanna ka sawi ang deuh khan Puanthui man te, Motor Workshop-a Welding man te, chung bakah ei tur neuh neuh vur man ang te pawh hi kan fixed dawn lawm ni ka ti a ni. Silchar-ah chuan heng laia ice-cream an tih ang te hi 10 paise-in a lei theih a, hetah chuan 25 paise te, 50paise te a ni tung mai a, heng ang te hi kan fixed dawn lawm ni ? chumi a bakah loan pek te an ni si a. Chutiang chuan ven kim loh nei deuhin ka inhria. Chuvangin heng ang te hi kan Sawrkar hian han en ngun lehzual se ka duh a ni.

Thil dang lian tham deuh han sawi ka duh leh hlek a, kan Administration ti mai ila, U.T. kan nih hnua

....42/-

District Council thar pathum kan neiha te chungchang thu hi kan Sawrkar hian eng angin nge a thlir aw ka ti a. Ka han thlir ve dan chuan heng District Council thar te- Pawi District Council te, Lakher te, Chakma te hi wawin ni thleng hian an Administration hi a fail niin ka hria. Chumi a bak chhamah chuan helala keini ho, Mizoram Sawrkar-a te hi min la ep deuh lehngal niin ka hria. Chuvangin heng District Council hi kan Mizoram Sawrkarin ava din ni lo mah se engemaw chen chu kan ram chung a nih avangin sawi theih kan neiin ka ring a. hetiang a a hran te te a, anmahni hnam bing te te a District Council va dah hi chu tha lo hlein ka hria a, ngun tak a kan sawrkarin a en zui tul hlein ka hria. Amaherawhchu sawlaih District Council siam tul ni a kan hriat chuan a vai a hlawkhawm a hmun khat a siam a tha zawk awm mang e tiin ka ngaihtuah a. Kumtin engemaw zat tangka Budgetah a tel a, kum 1975-76-ah te 7 lakhs te, 6 lakhs te 5 lakhs te pek ani ve tho a, District Council kan nih lai pawhin keini pawh khan Assam atangin 7 lakh te kan hmu thin a ni a, chutiang chung chuan an ni chu an kal hlei thei lo a ni a, a beidawn thlak tak takin ka hria, saw sawn kan ram hmel pawh engemaw chenah a ti chhe hlein ka hria. Chuvangin kan sawrkarin a theih ang chen chenah thlir nawn leh a a thl that zawkna kan hre lo a nih chuan a dissolve dante pawh kan zuk ngaihtuah thleng mai dawn emni chu aw ka ti a, ka zuk ngaihtuah a. Wawin niah helai-ah MLA-ho ram aiawhte pawh hi kan ngaihtuah tlakte pawhin ka hria a ni.

Nutrition Pu Speaker ka han sawi leh duh chu hei kon Budget-hian Programme tih ang reng tangka kha a tam mai a, hei kumtin a awm mai a, thil pawimawh tak phei chu a ni a, michte zawk ten sawrkar zar an lo zo theihna thil te a ni a. Amaherawhchu, kan hmandan hi kan Sawrkarin a hre chiang em aw ka ti a. A tangka tam ang hu hian mipul hian kan dawng lo niin ka hre tlat mai a. A chhan chu khawi khawi atangin emaw chana, badam te an leikhawma, alu te an lei khawma, tin, thil dang eng engemaw te lei khawm a ni a, a then chu an dah tawih ringawt niin ka hria, sem hman mang lohtein chithlum-mum te an lei a, khawi khawiah emaw duhsak zawngte hmenah khan an semral niin a lang. Chuvangin he tangka tam em em awm thina hi a hmandanah hian kan Sawrkar hian ngun taka a thlir ngain ka hria. Ka itsik thu ni lovin kum 1975-76-a hemi atana kan tangka zo zaite kha tunge contract aw tih hriat ka chak hle a ni. Tu kutah nge kha tangka hmangral tura pek a nih ? tute te nge contractor ? An China badam semte chu dik takin ei tlak mang loh a nget chhe vekte a ni a, chuvangin tangka tam tak hi hmu thinin nei thin mah ila, a hmandanah a that loh chuan engmah loah kan chan dawn niin ka hria

Police Department chungchang hi han sawi ve leh ila, ka duh a. Kan Sawrkar hnuaiiah Armed Police engemawzah kan nei ve a, kan Budget-ah hian a tibbelhna lam kha alang lo tlat mai a, hei hi kan Sawrkarin a mangngihlh palh nge ni engge ni ka hre lova, Police kan neih tawk tulin ka hria a. Administration leh thil danga tulna leh a that theihna tur chuan a vengtu kan neih tam tawk hi a tul ka hria a, chuvangin chu lampangah chuan kan lo muthlu palh anih chuan ngaihtuah leh thuai thain ka ring a.

Tin, thil lawmawm tak pakhat sawi loh theih loh awma ka hriat chu, Lt. Governor Speech atang te leh mi dang dang sawi atangte khan kan ramah Remna leh Muanna a awm ang tih kan hre zui zel niin alanga, hei hi lawmawm hlein ka hria. Chutiang thlenga thu lo thleng tur a nih chuan heng P.A.C. kan tih te, C.R.P. te, hengho hi eng chen nge kan hman theih dawn, a thlaktu tur te Police esawh chu kan buatsaih vat vat a tui hle a ni. Chuvangin khalam pangah khan kan Sawrkarin tan a lak leh zualin tha-in ka hria. Union Territory-ah kan awma, kan boundary te pawh kan siam fel . hlei thei rih lo niin ka hria a, lehlampangah min nawrtu ten Silain min tin a, an theihna zawng zawng Sai nen min rawn bei a; keinin tawngkam leh fountainpen-in kan nawr let ve mai niin a lang. Chung atan pawh chuan kan ram hi buatsaih a tui ve tawh hle niin ka hria. Chuvangin kan Sawrkar hian nasa taka tan han la turin ka ngen duh a.

Ka lawm e.

PU LALRINLIANA: Pu Speaker, tlem ka'n sawi ve ang e. Lawm thu ka thiante hoin an sawi tawh a, a lawmawm hle reng a, a hun taka Budget kan lo pharh thei te hi thil lawmawm tak a ni reng a. Helaiiah hian thil, point thenkhat ka han sawi duh chu lawmthu a ni ber a. A bik takin P.H.E. chungchang thuah hian a ni a. Kum dang ang chu ni sela, tun hunah hian Motor-in tui a phur zut zut ang a, amaherawhchu tunah chuan Motor-in a la phur rih lo a ni a. Amaherawhchu mitinin kan duh ang tawh hi chu, Motor-in phur mah sela, ka hmu lova. Engemawchenah chuan tan an lakna alanna awmin ka hria a. Tin, chumiah chuan thil pakhat han belhchhah hlek ka duh chu Electric thu hi a ni a, an sawi tawhna a. Aizawl khawchhung bik thuah hian hotuten enchiang se tia advise ka han pek duh chu thingtlang khua leh zau zawkte chu kan sawi thei lova. Aizawl khua kan harsatna chu kan sawi theuh a, kan hre em em a. Helaiiah hian thil pakhat hotuten tih hmaih an nei em ni aw ka tih chu- Mechanic thuah hian a ni. Tuna kan Mechanic neih thuah hian, kan neih thenkhatho hi keima mimal ngaih dan chuan an thiam tawh lo niin ka hria a. Khawl a buai, engemaw defect a awm pawhin kha laia siam zar zar thei leh thiam an awm loh chuanin a khawla kha hung tam mah ila kan harsatna kha a kal panggain a kal zel dawn a ni. Chuvangin he thil hi phai rama Mechanic thiam deuh man tam zawk pawhin chawk chhuah dan hi ngaihtuah ila. Tun ang hman ang rau rauah hian nasa takin mipui leh vantlang hian kan hlawk phah zawkin rinna ka nei a. Tin, tuna kan Mechanic-ho saw an thiam em em vak lova, a thiam thenkhat ten Assam-ah min kir san tawh si a. Chu laiah chuan phuahchawp takin kan han infawm khawm zung zung a, tah chuan an enkawl thiam leh tak tak si lova. Chu laiah harsatna ken tawhna te hi chutiang chu a nih vang ni berin ka hria.

....44/-

Tin, Agriculture lampang hi ngun taka ka ngaihtuahin tan kan lakna ngei tur pawh niin ka hria a. Kan Minister pawhin tan ala dawn viau pawhin ka ring a. Hemiah hian kan hriatreng tur thil pakhat awma ka hriat chu- Mizo te hi tunhma chuan tel te ang hi keimahni vawk vulh atanga ei chho kan ni a. Tin, khua a lo pui chho zela, kan dinhmun alo sang chho zel a, Mustard Oil-te pawh kan lo hmang chho ta a. Amaherawhchu, hemi chungchang thuah hian self-sufficient-na tur hi awmin ka hria a. Heng Chhawahchhi hriak hengte hi kan ramah Chhawahchhi a tam em a, heng sawrna te hi fel taka siama, lian zawka tih a nih chuan phai lam hriak hi ei miah lovin keimahni leh keimahni hi kan intodelh thei ang tih hi ka ring tlat a. Tin, chu bakah a buh lampang chungchang thuah hian Budget hmasaah pawh ka sawi nual tawh a, vawinah pawh hian sawi leh ka duh a. Tin, tlangram lo kan neih dan te kan han thlirin kan bei-dawng tawh tih chu vawin niah hian sawi nawn a ngai lova. Kan hal hum hum a, kan ti phul dul dul a, engmah hlawkna a awm tawh lo tih pawh kan hria a. Amaherawhchu, a awm thei ang anga he luidung, Mat dung hi emaw khawi maw lai laiah hian a theih ang anga leileh lampang hi full sewing-a kan nawr a tul a, tah chuan hei leilet pass nei ta te pawh an tam tawh a, hengho dinhmun te hi a nihna ang taka en zui pui tulin ka hria a. Hmanniah kan Minister chu sawipuina ka nei a, leilet nei, mahniah tihlawhtling thei lo tur awm an awm chuan Sawrkar hian engemawchen advance-in pe sela, kha kha a ti ngei a ni tih Demonstrator-ten en sela; chutichuan puih tlak zel a nih chuan a aia tam zawk pawh kan pe zel ang a. Chutiange kan in nawrte pawh chu a tul tawhawn mange. Chuti a nih loh chuan leilet pass-te pawh nei siin, leilet awm si lovin, buh thar bawk si lovin a awm theih a. Hei hi ngun taka kan ngaihtuahin vai ram buhah hian kan innghat rei lutuk tawh a. Keimahni ram chhunga thar theih na na na chu tlangram a ni emaw, leilet a ni emaw theih ang tawka tan kan lak hi tul takmeuhin ka hria a. Chuvangin he lampangah hian ke kan pena, a result hi hmuh thuai thuai kan duh ber tur pawh niin a lang a. Chuvangin Agriculture leh Kawng thuah hian Zoram hmasawna chu a innghat a ni tih a langchiang a.

Tin, lawmthu han sawi ka duh lehna pakhat chu, P.W.D. chungchang-ah a ni. Hei tan an la hle a, Kawng engkimah, kan hmuh angin Khawpui chhungah te, chumi lampangah chuan tlem han sawi ka duh chu- Zanah te thawkin kawng engkimah an theih ang tawk tawkte thawkin tan an la a, hetiang zela kan kal chhoh chuan engpawh ni sela kan Zoram chuan hma a sawn chho zel ang tih kan ring tur a ni a.

Amaherawhchu, tui baw hnu a ruh leh theih loh naa, han sawi chhuah ka duh tak pakhat chu - he Assembly hian Zu zawrh thu kan lo passed hi kan ram atan hian a the lo dawn plea rinna ka neih thenkhatte han sawilan ka duh a. He laiah hian V.D.Clinic te an ti a. Dik takin heti taka zu kan ram in a lo nei zau ta hi ram ala zau hi pawh ka ti em em a. Hei hian nghawng thui tak a nei a. Chumi lampangah chuan tlem han sawi ka duh chu-Doctor thenkhatte report leh titi ka hriat atangin tunlai kan ramah hian natna tha lo

V.D. hi nasa takin a pung tawh a. Hei hi engnge ni a vang kan tih chuan a bulah chuan Zu vang a ni lo thei lova. Mi harh fim, mi fel tak chu chun enah te zu rui loa harh fima an awm chuan dik takin nulat tlangval chungchang thuah hian engemawchenah chuan insumna leh intinna a awm thin. Amaherawhchu, Zu a lo awma, miin zu a lo ruih chuan a harh fima a tih loh tur tam tak kha a ti thin a. Chuvangin Mizoramah hian V.D. Case hi tam tak a awm tawh a. Amah Dr. Ringluai'a'n a sawi angin, Durtlang Hospitalah te khian 'tunah hian Major Operation-ah V.D. hi nitin pakhat zai loh kan nei ngai lo' tih a sawi a. Hei hi engnge ni avang kan tih chuan zuin kan ram a la zau lutuk tawh a, hei hian nghawng a nei a. Tunah kan Budget-ah te hian nakumah te phei chuan V.D. Clinic hi tun aia lian zawka din a ngai dawn niin ka ring a. Engpawh nise tui baw hnu kan rut leh thei tawh lova, amaherawhchu hei hi kan ram chuan kan problem ni dawnin ka ring a. A lehlam zawnga han thlir chuan Family Planning te a awm a, hei hi kan Family Planning-na tur a ni awm mange, a kalkawng zawng Sawrkar tumdan a ni lo taknaa, mahselang engemaw zawngah chuan serh in ten sak te eng engemaw zawngte a awm hlah thin avang hian hei hi indirect-in kan Family Planning hi a niawm mange tih te pawh hi ka zuk ngaihtuah a. Mahsela, kan Sawrkar te hian heng thil hi ngun taka in ena, Kristian Ram kan ni a, engemawa sum lampang tam mahselangin lehlamah nghawngna a awm si chuan 'miin khawvel hi a pumin nei sela, a nun chan si sela,' a tih ang deuhin lehlamah sum tam tak lo lut mahsela kan hriselna leh kan nunte chhe si selangin kan Ram hian a dinchhuah phah ang em aw ka ti a.

Vawiin niah Budget-te kan lo sawi thei te, sawi leh thei dinhmuna kan lo ding te, dam taka tumah inphatsan lova kokim taka kan lo kal thei hi lawmawm ka ti em em a. Tin, he kan Budget pawh hi tluang takin a kal anga, Mizoramah kawng engkimah hma a sawna tur kawng tam tak hetah hian a awm a, chu chu theihtawpa keini te pawhin tan kan lak a tul a ni.

Ka lawm e.

PU LALKUBGA: Pu Speaker, Budget discussion a hun taka kan nei thei hi kei pawh lawmawm ka ti a. Hun kan nei tam thei lova, a point-in ka'n sawi zung zung ang e.

Agriculture hi a hlawhtling viau a, lawmawm taka ni a, hnathawhdan enin. Amaherawhchu, kan Agriculture Minister-in ka tawng a huatthu suhah, tunah terrace a tui hle a, mahsa hlawhtlin hmain min tinsan leh lo se ka duh a, tum hi kan sawn ranga, Khaum atangin Saptheiah khatiang khan kan sawn kan sawn mai a. A hun a thlena, a hlawhtlin hma chuan a tum min sawn san lo se ka duh a, ka ngen nghal baw a ni. Tin, hna kan han thawh tan tak tak hian Soil Department-ah hian harsatna a awm a, terracing hi an la nasa a, appointment lampangah hian engnge harsatna awm kan zuk hriatpui teh chiam lova. Amaherawhchu, Division

khatah hian Divisipnal Officer, Soil Conservation a awm ringawta, engemaw dam loh hritlan thulhah pawh a aiawh tur pakhat mah an awm lova. S.D.O. tunhma atanga lo buatsaih tawh kha vawiin ni thlengin tihlawhtling lovin an la awm a, mihring awa tho siin engatinge chu post awm bawk tho siin thlan fel theih loha vawiin thlenga a la awm ? Mihring indaih lo hian hma nasa takin a tibahlah a, chu chu min lo en ran sak se ka duh a.

Tin, Education Department-ah hian thil pakhat sawi ka duh a. Aizawlah hian kan han hmuh a, chiangsa chu Zirtirtu, Primary Zirtirtu hi an chuang tam lutuk niin alang. Aizawl-ah a awm thei fa hi chuan kan fate theuh ti ila a dik ang. Khawi School-ah emaw kan dah duh theuh a, public School-ah dah duh tak tak chu kan awm lova. Amaherawhchu, Aizawla Primary Zirtirtu thawn chhuah hi harsa kan ti em em mai hi a buaithlak in ka hria a. Hmeichhia an tam em em mai a, heng hi sem rual dan ngaihtuah ni sela. Thlawhbawkah Zirtirtu kan mamawh em em a, mipuiin an ngen ngawih ngawih lain Aizawl-ah chuan naupang tlemte zirtirtu tam takin an ho tlat a ni. Anmahni sa him nana ziak report-ah chuan an ziak tama, amaherawhchu, surprise visit zuk nei ngat hlawm ila, Primary School. Aizawl ami hi over Staff deuh vek an ni ang. Chu chu kan Sawrkarin a hmu ngam tur niin ka hria a, chutiang kan tih chuan thingtlang lama Zirtirtu indaih lo te te te hi kan lo chawmdawl thei ang a. Chu chu Sawrkarin min ngaihven sak se kei ka duh bawk a.

Pu Speaker, hei Budget General Discussion kan nei a, point eng engemaw kan han sawi a, Minister ten an chhinchhiah seng kher lovang a, mahse official Gallery hi a ruak leh vek mai thin a, hei hi kan sawi tam thin a. Amaherawhchu kal tur hian kan ti mang lo em ni ka hre lova, hetiang point pawimawh te hi chu lo note puia, an hriatpui a action a follow hi beisein thu kan sawi a ni a, helaia thutna a ruak leh vek mai thin hi chu kei fel lo deuhin ka hria a, a Minister te tan a harsaa, action-in a follow loh chuan thusawi hian awmia kei neilin ka hre lo a ni, thusawi tha a nain ka hria a ni. Officer tam tak kaisang turtea kan beisei thenkhat CBI in an probe avanga hun rei tak an kaisanna tur bahlahte hi a tihtawp dan a awm lawm ni tih ka sawi duh a. Hetiang thilah hian kan bahlah viau mai thin a, case te tak te te te pawh a awm anga, case lian deuh te pawh a awm anga, a tihfel thuai thuai dan hi ngaihtuah ran ni se. Tin, Member zahawm tek Pu J.Thanghuama'n zawhnaah a zawtt tawh a, thil hi under-suspension hian kan dah rei lutuk a, hei hi kan Sawrkarin tul lova sum a sen tanna niin ka hria a, hei hi an case a zira tihfel ran theih nise ka duh bawk a.

Tin, Quotation chhan chhungchangah te, tender chhan chungchangah te, Firm thenkhat CBI-in an probe mekte hi kan Sawrkarin hian chhang thei lo tur hian an Black list ve em tih hi ka hre duh a. Officer thenkhatte CBI-in an broke avanga an kaisan theih loh chuan chung Firm thenkhatte CBI-in an probe lai chu Quotation emaw, tender emaw chhang thei lo hian kan Sawrkarin hian engnge tih a neih ve tih ka hre duh a.

Tin, 20 Point Economic Programme Prime Minister-in a rawn ti chhuak hi a lawmawm a, kan Sawrkar pawhin chumi zul zui chuan tun kan Session-ah hian thil tha tak te pawh a rawn ti dawn niin ka hria, kei lawmawm ka ti a.

Amaherawhchu, hemi tihlawhtlinna atan hian tukkina question hour-a kan sawi tawh ang khan central atangin pawisa tam tak an thil phal lai a ni a, hemi tihlawhtlinna atan hian zuk dil ve ila, a tam thei ang ber zuk lek chhuah pawh tum ila kei tha ka ti a, chu chu kan Sawrkarin ngai pawimawh se ka duh a. Aizawlah eng engemaw hemi Emergency chung atanga Sawrkarin hnuhma a tihlana hi a tihlawhtlinna, a bawhzuina hmanrua atan pawisa tam tak a ngai a; chumi atan chuan Central a inphal lai hian kan Sawrkar hian advantage a lak ngei ka duh bawk a ni.

District Council hi 3 kan nei a, Pawi District Council hi complaint a tam hle a, enquiry la turin mi tam tak an tir tawh a, yawlin hian Sawrkarin a lo tih tawh te chu kan hre thei lo nain he a thiltihah hian hmanhmawh deuh nise ka duh a. Chakma District Council phei chu a leh-zualin a mumal lova, a hmunah pawh entlak niin a rinawm a. Hetia an sawi mai mai phei hi chuan pawisa lo kal reng reng hi Staff-in an chang ve ngai lova, C.E.M. hoin an insem mai mai thin a. Thu rinawm tak atanga lo hriatdan phei chuan C.E.Minchuti zata chan chuan Memberten chutizat an chang ang an ti a, chutiang chuan an hlawh lak hi a buaithlak em em thin a, an in sa sem takmeuh meuh a ni a. Chuvangin Staff, hnathawktu pawh saw an nei tha hlei thei lova. Chuvangin sawlai dinmun saw chiang leh-zualin an tur niin ka hria a. Sawrkarin mi District Council ang bawkin pawisa a pe a, saw tia dik lo taka an hman saw a tihden ngaihtuah a, an la tlin ngang lo a nih chuan kawng dang zawka ngaihtuahpui tulin ka hria a ni. Saw saw thlahthlam loh a tha ang. Kuminah pawh pawisa tam tak kan vote sak leh ringawt ang a, pek a nih ni niin a dik loah a liam leh nghal ang tih ka ring a. Saw saw en chian a nih hma chuan engmah tihsek loh ni se ka duh a.

Tin, wild Life Sanctuary hi khawthlang lampangak Dampa-ah an din a, a tha a. Amaherawhchu, kan Sawrkar hian t-hil ngaihtuah nawn leh se kan duh chu - Mizo mipuite khulala awm lo neih tur tibahlah lutuk lo khuan a thlanglan ram zau zawk Tripura leh Marpara dep khunglai ram khu zuk huam thuk zawk sela, helai Mizo chenna tlangram khu chu min chhuahsan se kan duh a. Khulai khawthlang lampang mipui duhdan a ni a. Tin, Notification khan an hmanhmawh hle a, a hmanhmawh chhan pawh Budget-ah pawisa hmuh ve theih nana nghahfungah tih a ni. Hetia Budget-ah a lo ewma pawisa hmuh tur ang ang hmuh a nih chuan Notification pawh chu a hranin thlak leh tawh nise tih hi Sawrkar ka rawn ngen duh bawk a.

Tin, kan Sawrkar hi kawng tam takah hma a sawn a, amaherawhchu, hmasawn lo'ma riau pahni keima mi malin ka zuk chhut a, ka zuk hmuh fiammah chuan P.H.E. leh Power-ah hian a ni tlat mai. Hei hi U.T. kan nih tan tirh ata kha chuti em em mipui tana hmasawna alan lohna a ni tlat a ni. U.T. a ni hma khan Motor-in tui sem a ni a, pipe pawh a kal ve tho a, yawinah phei chuan Motor-a sem kan han titawpa, pipe-ah a kal tam chuang si lova, harsatdan a ropui lutuk a ni.

Tunah hian Aizawla hemi Water Supply dawng tui ring nge tam ang, tuikhur chawi tih hi ngaihtuah tur a ni ang. Mi tlaivar vara tuikeng nghaka an khawsak lai hian tui kan la semtir lo leh nghala. Tin, V/C tam hnenah tui card siam tur tiin khawilai atangin emaw order a chhuaka ni ang, tui semna hmun ni miah lovahte tui card an siam tira, pawisa an chawitira, chutiang nuai chu kan PHE dinhmun chu a ni a. Chuvangin tui kan mamawh dan hi min hriatpui tur niin ka hria a. Veng thenkhatah chuan hei Sipai tam tak kan neih avang hian Sipai nen School naupang nen harsa lutukin tui an inchuh a, chumi karah chuan Sawrkar-ah report pekin riva engmah a awm thei si lova. Meng thil te hi ngaihtuah chian a ngai a, hmasawn lo Department tih hmasawn hi kan Sawrkar lan sarhna tur leh chakna tur a ni. Kawng dangah chuan hma kan sawn chak vau a, amaherawhchu, helaiiah erawh hi chuan hma kan sawn lo, mipuiiah pawh khawn khawm ila, a takah pawh hma kan sawna em em a awm lo. Khuti laiah Lawipu tlangah khuan tui zuk tlinna tur hmun an ti a, khutah khuan a ngai rengin ala awm ringawt mai a, khungte khu engtia tih tur nge ? ti khuan kan dah kumkhua mai sawn em ni ? Estimates Committee-te kan ti a, kan en a, P.A.C. te pawhin kan exam pawh a ni ang, kan tizing dup mai, amaherawhchu, engnge a awmzia tur, hawilam kan nei lo, chuvangin P.H.E. hi hawi lam nei deuh hleka hna kan thawhtir a dik ang.

Tin, Power hi chiang takin kan hlawhchham tih a lang chiang a. Hei kuminah pawh Aizawl Khawpuiah eng kan nei tha leh tawh lo a. Hei hian awmzia thui takin a nei, kuminah pawh Sawrkarin Generator eng emaw zat a lei leh dawn a, chu pawh chu he power kan neih that theih loh petu te bawh hian an pe leh dawn tih thawm te a awm a. Tin, cheng nuai hnih aia tam daih pawisa pek a ni dawn a. Chu khawl lei tur chuan mi pakhat thlan a ni a, hemi khawl chhia avang power kan neih that theih loh rawn petu te bawh hi pek leh a ni dawn tih hi ti tish a thang a. Hei hi tak tak a nih chuan tihdanglam vat chi niin ka ring a. Chutiang pawisa tam tak seng tur si chuan Purchase Board pawh kal tlang lovin mi malin, tuin emaw a thlang ta mai niawma hriatna a awm a, hei hi khawlaiah ti ti a tam a ni, enfiah ngei ni se. Chutiang awm ngei a nih a, tihdanglam a nih loh chuan a mualpho thlak dawnin ka ring a. Mi ram atangin mi pawimawh tak tak an lo kal a, eng kan han pe thei lova, tui kan han pe thei lova, he problem hi englai pawhin a ngai reng a ni a, hei vang hian ram dang atanga lo kal tur mi tha kan beiseite pawh hian hei hi an rawn hreh phah a, tui a harsa a, power a awm lova. Tuna kan sawi mek power chungchangah chuan thil lei tawhsa te pawh a chhia, recondition mai mai a ni a, prove theih te pawh awm niin a lang. Chung zinga mite bawh chu hming hrana rawn inlarin tunah hian khawl Makta nuai hnih aia tam chu Purchase Board kaltlang lovin pek tum lehna a awm tihte hi a lo lang leh ta te hi pawl ka ti a, dik chiah chuan light hi kan nei tha lovang tih ka ring nghal bawh a. Chuvangin chutiang thilte chu a awm tak tak a nih chuan ngaihtuah that tur niin ka ring a. Hetiang thil te teah hian kan hmasawn lohna Department hi hmalak nan kan hman a ngai a. Hmasawn tawhna Department cheibawl ringawt hi kan hmasawn zelna atan a tha chu ni bawkin lang mah sela, hmasawn lohna lampang hi kan dai masak a tul ang a.

Ramhnuai mite lo kir leh Rehabilitation chung changah hian Sawrkar thu a tha khawp mai a, Tin, a Sorkar levelah pawh thil chu a awlsam fu thin, mahsela a han zik-tluak dawn tak tak hian khawi laiah emaw khan Director-in emaw khawi khawi hian emaw harsatna a siam duh viau mai a, hei hi kan Sawrkarin en ngun leh se ka duh a. Sawrkarin Rehabilitation pek tur a ti a, appointment emaw engemaw a thawh theih zawng emaw a ti a, a Ministry level-ah chuan thil chu a tha viau a, Political level-ah chuan thil a thianghlim viau a, mahsela a umzuitu a han tan a, a buaipui chhuaktua han tan dawn hian khawilalah emaw hian harsatna te te hi kan tawk thei viau a ni. Chu ti laiah chuan chung mite tana thil an chan awm reng leh tih ve tur chi reng a nih chuan harsatna awm lova kan Sawrkarin a tihsak chu thil tha nia ka hriat avangin ka rawn sawi duh a ni.

Tin, khulai Cacharah khuan leilet te kan nei a, buaina a awm leh zeuh zeuh niin sawina a awm a, a sawi uarte tan phei chuan sawi tur pawh a tam viauin a hriat a. Hei hi engtizia nge ni chiang zawkin kan Sawrkarin lo en zui sela, chutiang a mipui harsatna tawk mekte chu tak tak a ni em? a dik chiah em? a dik chiah chuan engtia tih tur nge tih ngaihven ran sak ni bawk sela thain ka hria. Hetiang thil hi a tak tak pawh a awm duh a, tin, sawi uar thu te hi a awm duh em em a. Chuvangin Sawrkar pawhin a nihna tak hmu chiangin mipui hnenah pawh hmu chiangin finfiah sela, tin, thawh a tul a nih chuan thawh hi sela. Assam Sawrkar te pawh biak leh a tul a nih chuan biak ni sela, hetiang thuthang rumour awm hi a tak a nih leh nih loh te thil tih theih chi a nih leh nih lohte kan Sawrkarin en zui se ka duh bawk a ni.

PU LALHMINGTHANGA: Pu Speaker, hemi kan Budget chungchang ah hian thu tlemte han sawi ve ka duh a. A hmasa berin kan sawi tawh hlawn ang khan hei a hun takah Budget discussion kan nei thei hi lawmawm ka ti hle a ni. Tin, chumi bakah chuan Fund tam zawkte a lo lan avangin a lawmawm leh bawk a ni. Hemi Budget discussion-ah hian ka ngaihawh deuh deuh thenkhat te han sawi lan ve ka duh a. A hmasa berin Bank facilities thu hi kan sawi ka duh a. Kan hriat theuh angin Aizawlah chuan Bank pakhat a awm a, chu chu State Bank of India Branch pakhat a ni a. Hemi hian Commercial lam business hi a kawak vak lova, Sawrkar thil leh Department hrang hrang Bill pawh hi a enkawl hlei thei lovin a lang a, chu chu Bank a kal thinte chuan kan experience hle ang a. Tuna ka han sawi duh ber chu Bank tam zawk hawn theih nise tih hi mipui duhdan niin ka hria a. Kan lo beisei angin Commercial Bank awm dawn angin sawi a ni a, mahsela kan hriatdanin engemaw vangin tun thlengin hawn ala ni ta lo a ni. Nikum lamah te khan hawn tawh hial tur awm anga buatsaih a ni a. A bik takin develop community chuan hemi Bank facilities hi kan dinmun pawimawh tak pakhat a ni a. Business transaction hi a tel lo thei lova, State Bank ringawt hian Business a cover thei lova, pawisa hi Bank Draft emaw engemaw clearance emaw reng reng hi va ti dawn ila. Bank-in pawisa

.....50/-

accept theih loh ni tam tak hapta karkhat chhungin an nei a. Chuvangin keini develop community te chuan kan tuar zel a ni tih hi kan Sawrkar hian a hrechiang emaw ni, an lo hrechiang lote a nih chuan lo hrechiang se tih ka sawi duh a. Chumi thua chuan hetiang vang hian thil a awm thin a, Railway receipt lo kal hian period of validity an nei a, chu chu Bank-ah pawisa kan dah thuai thuai loh chuan Silchar lamah te a lo awm a, pawisa tam tak te a lo involve avangin, Bank Draft pakhat mai ni lo, a belhchhah tur hi Aizawlah hian a ngai hle a ni. Chu chu kan Sawrkar hotu ten an tihlawhtlin thuai ka duh a ni.

Pahnihnaah chuan Supply & Transport thu hi han sawi leh ka duh. Kan Sawrkarin kawng tam takah hma a sawn a, mi ram ang bawkin State Bus-te engkim a tlan a, a lawmawm a, tin, tun hnaiah Out Agency chu a hming chuan an lo function dawn ta a, hemi thil bik hi keini develop community chuan kan ngaihtuah dan kawng khat a awm a, chu chu kan hotu ten an hriat kan duh a. A chhan chu Out Agency tuna awm hi Sawrkar ta chauh tunah a booking theih a. Commercial-in kan la Book ve thei lova, chu chu ram dang ang bawkin tihlawhtlin thuai ni sela. Tin, Out Agency hi mipui te tana tangkai ang turin thil an la function loin ka hria a. Entirman- Finance hi Company reng rengah Distributor hnenah an thawnin emaw Sawrkar hnaena an thawnin emaw F.O.R.I te For Railway Road a nih chuan Free transportation hi hma a ni a. Out Agency kan lo neih ve tak hian Shillong lama Out Agency-ah chuan F.O.R. Shillong a ni a. Chutiang bawk chuan Aizawl-ah hian F.O.R. Aizawl through Out Agency lo ni ta sela, Cement tuna bag-ah Rs. 23/- or Rs. 24/- a kan hmuh hi Rs. 14/- in a tihlawhtlin theihin a lang a. Chu chu Regional Control of Cement hian a subsidize thei niin a lang a, mahsela fully-a a lo function loh avangin, hei hi a lawmawm hle nachungin mipuiin kan lawm lehzualna tur lo tolenna tur chu ala puitlin rih lo niin a lang a; chu chu kan hotuten an tihlawhtlin thuai chuan mi zawng zawng tan thil tha tak niin alang nghal a ni.

Kan Budget discussion-ah hian Department tam tak a nih avangin a zim thei angin tlon tlemin han sawi ve nual ila ka ti a. Ka han ngaih pawimawh chu, Mizo te hi zirna lamah hian hma kan sawn a, kan sanga ni tih chu hriatsa a ni a; Education rual rual hian thil pakhat ngaihmawh ka nei a, chu chu Sport thu a ni. Mizoram hian Sport Council hi kan neih ve a hun ta hlein a lang a, ram dang full fledge State-ah te chuan Sport Council hi a pawimawh em em mai a, Sport Council full fledge-a kan neih hma chuan sport lamah hian kan tang thei tak tak dawnin a lang lova hei hi kan hotuten an tik mek niin ka ring a, mahsela chak lehzuala tihlawhtling turin ka ngen duh bawk a. A vang chu ground tha zawk kan neih theih nan leh ram dang State level-a competition-a kan chhuah theih nan leh kan tel theih nan, hemi Sport Council hi kan beih thuai tul hlein ka hria a. Chu chu ka ngai pawimawh a, ka han sawi lang duh a ni.

Tin, a dang lehah chuan 20 Point Economic Programme hi kan Sawrkarin hmun hrang hrangah Price Fixation te leh thil dangah tan ala a, a ti mek a, a lawmawm hle a. Tun lain Lt. Governor Speech-a kan hmuh ang te leh hemi Budget Speech-a kan hmuh ang hian Super Market hi Co-operative hian an lo la dawn ta a, hemi tihlawhtlin thuai thuai theih ni sela mipuiin an nghakhlel hle a ni. Tin, a hlawhtlin thuai pawh a beiseiawm a, chu chu ka han sawi lang duh a ni.

Tin, chumi han sawilan tak azarah chuan tun hnai lawk atang khan Petroleum Product distribution te pawh Co-operative-in a lo la a. Agency te chuan lo hlan a ni ta a, Sawrkarin a lo lak tak chuan hmun pawimawh mawh sub-division-ah te pawh Kerosene Agency te han hawn belh thuai thuai thei sela. Chutiang programme chu awm meka hriat a ni a; a bik takin Champhaiah te, Khawzawlah te, Lawngtlai-ah te kan Sawrkar-in in hmun te, Godown-te a set up chuan tun laia thil awmdan angin transportation chu kan Sawrkarin a sem chhuah ngai lovin Oil Company-in a pe thei vek bawh a ni. Chuvangin hmun pawimawh dang dang an tihah te dah thuai theih ni sela a lawmawm ang.

Tin, Revenue lampangah chuan ka ngaihawh ve fo thin pakhat chu mipui tan leh Sawrkar tan pawha hlawk tur awm leh thaawma ka lo hriat chu ram inthlau dan leh thing leh lo inthlau dan chungchang hi a ni. Hei hi ram dangten an tih tawh ang hi introduce ve tawh ni sela a thain ka ring fova. Thil kan in leiin sale list registration-in tih tawh ni sela, chumi ka han ngaih pawimawhna chhan pakhat chu kan ramah hian mi kan inang vek lova, Sumdawng leh dawng lo te pawh, in leh lo hi duh duha in lei theih, Sawrkar hriatpui lova in lei theih a nih chuan nakinah thil hlawhawm a lo awm thei dawn a ni tih chu kan hre thein ka ring a. Amaherawhchu, chung zawng zawng chu a safe-guard thei tur chu mi ram ang bawkin Sale List hi introduce ve nisela. Chu Sale List Register atang pawh chuan Sawrkarin tax ala ve anga, a leitit atang chuan eng percent emaw chu ala ang a, sale list-ah chuan hmun hnih hmun thumah ram te phai lam te anga an lo hralh ve hian thil lo lang a awm a, 10% Sawrkar chanvo a lo nd ve a. Chutiang chuan transaction chu lo awm ta ni sela Mizawl Urban Area chhungah hian mathei lovin Removal amount of the money chu kan collect ngein ka ring a. Chumi a pawisa mai pawh chu ni lovin thil pawimawh ber zawk chu miten Sawrkar hriat lovin Non-Tribal kutah duh duha in leh lo te hralhna hian theih lohna kawng khat a nih dawn avangin chu chu ka han ngai pawimawh deuh a; tih lai mekte a nih chuan a tha a, la tih lohte a nih chuan be thil hi ngaih pawimawh awm takah ka ruat bawh a ni.

Kan hriat theuh angin kan Sawrkarin P.W.D. lamah leh kawng tam takah hma a sawn em em a, pawisa tam tak pawh a hmang a. Thil te tak te kan nghahhlel em em, Bazar phei chu a lo dum ta vek mai a, kan lawm ngang mai, amaherawhchu, kan rilrua lo lang leh ka rilrua lo lang bik chu hei zan dar riat dar sarah vel hian Motor kal a tlem ta bawh a,

a mak a makin speed chak takin an khalh ta mai a, vawi hnih vawi thum chu bangsu dawt dawt te, Motor leh motor insu te a awm nual tawh a, mihring nun kan hloh hmian Sawrkarin rem a tih chuan speed breaker hi remchang changah speed break turin dahawm takin a lang a. Chuti lo chu mualphona sang zawk kan tawng ang tih a hlauhawm a ni.

Chumi baka ka han sawi leh duh chu kan Power chungchang thu hi a ni. Hei Power chu kan neih that lohzia chu a lang reng a. Amaherawhchu, kan bei zel anga, a tha chho zel ang chu. Hei hi a mamawhna zualna chu a bik takin Lunglei lamate Petrol Station Sawrkarin a lo lakah te sawn furlong khat lai chu a post ala awm lova, tin, line, petrol Station hmun machine engkim awm tawh khawl kum khat aia tam lo fit tawh chu light zawm theih lovin a awm a. Chu chu priority date fix a mipui tana dah thuai theihna kawng a awm theih chuan ngaihtuah theih ni sela a tha hle ang.

Tin, Agriculture lam hi Budget kan en chuan pawisa pawh tam dawn viauin a lang a, a lawmawm a. Amaherawhchu, thil pakhat chauh ka han tarlan ve duh chu hmun tinrengah hnathawktu ten Agriculture Loan dawngtu te leh pawisa tanpuina dawngtu te reng reng hi a thawk thei ngei leh a thawk ngei te pek ni tawh sela tih hi tul hlein ka hria. Hei hi an ti lo ni lovin, a thawk ngei te examine nise kan Slogan-ah pawh 'grow more food' tih nisela a thaawm e.

Industry lam hi lo thlir leh ila - Industrial Loan hi kan Sawrkar hian a pe tam te hle a, kan Sawrkar tan leh mipui tan pawha tha tur awma lo lang chu Loan kan pek hian a material ngaihtuaha, pek ni se. Loanees thenkhat-in engemaw scheme tha tak tak an siam a, mahsela phailamah Raw Materials kan depend chu Zoramian chu kan Loan chu kan benefit tak tak lova, tin, hlawh pawh a hlawhtling tak tak lo a ni. Tin, competition pawh a hneh lo a ni. Tin, thirkilma tih ang reng te pawm lama mite lak ang chi a nih chuan full benefit a zuk Loan kha meant kan nei thei loin a lang a. Dan naranin market-a readymade hi a tlawm fo zawk a ni. Chuvangin Loan Sawrkarin an pek dawn hian fimkhur lehzual tura ka duh chu, heng laia Raw Materials kan neih chi chutiang chu duhsakna awm thei sela thaawmin ka hria a, ka han sawi duh a ni.

A dang lehan chuan Rehabilitation Loan for Fire Victim hi kan Chief Minister ten hun rei zawka rul turin min tihsak nek niin kan hria a, mahsela ka han ngaihtuah vang vangin hun tlemte ni mai lovin, a tam zawkin kan duh chu long run instalment a pek ve theih ni sela, rehabilitate-na na na a nih si chuan. Hei loan dang zawng zawng kan han en hian Long Term Loan a ni deuh vek a, hemi Rehabilitation Loan hi Fire victim te tan hian Long Term Loan tih theih ni sela tih hi ka han sawi duh a ni e.

PU NGURDANLA: Pu Speaker, a hmasain kan Budget Session a hun taka kan nei thei hi a lawmawm ka ti a. Tin, kan vel State hrang hrangah te an inhai buai a, dissolved a nih laia tluang taka kan Sawrkar a kal chho a, hetiang hun Budget Session te kan lo thleng chho hi lawmawmin ka hria. Thil tha tam tak leh hmasawna tam tak te chu hai rual loh in Member ten an sawi bakah kan hmu a. Amaherawhchu thil tha tam tak karah khan hmasawn zel tumna rilru kan pu lo thei lova. Chuvang chuan lawm hle mah ila, 'a lawmawm e'tih mawlh mawlh chuan hma a tisawn thei lovang a, chuvang chuan eng engemaw zawnga kaldan tha ka tihzawng te a general takin kan sawi ve ang a.

Ka hmaa Member rawn sawitu khan keini Business Community te kha a rawn tinuala, amaherawhchu, member kan niin ka hria a. Business Community ni lo vin Member angin kan sawi ang a. Hei, nichina member pakhatin a rawn sawi Contract chungchang atang khan kan tan ve teh ang. Hemi a rate hniam ringawt pek hi a dik leh dik loah, Engineer ten hnathawk tha te an pek nge tha ang tih laiah hian Sawrkar kan deng chia i viau mai a, mi tam takin a let pek hi a dik a ni an ti a, chu pekna chu trial ang reng a lo awm a. Amaherawhchu, harsatha tam tak he kawngah hian a lo awm a, thenkhat chuan 60% hnuai tein an lo chhang a. An thawk leh thei si lova, chung avang chuan hmasawna a tibahlah thin a. Tin, chu chang ni loin Sawrkar pawh chak tawk lo angin a lo lang leh a ni. Chutiang avang chuan helalah hian ngaihlan fel **fek fark** reih a har hle a ni. Amaherawhchu, Pu Speaker, kei ka ngaihlan chuan a thlangtu tena hnathawk tha nia an hriat an thlan theihna zuk peka chu a dik lohna lai awmin ka hre lo a ni. Chu chu ka la advocate zawk fo a. Chutilochuan kan hnathawktu te leh Sawrkar Department hotua kan dah te rinhllehna ang veka kan khah nghal vek chuan Sawrkarin tan/pen a la thei tak takin ka ring lova. Chuvang chuan Dan dik tak hnuai h duhthlan theihna tunhma ami ang kha dikin ka hria a, a hniam hniam pek tur tih chu sut makmawh niin ka hria. Hei hi engemaw kawng chuan dikin lang mahsela a pumpuiah chuan a tha loin ka hria a ni.

Tin, 20 Point Economic Programme tih, Pi Indira Gandhi, Prime Minister ropui tak mai History-a hetiang mihring la awm ngai lovin India ram pumpui tihhmasawna atana he hmanrua a rawn siam chhuah thil ken Sawrkar-in puitlinna kawng step hrang hrang a rawn zawh chho hi lawmawm ka ti a. Amaherawhchu, hemi tihpuitlinna kawngah hian Emergency a puang a. Chuta tang lo chuan kan hnathawhdan pangngai ang rate chuan hetiang time bar programme, hunbi thliah nei a ni a, thawk tak taka India ram mipui te dinhmun intluk lohna inang lo hi siamrem tum a ni a. Chuvang chuan Emergency hial puan ngai a ni. Emergency kan Sawrkarin a han hman tirh khan staff te leh hnathawktu te reng reng kha thil khan a nghawr tha viau a, zingah pawh hnathawk lai te leh Officer-te hmuh loh lai an awm mang lova, amaherawhchu, helai kawngah hian kan Member zahawm tak pakhatin a rawn sawi ang khan, tunah hian kan thuanawp leh ta deuh em ni tih theihin inthlahdakna a awm tan leh

deuh hlek a ni. Helai kawngah hian Sawrkar-in a bik taka khauh lehzuala Emergency hi Emergency a nih hi zuk hriattir a nawr khawng leh a, thil ti dik lo te, Buhfai mipui chan tur lo kawr rate leh hlepru te hrem anga nasa taka action a lak chhoh ang khan sut chuang miah lova, pen chhoh zel a lak ngei hi tul takmeuhin kei ka hria a ni. Chu chu kei, Pu Speaker ka ngaihdan a ni a. Chumi a nih loh chuanin kan rama corruption hrang hrang hi kan ti reh thei tak takin ka ring lo. Tin, tireh pheh chu a harin ka ring a, a pumpu hlum pheh chuan, amaherawhchu Emergency atang hian engemaw chen chu kan siam tha dawn ngei hian ka hria a. Tin, 20 Point Economic Programme hnuaiia zirlaite tana lehkhabu, zirlai te tlawm zawka zuk pek tur tih kawngah hian Sawrkarin nichina zawhna huna Nagaland te engemaw Central-a Fund an dil belh ang khanin Central Sawrkarah hian hemi puihna turin a bik takin 20 Point Economic Programme hnuaiiah hian Central puihna zirlaiten zirlai bu tlawm zawk leh man awm tawka an neihna tur te leh Hostel tha zawka an neih theihna tur hianin fund tam tawk dil belh hi pawimawh hlein ka hria. Tin, thil pakhat hemi Economic Programme-in a tum ber chu Economic quality-sum leh pai kan neihdan leh kan hai luh dan kawngah inthlah lutukna awm lova, a practicable chin, a tih theih chin chiah tal chu intlukna, mipui intlukna hi siam tum a ni. Hemi kawngah hian kan Sawrkar hian eng angin nge pen a lak ang aw tih hi ngaihtuah tham tak niin ka hria. A bik takin thil income leh zuk lakluhna kawngah hi chuan thawh hah te pawh a ngain, remhriate pawh a ngai a ni. Amaherawhchu, a thlawna a neiha neih chu kan ram neih in hmun lo ram te leh leilet kan tih ang chi Sawrkarin a pek a a pek chiah tal hi chuan intluk engemaw siam hi tulin ka hria a ni. Hetah hian Land Ceiling hi mi pakhatin ram engzatnge a neih awm tawk ang tih hi kan tih ve thuai tulin ka hria, hun tam pawh kan Emergency chhung hian kan neih pawh ka ring lova, hemi hunlai ngei hian Land Ceiling kan neih ngei tulin ka hria. Pa thenkhat eng engemaw zawng a tlan sum leh pai leh engemaw zawng pamham deuh chuan dik takin hei kan hre vek a. Mizoram hmun pawimawh deuh deuhah chuan hmun, a lei a leite chu ka zuk ngaithiama, amaherawhchu, a hmuha a hmuh hian an nei zet zutin leilet te leh huan te an nei zet zut mai a, hetiang kan tan chuan thangthar kan tu leh gate intluk lohnan tur chu an pianzia rengah a rapthlakin chet ngaihna reng reng a awm dawn lo a ni. Economic cleavery an tih ang hi practical chuan a awm mai thei dawn a, hengah hian chik tak maia thil zuk tih tak tak tulin ka hria a ni. Hmanah Member a nih lain kan Minister zahawm tak, Pu Sangzuala'n Land Ceiling chung chang a rawn move a, khami thil khá tih nun leh chi a ni dawn lawm ni ? India ram pumpui Indira Ganhi Sawrkar-ina a buaipui hun lai takah hian khauh zawka thil zuk tih hi tulin ka hria a ni.

Tin, thil pawimawhka hriat leh pakhat chu hmanni kan zinnaah Vairengte atanga kan lo kal chhohnaah Forest-hoin kawng sira Teak Plantation an neih kan thlir chho a, chu chuan ka rilru a khawih khawp mai a. Tun atanga kum 10 velah chuan Zoram kawng dung hi a mawi hle dawnin ka zuk hria a ni. Chung atangte chuan Mizorama lohut tam tak

te ngaihtuahna atang hian Mizoram hi Tourism Lodge tak takah, khual zinte rawn tlawh tlak tak takah kan siam tak tak thei dawn a ni. Chumi hawi zawng chuan Scheme siama kan Sawrkar hian tan a lak hi pawimawhin ka hria a ni. Tuikhuah tur tha tak tak te kan nei a, cheimawina kawngah dik takin Kashmir te pawh natural thil ringawt chu ring sela, tumahin foreign atangin an pan huai huai bik hauh lovang, an Dal Lake an chei dante pawh kan hria a, khua tipui tur leh timawi tur chuan Dil mawi taka awm phawt a, khami tui kam vela khatiang atang lo chuanin khua hi a ro hmel em em zel mai a. Chutah chuan tuikhuah mawi tak chu chu Multipurpose a dinin Electricity lam atangin a lo hman theih zel ang a. Chuti zawng chuanin thil kan ngaihtuaha kan Sawrkarin tih takmeuha tlan hi tulin ka hria. Pu Speaker, kan bial a nih vang ni hauh lovin, khualzin te leh tourist zuk attract thei tur chuanin thil ngaihtuaha lian deuh a ngain ka hria a. Sairangah Rail kawng lokal turin kan beisei a, Lengpuih thlawhna tum hmun awm dawnin kan beisei a. Chuti a nih chuanin khualzin pawimawh te lo thlenna tur chu khu lampang khu a ni dawn a. Chuvang chuan khumi lampang hawi khuanin thil mawi flower garden hmana member zahawm tak ten helai hi kan passed tlang dial a. Khangte pawh kha tihchaka, tin, khunglai vel khu beautify tak tak hi pawimawhin ka hria a. Chtiang atang chuan tunah tih zung zung theih a nih loh pawhin ngaihtuah a thain ka hria. Khawthlang lampang khua zawng zawng khuan Sawhthing chi an duh a ni. Amaherawhchu, an lei thei vak lova, chulaiah chuan engemaw chena puih chu an ngai tih ka hria a ni. Khawthlang lampanga hna kan thawh deuh avangin khawthlang lampanga an thil duh te chu ka hre ve viau a ni. Pu Speaker, chuvang chuan helai hi kan tlin ang tawka tih ngain ka hria. Hemi kawngah hian kan Sawrkarin thil a tih mek hi chak lehzuala an Sawhthing laih tawhte hi a hralhdan tur ngaihtuahpui a kan puih hi a ngai hlein ka hria.

Tin, Inland Water Transport chungchangah a thawktu te pawh ka be ngunin Tlawng an siamdan tur te pawh hmannah kan Minister zahawm tak nen pawh kan zuk thir a, Buichall suar kalhmang te leh khunglaia siam ngai laite siam that takte a awm a. Amaherawhchu, dik takin heng laiah hian Inland Water Transport Department hian hna zuk thawhna tur fund hi an nei tlem khawp mei. Tin, tuna kan Budget lehah pawh hian ala tam tak tak hauh lo mai a, helaiiah hian hna zuk thawk tak tak tur chuan a dinmun hi zuk hriatpuih, an staff te hlawh bakah, mathawhna tham pawisa kan pek loh chuan helai hi thui takah pawisa khawih ralna a lo ni thei a. Chuvang chuan helaiiah hian pawisa tam deuh hlek pek tulin ka hria a ni.

Pu Speaker, oil lampang, heng petrol distribution chungchangah pawh Co-operative Society-in engemawchen chu a la ta a. Helaiiah hian kan Sawrkar hian eng angin nge tuna an sem ang hian Mizoram cover dawn sela, hlahh mai turin nge an lak a, engtinge an lak Sawrkarin a pek chhuahna hmun tur te a hrana acquire a tum nge rent-a kal chhuah zel a tum ? Oil phur tur hran trip hran siam a tum nge, a hlawh dan tur leh engemaw pawh chhut lo hian a la tawp mai em ni ? Helai hi ngaihtuah tham tak a awm niin ka hria. Chu lai chu kan Minister concerned hian rawn tichiang se ka duh a ni.

Tin, hmanni lawk khan Shillong-ah zirlaite kan kawm a, an harsatna an neih zinga mi pakhat chu Central Scholarship chungchangah hian, mi unau pahnih aia tam chuar an hmu thei lovang, income Rs. 750/- thlatin chutiang chung lam chuanin an la thei lo ang tih hi Meghalaya Sawrkar leh Nagaland Sawrkar-te chuan an duh lohzia, tribal kan ni a, hnam hnufual, hetiang rate fixation hi a awm ala hun lo tiin Central-ah an thlen a. Chung zirlaite chuanin helai thu hi Sawrkarin an la thlen na tawk lo tiin min hrilh a, Meghalaya Sawrkarin tiin an sawi a. Chu lai chu kan tlang-mi puite an lo tanna lai a ni. Chuvang chuan tunah hnam hnufual, tribal kan ni a, tunah chuan hetiang restriction All India huap ang chi hi chu la ti ve thei kan ni lo a ni tih hi chak zawka Central-a thlen hi tul takmeuhin ka hria. Ka hriatdan a dik chuan Meghalaya Sawrkar chuan unau panga aia tam chuan hmuh theih loh ni se, hetiang restriction a nih pawhin zau tak a nih loh chuan kan la tlin to ve an ti hial a, income-ah phei chuan bar awm suh se an ti hial a. Chu chu 'Central-ah rawn thlen rawh u' rawn ti chak ve rawh u' an ti a, chu chu Sawrkar hnenah rawn sawi ang che u an ti a. Kan Sawrkar hian chak zawkin Central-ah zuk ngen ve se tih chu ka ngen duh a ni. Tin, Scholarship a pumpui thua tlangmi dangte aia an hmuh that thu leh an hmuh ran thin avangin lawnthu kan sawi bawk e an ti a, chu chu he House-ah hian han sawi lan hi tulin ka hria a ni.

Tin, traffic chungchang hi, khawpui Control dan chungchang hi Session hmasaah pawh kan sawi tawh a, dik takin tlangram khua, hetiang Mizoram, Aizawl te ang te hi chu, Simla ang te khu, kawng zauh zel ngaihna tak tak a awm love, engemawchen zauh chu a theih ang. Amaherawhchu, traffic hlahawm lo tak tak tur chuan kan thei lovang a, helaiiah hi chuan a control-na laiah hi chuan step kan la thei a ni. Dik takin tuna Motor kan control dan hian mu leh mal a nei em em lo a ni. Keep to the left emaw right emaw pawh hi a awm lo emaw chu aw tih theih khawpin a awm a, hei hian accident pawh a tih tam phah em ni chu aw a tih theih a ni. Heng mi kawngah hi chuan heavy vehicle-te chu Simla-ah te chuan a lut thei lo a ni mai a, Simla Khawpui chu a thianghlimin kea kal te tan chuan engemawchenah a him phah a. Tunah phei chuan Aizawl Khawpui kea han kal chhuah a, him taka han thlen chuan tawngtaia lawm thusawi hi a tul ta tak tak mai a ni. Hetiang dinkmun ngawt hi chu a dik tawk lo a ni. He laiah hian step khauh tak a lak a, vehicle heavy deuh chu khawpui chhungah luhtir lova, a vel hian Aizawl Khawpui vel hian Truckable emaw Heavy vehicle emaw tlan theihna siama, mi kal an awm tawh mang loh an tlan hnu hian lut lo thei lo a te chu zan dar 8 hnuaah emaw luhtir ni sela, zinglon dar 6 atang tein emaw a luh theih leh loh anga, tlan lampang dar 8 thlengin chutiang ang deuha systematic-a kan tih tawh loh hi chuan engtik khawtich mah hian kan ti thei dawnin a hriat loh a, nunna hi ngaihtuah pawinawh hmesak ber a tul a, nunna hlahawma kan dah phei chuan a pawl a,

tu bungrua emaw a thlen tlai deuh emaw chu thil pawimawh nep deuh a ni. Nunna kan siam theih hauh loh hi chu kan ven ngun hi tulin ka hria a. Chu lai chu Emergency chhung ngei hian he kan term chhung ngei hian chak zawka tlan pui a, tih takmeuha helai hi zuk tih ngain ka hria.

Tin, Tourist chungchang thu tawite in han sawi leh khek ila. N.E.C. Scheme-ah Hotel siam tum a awm a, khang ang thil kha chak zawka tlanpui a, tihlawhtlin tulin ka hria. Tin, P.H.E. chungchangah hian han belh leh khek ila, hei nipui a lo thaw a, tui kan thaw a, nipui lo thaw tur hi tui avang hian engemaw huphurh chuan kan huphurh tlang a ni a. Mipui kan lo suala, a elha lo elh tawk te kan awm a, a veng vengte in min hrema, a eng tak nge maw tia chin hriat mang lovin a awm theih a. Helalah hian Sawrkar harsatna hi chu ka hrethiam a, amaberawhchu, a har emaw har lo emaw ti ringawt mai ila, ka demna ni lovin, chak zawka tlan hi chu a tul a ni. Chu lai chu Sawrkarin eng angin nge tlanpui theih a neih ka zuk hrethiam lova. Tin, Electricity pawh kha dik takin tui kan khuah ve hma chu kan dam lovang, kan rama Hydel Power kan tih ve hma chuan kan tha tak tak dawnin ka hre lova. A dik nge dik lo ka hre lova, 66 KV Line te pawh hi a Line te pawh kan thlung deuh uai tawha, mahse min rawn pe tu tur te hian ziaka kan rawn pe ang che u tihna em em pawh la awm awm lovin ka hria a, ka hriatdan a dik chuan. Chung laiah chuan a engpawh ni sela, hemi hmun thlenginmin lo pe thei pawh ni sela, nakinah State leh State inkarah te chuan buaina engemawin tih thiam lohna te pawh a lo awm thei a. Chu chu natural tak a ni a. Chutiang hunah chuan kan hawi leh hel hawl mai ang tih hi Pu Speaker, a hlauhawm viauin ka hria a. Chuvang chuan helala kan tui neih ve ngei a bik takin pawimawha ka hriat chu Tlawng khu inti dawt mai teh ang. Pu Speaker, khu khu khuap ila Khawpui atangin a awl bawk a, a line pawh a lo hmai a, chu chu a tlangpuiin dik tawh mainn ka hria a ni, Survey em em pawh hi ngain ka hre lo.

Hydel Power an khuah dante pawh kan hria a, khuah tum tak tak chuan tlang tiatin an khuapa, theih loh tak tak a awm lova. A pawimawh ber lai chu mawl takin layman angin ka'n sawi tawrh tawrh mai ang a. Thal lain a kang nge kang lo tih ni deuh mainn ka hria. Khumi Kashmir-a an khuah te leh Arunachal-a an kuahte pawh hetiang hu tho hi a ni a, tan tawp mai hi a tha mai lawm ni le? Investigation stage hnuai awm reng mai pawh hi Pu Speaker, a ni lo deuh tawh chuan ka hria a ni. Investigate mek a nia tih a ni a, a ni maw kan ti leh ringawt a, thil hrethiam pawlin investigate mek a ni kan ti a, hetiang lo deuha tlandan Central Minister lo kal te pawhin 'Money is not the problem' an ti chamchi a. Problem loh na na chu engahnge maw an rawn tih loh ang le. Tin, Arunachal-ah te phei chuan Hydel Power hi 7 lei an commission tawh a, tunah an commission chho leh mek

dawn a; chuvangin an lo rei tawhna chu kawng khat ni sela, thenkhat kan Opposition Party-ten theng reng tak taka an han sawisel te hi engemaw kawngah chuan a dik ang reng viau a ni. Kan vela mite han intehkhin uaih uaih loh theih hi chu a ni lova. Helaiiah hi chuan Nagaland leh Arunachal te pawh hi han intehkhin leh thin te pawh hi a pawina awmin ka hre lo a ni, pakhat tai hi chu i khuap ve ang u, investigate ni lovin i khuap ve ang u, chumi a nih loh chuan kan tha tak tak theiin ka ring lo a ni.

Fu Speaker, min lo ngaidam la, hmannah khulaiiah inkhawm ropui tak mai kan zuk hmang a. Party liana tel na na na chu, chutah chuan Central hotu te hmenah kan Elementary Education hi kan tlak-chhamna a ni a. Primary Teacher tam tak lak belh leh a ngai a ni, hetah hian theihtawpin kan Sawrkar lo pui ang che u tiin kan sawi a ni. Dik takin hei kan ram dinhmun hi population-a chhut theih pawh a ni lova, rambuai avangin khaw te tak te teah kan inthendarh a, amaherawhchu, India Constitution-a kan sawi tawh fo thin angin directive principle-ah khan 'Free and Compulsory Primary Education' a ni a; he Primary Education hi chu a free-in, tin, State-in ngaih pawimawh a, tih-luih hial a, naupangte hi zirtir chi a ni. Chutiang a nih avang chuan hetah hian Budget lian zawk siam tulin ka hria. Tin, ka hriatdan a dik em ? hemi kan B.Ed College-in B.Ed kan zirna sawmi Institution saw Elementary Education Scheme hnuaiia dah a nih avang sawn pawisa hmangral ta theuh ang hian kan long a, hemi anghang ngawt pawh hian Primary Teacher tam tak kan ruai theiin ka ring a. Helai hi ka hriat dan hi ala dik zel a nih chuan saw Institution saw chu Higher Education khawilaiiah nge Elementary Education Scheme hnuaiia awm lova, ana Scheme dik tak a dah a, tin, sawmi an rawihna pawisa atang sawn Primary Teacher te pawh chu engemawchen kan lak belh thei in ka hria a, a tihpun hrim hrim bakah chu lai chu Sawrkar-in rawn dap ngunin, Elementary Education hnuaiia ala awm leh zel loh hi min hriihfiah turin ka ngen a.

Aw le, Fu Speaker, thusawi tur tam tak a awm a, amaherawhchu, pakhat ka han sawi leh lawk ang e, min ngaidam zel la. Vairengte khu Congo atang tein Mizoram en tumin an lo kal fo thin a an ti a, chuvang chuan khulai ramri bul khua khu a bik takin chei hi a ngai a ni tih hi ka rilruah a awm a, chu chu kan Minister-in lo en ngun se ka duh a. Mizoram ka hnu an ti a, an kir leh mai a, Foreign atang hian Vairengte rawn thlenga, Mizoram rawn thlenga inhria an tam em em mai tih thu khulai hotu ten min hriih a. Tin, L.A.D. lamte pawhin step te leh hemi Village improvement-te hi khawchhak lam tuk tuk vak lo hian, khawthlang lampangte pawh hi rawn dai ve sela. Vairengte bakah Lengpui te pawh chu ti ve zel sela, khawthlang lampang hian L.A.D. awm pawh hi an hre em em lo a ni. Helai hi semruai tha viauin ka hria. Fu Speaker, hun ka la ta viau mai a, mahse ka lak dan hi a tangkai phianin ka hria a ni.

Ka lawm e.

...59/-

SPEAKER: Minute sawm kan la nei a, dar 4:00 P.M. a bang tur kan ni a; chumi lai chhunga sawi duh kan la awm em ?

Member 11 in sawi a ni tawh a, member 24 zingah Member 11-in sawi a ni tawh a, hei naktukah kan la ti leh dawn a. Tin, Member tan hun tha taka in hman avangin a lawmawm em em a, hun thua pawh. Tin, minute sawm chhunga han sawi duh kan awm em ?

PI SAPTAWNI : Pu Speaker, hemi hun tawiteah hian, hemi hun pawh hi ka la hmangzo lo mah mah ang, tlemte sawi ka duh a, ka sawi duh chu a tam ber chu lawnthu a ni a. Hei Budget Session kan neih hmasak atanga tun hun thleng ka han ngaihtuah chhoh hian thil ka sawi ve vak mang lova, mahse ka ngaithla ngun hle thin a. Hmasawna hemi House chhung rau rauah pawh hian ka hria a, a Sawrkar lam chu sawi loh, chu chu a lawmawm hlein ka hria.

Tunhma lam ai khan tun tumah hian hemi kan sawiho zawng zawngah hian anna leh thinurna a tlem deuh zawkin ka hria a. Chu chu a ngaihtlak a nuam hle a, thusawi zawng zawngah pawh thahnemngaihna leh duhthawhna a ni a. Chu chu kan Sawrkar pawhin hma a sawn a ni tih a tilang hlein ka hria, chu chu thil lawmawm tak niip ka hria. Tin, tunhma lama kan ngaihtlak hrehawm pui pui thin, Sipai in chuti khati rawng tak taka an thil tihna anpui nasa thin te kha tun tumah hian sawi rik a awm lo hle a, chu chu kan ram dinmun a lo zangkhai zel tak vang a ni a, a lawmawm em emin ka hria.

Tin, chu lo ka lawmna tak pakhat chuhelai Khawpui kawng dung kha rum rum thin a mam ta hi a lawmawm ka ti tak tak a ni. Michia te tan a lawmawm zual bik a ni, michia ten Motor chuanna kan nei ve lo va, kan han kala, mi tha zawite Motor khuin kan invur reng mai thin kha tunah chuan chuan lam atanga hmar lam thleng hemi Kawngpui dung na na na chu a lo mam ta a, a khu chuk chuk kha a ren ta a, a lawmawm hlein ka hria. P.W.D. lam pawh hi kan sawisel hle nachungin an thawk hle a ni tih a lang a, lawmawm hlein ka hria. Amaherawhchu, kawng thua, nichina Member zahawm tak Pu Ngurdawla sawi kha, duhthawhna lamah han chhunzawm hlek ka duh chu, kawng zim kutuk hi a mangan thlak ka ti a ni. Engtin emaw tih ngaihtuah kan Sawrkar hian an la hre lawm ni aw ? Nichina Member zahawm takin a sawi ang khan nunna chan a hlauhawm hle a ni. Hmanah pawh ka sawi ri tawh a, a bik takin han sawi leh ila; Sabingalung atanga vai Sikul inkar saw an chuan lam kawng phei saw chuan chu ka kal apiang hian helai hian engtikamge mihring nunna a boval ang tih ka rilruah a awm ziah a ni, saw tilai saw chu a hlauhawm tak tak a ni a, a bik takin sawti lai saw engtin emaw ngaihtuah dan a awm thei lawm ni ? Ka duhthawhna lamah chuan Sawrkar hriat atan ka sawi duh a ni. Motor neite chuan a hlauhawmzia in hre kher lova a, Motor loa kal te tan hian a hlauhawm tak tak a ni. Bus saw TMB emaw kan tawh chuan chak taka kan tlan chuan a ni. loh leh mi leikaa tlan lawn tura kan tlan a ngai a ni, a body a khat chiah a, khamiah khan inpelh ngaihtuah a sawa reng reng lo a ni.

A hlauhawm tak tak a ni, sawnglai te saw engemaw ti tala siam that thuai a nih loh chuan engemaw ti tala ngaihtuah a nih loh chuan engtikniah emaw chuan pawikan la ti ang tih ka ring a ni. Chu chu kan P.W.D. lam-pang pawhin hna nasa taka an thawhnaah hian hre tel thei sela ka duh em em a ni.

Tin, zirna lamah hian hma kan sawn nasa a, Education Department hian hma a sawn nasa em em a, sawisel pawh a kai nasa em em bawk a ni. Tunah pawh hian nasa takin hma kan sawn tawh tih alang a ni. Amaherawhchu, duhthawhna, tha lehzuala duhna kawng tam tak ala awm a, chu chu hei office lam, a pumpui thu nichinah Member ten an sawi tawh, kum tawp dawna office hnathawktute nasa taka an tanga, sitawm lo em ema an tang ang hian kumtir atang hian tan ni ve sela tha hlein ka hria. Pawisa awnte pawh hi kum tawp dawna hman sawk sawk ni lo hian a bul atang hian a hman ralna tur ngaihtuah a, surrender a ngai dawn awm mange ti a tan la leh chhen mai lovin, a bul atanga tih chhoh nasat hi a tul niin ka hre ve a. Hei Office lam hi ka dawr khat ang reng a, mahse ka dawr ve chhunah heng Education Department hi ka dawr ve zeuh zeuh a. Nikum te angte khan entirnan han sawi ila - Office lam an tul vek vek chuan an tulzia chu, nikum khan thil pakhat, ka thinrim deuh em em mai thinna a awm a, chu chu kum 1973-a M.E. Scholarship exama Merit Scholarship la te kha mi kha nikum thleng khan pek lohin a awm reng a. Kumtluanin ka bei a, keimah ngei hian ka ti a, ka kal ka kal mai a, mahse Budget lam kan tih avangin kan khawih hman lo, kan ti hman lo tih a ni deuh reng mai a, ka thin a rim deuh hle mai a, a chang chuan, mahse an tul kha a ni ve miau kha a ni si a. Khatiang khan tul namen lova tul kha a awm a, a tawpah kum tawpah chu thil chu December thlaah tihfel theihin a awm ta chauh a ni. Chutiang khawp chuan an tul a ni awm e, amaherawhchu, chung zawng tulna thil thenkhat te chu tul lutuk yang pawh ni lova ngaihtah yang niin a lang thei deuh bawk a. Hna awm apiang hi, kan hmaa hna lo awm apiangte hi ngun taka thawha, ngaih pawimawha pending lova tih chhoh zel hi office zawng zawng-in zir thei sela a tha lehzualin ka ring. Tuna kan thawh that em em naah chu chu zir chhoin ngaih pawimawh ngei ni se a tha hle ang.

Thil pakhat Education lamah hian han sawi leh ta ila, exam lamah hian tawpna a awm ziah hi a pawikan em em mai a, School lam mi ka nih avangin heng thil hi pawikan ka ti thei em em a ni, mahmi ta ang taka ka ngaih avangin. Hei hi a pawikan hle a, sawisel pawh kan hlawh phah hle a ni. Exam-na lamah hian hei office lamah hian S.I. te, hian Bial nei chung a exam lam thil te an thawk thin hi an indaih lo hle mai a. Hengah te hian Bial nei chung a an Bialte enkawl paha exam lam thilte khawih lovin, kum tluana exam lam thil ringawt khawih tur, mi bik Bial nei kawp ni lo te hi awm sela, a thain ka ring a, thil a fel thlapin ka ring ve a ni. Chu chu Sawrkar hian a ti thei dawn lawm ni aw tiin ka ngaihtuah ve a. Kum tluanin exam thil ringawt buaipui se, kum tawpa buai vak a awm lovanga, a thain ka ring.

Tin, Zirlai Bu hi, zirlai bu lei tur awm lo tlat mai te hi, tunah entirnan- Pawl Thum English text bu lei tur awm lo tlat mai te hi engtia tih tur nge ? Hengte hi exam tur a nih pheichuan a buaithlak hle dawn a ni. Chuvangin hengte hi ngaihtuah that ni se a tul hlein ka hria a ni.

Tin, thil pakhat Industry lamah hian hma kan sawn hlein ka hria a, chu chu a lawmawm hle mai. Khawla Puantahna, keini hmeichhiain kuta kan han tah, zai khat lek leka kan han rawlha sawt lo tea kan tih thin kha, khawl lam tihdarh zauh a, uar an tum hle hi a lawmawm hle a ni. Tin, la pawh duang khat Rs. 2/- a kan lei thin kha a tlawm zawkin la dum hawn te an ti chhuak ve a, tin, Wool lam pawh, chutiangan hma an sawn nasa hle a, a lawmawm hle mai. Tin, Aizawlah pheichuan la phiarna zirna te, puantahna zirna te kan nei a, a lawmawm hle a. Hengte hi hemi chauh ni lovin, a zau zawka ngaihtuah theih nise, thingtlang khaw lian deuh deuhah te pawh dah ni ve sela. Hei kan Budget Session thilah khan damdawi lamte pawh khaw lian deuh deuhah Nurse te, Compounder te dah theih ni se tih a ni a, tunah chuan hma kan lo sawn nasa tawh em em a, chutiangan bawk chuan hetiang laphiak leh Puantah zirna hi thingtlang khaw lian deuh deuhah hian awm thei se, chu chauh ni lovin Khawla Puantah zirna te, puan zai zirna te thingtlang khaw hrang hrangah hian awm thei se. Chutichuan kan hma, kan Mizo hmeichhe hna harsa tak thin kha nasa takin hma kan sawn dawn a, chu chu hmeichhia te chawikanna tur kawng pawimawh tak niin ka hria a, hei hi Sawrkarin helamah hian ngaihtuahna hmang chho zel se ka duh a, chu chu ka sawi duh a ni.

SPEAKER: Hun vawin ni atan a tawp ta a, nak-tukah dar 10:30 A.M.-ah tan a ni leh ang. Naktuka kan tih tur chu Calendar ami ang khan discussion kan ti leh anga, chawnu lamah erawh chuan Treasury Bench lam atangan Finance Minister kan wind up tir ang a. Tin, chuloah Introduction of Appropriation Bill No. 1, chu chu consideration leh passing kan ti ang a.

Vawin ni atan chuan kan hun lo titawp tawh ila.